

**NATIONAL ASSEMBLY OF
SEYCHELLES**

Wednesday 17th March 2021

The Assembly met at 9am

National Anthem

Moment of Reflection

Mr Speaker in the Chair

**SEYCHELLES PLANNING
AUTHORITY**

MR SPEAKER

Mersi. Bonzour tou Manm Onorab. Bonzour nou lodyans a lekout. Nou a pas dan Staz Komite pou nou kontinyen avek *Appropriation Bill* e nou ava appel delegasyon ki pare silvouple.

Nou pe pran Bidze *Seychelles Planning Authority* e nou annan avek nou ozordi Vis-Prezidan Ahmed Afif ki reprezant Minis pou *Housing and Land Use*.

E osi Sekreter Prensipal dan Minister Finans Mr Damien Thesee. E Madanm Astride Tamatave *Deputy Comptroller General*.

Lo lapar *Seychelles Planning Authority* nou annan

Madanm Angela Servina son *Chief Executive Officer*. Mr Cyril Bonnelame *Chairman Planning Authority*. E Madanm June Loveday *Chief Accountant*.

Byenveni bann partisipan. E Bidze *Seychelles Planning Authority* lo paz 369 ziska 376 pou en total R16milyon 559mil i devan Lasanble. Mon ava envit Vis-Prezidan pou fer lentrodiksyon lo Bidze.

**THE VICE-PRESIDENT MR
AHMED AFIF**

Mersi bokou Mr Chairman. Bonzour tou bann Manm Lasanble. Bonzour tou dimoun a lekout. Mr Chairman *Planning Authority* i en pti lorganizasyon dan Gouvernman i annan 48 dimoun.

Son louvraz prensipal e son manda i ganny donner anba *Town and Country Planning Act*. E son travay prensipal se pou li fer sir ki tou bann regilasyon an se ki konsern konstriksyon, devlopman i ganny fer anliny avek *Lalwa Planning Sesel*.

Alor an plis ki sa i osi responsab pou fer sir ki bann ki i donn konsey Gouvernman lo bann Polisi i donn bann *guideline* avek tou dimoun ki dan konstriksyon.

I osi *involve heavily* dan *Land Use Planning* pou pei e tou

bann planifikasyon stratezik ki bezwen ganny fer lo nivo pei. I travay avek tou Lazans Gouvernman i konsernen, pou fer sir kontrol i ganny met an plas tel ki i annan *quality assurance, building control* ki tousala i pas anba bann regilasyon.

E i fer sir ki i kapab delivre selon lekspektasyon piblik. Sa Bidze ki devan pou 2021 i R16.6milyon. i reprezant en rediksyon lo Bidze 2020 ki ti R17.6milyon. Ki anviron R1milyon rediksyon dan son Bidze. Sa rediksyon zot a war li lo paz 371 latab limero 2.

E ler ou get sa ou kas sa 16milyon, 16.6milyon zot a war poudir 12milyon ladan. Alor preski trwa kar i annan pou fer avek saler. Me sanmenm sa Bidze in redwir en pti gin pa akoz travayer pou ganny mwens me senpleman 13enm mwan in ganny retire dan sa Bidze.

Lezot depans i annan' *use of goods and services*' i annan 4.6milyon son lannen avan ti 4.8 e bann pti, pti rediksyon ki tonm anba - zot a war zot menm anba transpor in tonm en pti gin.

Maintenance in reste preski parey i annan en pti rediksyon dan '*other uses of*

goods and services' ki 2.4milyon.

Sa '*other use of goods and services*' Mr Chairman i prensipalman bann *fees* ki ganny peye pou *Planning Board* li menm.

So i en pti Bidze nou ti a kontan si zot annan okenn kestyon zot ti ava demann nou a sa staz. Mersi bokou Mr Chairman.

MR SPEAKER

Tre byen. Nou konmans avek kestyon mon repas lo nou lalis Manm ki'n lev lanmen. Mon annan Onorab Aglae, Adelaide, Vidot, Gabriel, Cosgrow, Ghislain, Loze, Labonte, Mondon, Esparon, Woodcock, Roucou, Monthy, Labrosse, Adelaide, Andre, Romain, Arrisol, Philip e Waven William. Eski monn ganny tou? Wi *ok* Onorab Naidu e Onorab Lemiel mon a azout zot. Mersi. E mon a wi Onorab Pillay wi mon ava azout ou. E mon a konmans avek Onorab Adelaide.

HON FRANCOIS ADELAIDE

Mersi Mr Chair. Bonzour Mr Chair. Bonzour Vis-Prezidan avek ou delegasyon. Bonzour tou *MNA*, tou dimoun a lekout. Mr Chair mon premye kestyon se ki lo zot '*major achievement*' mon war i annan nou'n fer

sikse avek sa *New Physical Planning Bill* me mon, mon okouran ki sa pa ankor akte.

Akoz ti annan en pe problemn ler nou ti diskite dan dernyen Lasanble. So ki zot pe fer pou zot anmenn sa nouvo Lalwa pou zot kapab debat lo la. Akoz ti annan en bon travay ki ti'n ganny fer ti annan zis enn de bann pwen kontansye kot *Board* kot *whatsoever*.

So ki zot pe fer pou anmenn sa pli vit posib pou nou kapab *deal* avek bann problemn ki pe donn nou bann problemn dan distrik imedyatman?

Dezyenm kestyon, dan *bullet point 7* ankor bann '*major achievement*' mon war mon pe demande *in regards to Planning Authority* ki zot pe fer par egzantp. Non, non sa i dan program 3 devan *development control*.

Ki zot pe fer ler zot donn bann *planning permission* pou zot fer sir ki tou bann devlopman i ganny fer selon sa ki zot in programen? E dan legzanp parey mon pe koz lo mon distrik se bann devloper ki zot donn bann bout lans.

E *then* akse lo lans pa ganny mentenir e nou war ki nou bann dimoun nou ganny problemn. So ki zot fer pou

swivi pou fer sir sa pa kontinyen?

E ler nou konman Lotorite Distrik nou *call* zot ki zot reakte proaktivman e vini e fer sir ki sa bann keksoz i ganny *deal* avek pou byennet nou Seselwa avek nou bann etranze vin kot nou. Mersi.

MR SPEAKER

Mersi. Wi Vis-Prezidan.

THE VICE-PRESIDENT MR AHMED AFIF

Mersi bokou Mr Chairman. Mersi Onorab. Mon a demann Chairman *Planning Authority* pou reponn sa premye morso lo *Bill* ki pe ganny fer lo la depi ler ti ganny prezante. E answit petet *CEO* i kapab koz lo sa morso ki konsern lans.

Akse ek lans zis petet en pti komanter vit. Sa *Bill* ti ganny aprouve par Lasanble Nasyonal e sete Mr Faure sa letan konman Prezidan ki pa ti *assent*. E mwan, mon mazinez rezon prensipal ki li i pa ti *assent*.

Son rezon ki i ti donnen sete *Bill* pa ti ganny fer dan en fason ki ti annan tro bokou *involvement* sekter prive dan *Board* e dan son kontrol. Mon krwar sete sa en pti pe direksyon ki li i pa ti dakor avek. Me depi sa in ganny fer

mon a les Chairman *Planning Authority* eksplike ki devlopman i annan. Mersi Mr Chairman.

MR SPEAKER

Mersi. Madanm *CEO*. *Sorry*.

MR CYRIL BONNELAME

Bonjour Mr Chairman. Bonjour tou Onorab e tou dimoun pe ekoute. Wi parey *VP* in dir ler nou ti'n fini nou tin anvoy kot Lasanble zot in debat lo la tin anvoy kot Prezidan pou *assent*.

Aprè ti annan detrwa *issues* ki i ti fer retournen. Nou, nou pran loportinite pou nou re regarde bann *gaps* ki, ki nou krwar dapre diskisyon i annan ladan. Nou pou retourn avek Lasanble, selman mon ti a kontan pran loportinite pou demann tou bann Onorab sirtou *lately* i annan en kantite konsern ki'n *arise*.

Kekfwa zot osi lo zot par ti ava ede si zot ti a ler i vin kot zot, zot *highlight* zot bann konsern, fer sir ki bann *gaps* ladan i ganny *plugged*. En manner ki i a fer nou louvraz en pti pe pli fasil.

I mean i en domenn ki ase konplike i enpakte tou dimoun. Me selman lo nou kote nou, nou pe zis regard sa bann pwen ki'n souleve met ladan *and*

hopefully very soon pou retourn kot Lasanble.

E nou ti a pled ki zot kapab *sign* sa *off* ase vitman, akoz i pou ed nou e nou tim en kantite dan zot louvraz *monitoring* parey Onorab Aglae in dir.

Parler i annan bann lenstans kot avek *the old Act* ki nou annan, nou annan limitasyon. E sa enn *hopefully* i a donn nou en pti pe plis ledan, pou nou kapab fer nou louvraz ase byen. Mersi.

MR SPEAKER

Next point Madanm.

CEO ANGELA SERVINA

Bonjour tou Onorab. Bonjour Mr Speaker. Mersi Onorab pou ou kestyon. *In regards* to devlopman ki'n ganny aprouve, tou devlopman ki ganny aprouve i ganny en laprouvasyon avek *Planning Authority* i annan nou tim bann *development control officers* ki *monitor* tou *approval*.

Once ki nou ganny sa *commencement notice* ki i en lobligasyon anba Lalwa pou mete nou tim i, i pase pou sirvey tou devlopman. I annan bann lenstans mon bezwen dir ki nou annan en pe, nou annan en pe kontrent osi.

Akoz nou annan nou 11, 11 *development control officers* e letan ou pe get kantite devlopman ki aktiv an se moman i en pe apepre 2300 an montan. So zot louvraz i ase, i ase bokou. Zot pa pou pas lo en *site* konstriksyon lo sa frekans ki nou, nou ti a voudre parey mon pe dir ou devlopman i bokou.

Me selman an menm tan nou met lobligasyon lo sa *developer* ki konman en *developer* ki annan en plan aprouve i annan en lobligasyon pou li swiv sa plan ki'n ganny aprouve. E sa i en lobligasyon ki nou osi met lo kontrakter. I vin parti zot responsabilite.

Ler ki nou, nou pase nou war dan bann lenstans kot zot pa pe swiv plan, nou annan aksyon ki nou kapab pran anba nou Lalwa nou pou donn en *stop notice*.

Nou pou koz avek ou pou fer ou, pou met ou okouran ki *issue* nou pou *advise* ou. E si tousala pa marse *eventually* i pou al dan *enforcement*. Kot i pou ariv sa staz ki ou bezwen kase. Me selman nou ganny en kantite difikilte avek bann kontrakter avek bann *developer* osi lo la.

Me nou fer nou mye e i annan bann ka dan lepase ki *Planning* in, in antre nou, nou'n

bezwen kase si i nou pa pe war i pa pe swiv plan aprouve.

In regards to beach access ou ti pe koz in line avek devlopman menm Onorab? *Ok, beach access* nou'n fini travay lo la pou Mahe, Praslin avek La Digue. i pou en, i pou antre dan nou nouvo Lalwa once ki i fini ganny revize, i fini ganny aprouve nou *Act then* nou pou al lo bann regilasyon kot nou pou fer li antre dan regilasyon kot nou pou fer li en *requirement* anba nou Lalwa.

Ki ou bezwen *provide* akse avek lans *regardless of* ou proze ki ou pe fer. *In fact* i en keksoz ki nou *already* pe fer pou bann devlopman ki vini nou ensiste ki i annan akse avek lans ki *unobstructed* pou piblik. Mersi.

MR SPEAKER

Mersi. Onorab Phillip Arissol.

HON PHILLIP ARISSOL

Mersi Mr Chair. Bonzour tou dimoun. Anliny avek zot manda pou devlop Polisi, Lalwa e Lalwa an se ki konsern itilizasyon later ek konstriksyon, eski *panel* i kapab dir Lasanble si Gouvernman i annan en Polisi an plas pou bann later ki napa akse avek, avek semen?

E ki rekour ki bann dimoun ki azout ek bann tel

sityasyon i annan? Dan menm laliny eski ou, ou'n koz en pti gin lo la.

Dan menm laliny eski *panel* i kapab dir ek Lasanble ki bann keksoz ki zot konsidere ouswa zot met plis lanfaz lo la letan zot fer vizit kot bann sit konstriksiyon?

Konbyen vizit zot fer pandan ki konstriksiyon i an progre e eski zot prodwir okenn rapor ouswa rekomandasyon pou referans pli tar? Mersi.

MR SPEAKER

Mersi. Madanm *CEO*.

CEO ANGELA SERVINA

Mersi Onorab pou ou kestyon. In regards to bann propriyete ki *enclave* mon krwar ou pe koz lo la non? Sa anba nou *Lalwa Planning* pa kouven. I pa nou manda pou nou rod akse pou donn bann propriyete ki *enclave*.

Sa i louvraz Lakour ki pou determinen kote ki *best location* si propriyete i *enclave* pou li, pou li ganny akse avek mon pa konnen *main road* or en *state road*. Nou dan nou ka si i annan bann laplikasyon ki vin kot nou, i annan ki parler i *submit* zot plan avek *parking* lo la, ki dir ou pou, pou zot transpor *whatever*.

Me selman an menm tan nou war ki napa semen ki ariv kot zot. So nou *advise* zot poudir zot pou bezwen fer demars pou zot ganny en akse ki legal pou ariv lo zot *plot*.

In regards to monitoring ou ti pe demande parey mon pe dir ou nou tim *monitoring* sa 11 zofisye i divize ant bann distrik sa 26 distrik ki nou annan Sesel ensi ki bann *outer islands*, *inner islands* osi.

So pou sak distrik i annan en zofisye en *development control officer* nou appel zot ki atase avek sak distrik ki pe *monitor* tou bann proze ki ganny aprouve ki'n *submit* en *commencement notice*.

An menm tan nou annan bann konplent ki nou gannyen in regards to *construction* kekfwa bann devlopman ilegal ki pe ganny fer ki sa osi nou bann *development control officers* i bezwen *attend to*.

Parey mon pe dir ou i annan 11 zot, zot divize ant 26 distrik ensi ki bann *outer islands*. So ou kapab apresye poudir zot louvraz i bokou.

As much as possible nou fer nou *ensure* ki nou annan *follow up closely* lo bann gro proze ki nou war i kapab annan en lenpak lo lasosyete kot sa landrwa kot i pe *build* li menm.

Ler mon pe dir ou gro proze nou pe koz proze lotel, proze lekòl si i annan, bann proze komersyal, *industrial* sa nou fer sir nou *follow* li *up* en pe pli *closely* ki si nou ti pou fer proze rezidansyel.

Akoz *normally* bann *residential projects* i ase, ase senp i pa konplike ki nou bezwen laba lo *site*. An menm tan nou met sa lobligasyon lo kontrakter avek *developer*, pou *ensure* ki i pe *follow* son plan.

I kapab ki *once* zot met *commencement notice* nou pas lo *site* pou en proze rezidansyel petet en, en 4 fwa pou nou *ensure* ki tou keksoz i *ok*. I kapab en mon pe donn ou en *average* i kapab i pli pti gin tou akòz i pou depan lo travay sa zofisyè li menm ki mannyer i pe *go on*, e ki kalite proze ki bezwen son latansyon a sa lenstan dan sa rezyon.

Sak vizit ki ganny fer i annan en rapor ki zot fer en *monitoring report* i annan bann *requirement* bann *prerequisites* ki bann kontrakter i bezwen zot menm zot pe bezwen *follow*. Zot bezwen annan zot *site book* tou zot bann keksoz i annord en mannyer ki ler nou, nou pase.

Nou, nou kapab *easily* fer rapor lot ou keksoz dan sa *site book* *once* ki zot ariv biro zot osi zot fer zot rapor zot atas li *online*

avek sa devlopman. Wi *ok* *thank you*.

MR SPEAKER

Mersi. Onorab Ghislain.

HON CHANTAL GHISLAIN

Mersi Mr Chair. Bonzour Minis. Bonzour tou avek ou delegasyon. Mon kestyon pou *CEO Lotorite Planning* si ou kapab atraver ou Mr Chair. Derynen fwa letan nou ti vin, derynen fwa letan nou ti *Fire and Rescue Services* ti vin isi kot Lasanble, ti annan en kestyon ki mon ti demann *CFO* an se ki konsern *cladding* lo, lo bann *building* ki pe, pe ganny mete konmela. Prenon kont derynen lensidan ki ti arive Langleter an se ki konsern sa, sa materyo ki zot pe kouver bann *building* avek.

Mon ti *raise* sa *issue* akòz menm si *CFO* ti pe dir i war me selman i napa en, en *say* ladan. Mon lefe ki zot tou zot fer *quality control* eski zot kontrol li osi lo kalite materyo ki, ki bann. (Onorab aret koze mon - mon tapaz)!

Eski zot *quality control* i osi i annan pou fer avek kalite materyo ki, ki sa bann *building* i ganny fer avek. Ouswa sa i tonm ek enl ot Lazans dir nou. Mwan, mon konsern pou mwan

i zis ki si sa materyo *Planning* ki pe fer?

Akoz letan mon pe fer resers i annan bann ki bon i annan bann ki son kontrol i – son nivo sa? I pa bon. *And* i pran dife pli vitman. Eski letan ti pe sa bann *building* ti pe fer sirtou mon konsern i obor sa enn la obor kot nou pran *fuel* la.

Eski zot osi zot in fer sa par sa kontrol sa kalite, sa kalite materyo *Planning* ki zot pe servi, *or* zis sa bann ki sa bann dimoun i ganny sa bann devloper *or* sa bann dimoun ki *build* zot bann zot fer sa bann konstriksyon, i servi nenport ki materyo ki tonm avek. Eski sa ti *raise* en konsern osi pou zot? Eski zot okouran sa *or* zot sa i tonm avek en lot Lazans? Mersi.

MR SPEAKER

Mersi. Madanm *CEO*.

CEO ANGELA SERVINA

Mersi Onorab pou ou kestyon. *In regards to* laplikasyon, petet Lasanble pa tro okouran nou, nou prosedir letan en plan i ganny *submit* pou *submit* en plan kot nou. Prosedir ki nou'n etabli se ki nou bezwen konsilte tou bann Lazans konsernen lo la.

Bann Lazans konsernen mon pe koz ou Departman

Lanvironnman, Lasante, Minister Tourizm, *Fire Brigade* *you name it*. Tou. I depandan ki kalite devlopman ki ganny *submit* avek nou. *Fire Brigade* i en departman ki ganny konsilte tou plan i al kot *Fire Brigade* *even* pou *sibdivision* later aköz zot bezwen get bann *issue* akse lot, lot.

So zot annan sa, sa loportinite pou zot *comment* ouswa pou zot met devan zot si zot pa pe war kalite materyo zot annan sans pou zot fer li. Lo nou kote ki mon kapab dir ou an term materyo tou materyo ki antre dan pei i ganny i pas dan en prosedir *screening* atraver *SBS*.

So standar i deza pe ganny tyeke avan ki i ariv kot nou. Me lo nou kote nou osi, nou osi tyeke *in terms of material* ki kalite ki pe ganny servi. Petet pat ou *developer* ki *at the time* ki zot *submit* zot *Planning application*, ki zot endik tou keksoz lo la. Aköz i annan *developer* *as and when* ki pe *build* i dir ou be la sa in monte i tro ser mon pou bezwen *substitute* avek tell keksoz.

Sa i bann, i bann keksoz ki nou bann manrmay pe *monitor* devlopman parey monn dir ki pou, ki pou verifie. Si zot war nesosite pou atir latansyon *Board* lo la zot anmenn pli

devan kot nou. *Wi in regards to sa case ki ou pe dir mon pa tro, tro okouran, me selman nou kapab investigate further lo la.* Mersi Onorab.

MR SPEAKER

Mersi. Onorab Michel Roucou.

HON MICHEL ROUCOU

Bonzour Mr Chair. Bonzour *panel*. Bonzour osi pou zabitan Mont Fleuri ki pe get nou la. *CEO* mon, mon annan trwa pwen, trwa kestyon pou mwan demann ou.

Mon premye kestyon i, mon'n war poudir anba zot stratezi zot annan senk mon mazine zot pe dir senk kalite lakaz ki pe ganny, ki pe ganny konstrir lo bann *housing estate*. Mon pe mazine zot pe koz lo *semi-detached, terrace* bann lakaz koumsa, ki zot pe travay avek *PMC* pou gete ki mannyer zot kapab ed bann zabitan ki pe reste lo bann *housing estate* ki'n fini pey zot lakaz pou zot kapab *extend*.

Parey dan mon distrik anler Rochon i annan bann lakaz ki nou appel sa bann *terrace* ek *semi-detached* Corgate Estate osi tou parey. Kot bann zabitan ki'n fini aste zot lakaz petet zot anvi, zot anvi ed zot zanfan asiste zot zanfan anvi ki nou annan sa problem

later pou le moman la. Zot anvi ed zot zanfan pou donn zot en pti bout pou zot fer en devlopman ki sa i kapab *accomodate* zot.

Mon ti a voudre tous en pti pe lo la akoz paret mwan i annan en pti pe difikilte pou zot kapab ganny sa permisyon?

Mon dezyenm pwen en pti pe lo sanmenm sa laliny an term lo kote bann lakaz dan bann dan distrik, ki bann paran osi tou zot anvi zot osi donn zot zanfan sa permisyon swa pou fer zot lakaz par lao - parey ti ganny anonse par ansyen Gouvernman, akoz limit napa sa kantite later. E swa zot anvi *extend* ouswa donn zot en pou fer en *second housing* lo la?

Mon trwazyenm kestyon ki mon dernyen kestyon mon rappel bann letan ler mon ti lo *Regional Council* Onorab Labrosse osi ti la avek mon. Nou ti fer en vizit avek ansyen *CEO Planning* kot nou ti war akoz i tonm dan nou rezyon sa pti bazar la ki *opposite* avek *Butchers Grill*. Kot ti annan en plan kot sa i ti pou ganny *upgrade* an menm tan ki sa semen osi ti pou ganny agrandi.

Mon ti a voudre si ou koz en pti pe lo la osi pou, pou dir avek nou ki, ki zistans in arive eski sa i *still* ankor dan plan pou annan sa devlopman la e

pou sa bazar osi tou ladan?
Mersi.

MR SPEAKER

Mersi. *CEO.*

CEO ANGELA SERVINA

Mersi Onorab pou ou trwa kestyon. Mon a konmans avek ou premye in regards to *extensions* dan *housing estate*. Parey nou'n war lo nou bann plan ki nou'n mete bann priyorite pou sa 3an. Nou pe koz lo senk *housing estate* ki nou pou idantifye kot i posib, pou nou kapab travay lo bann *guidelines* pou *extensions*.

Deza nou'n deza fer travay enn de *housing estates* mon konn Ste Ange Takamaka, Ste Andre Cascade, kot Onorab Vidot Roche Caiman. Praslin pou annan Marie Jeanne avek Coco Rouge, so nou pou idantifye ankor senk *housing estates* kot nou war i posib pou nou kapab travay lo serten *guidelines* ki pou ed bann dimoun pou *extend* en pe zot lakaz.

Akoz nou konnen i annan bann *estate* ki'n fini etabli fanmir in grandi i annan nesosite pou, pou zot. I annan pe demann ou pou sorti an menm tan Gouvernman napa nouvo lakaz pou donner.

So nou, nou pou gete ki mannyer nou kapab asiste pou ede pou *allow* zot pou fer bann *extensions* kot i posib. Mon pa pou kapab dir ou la *right now* ki sa senk *housing estates* aköz nou pou bezwen fer bann *assessment* bann *feasibilities studies*, pou nou gete lekel ki pou *meet* kriter.

Nou pa pou al fer *guideline* dan *estate* kot zis de lakaz ki pou benefisyé. So sa nou ava ziz li lo en *case-by-case basis* nou ava plito travay lo en *estate* ki bokou zabitan pou benefisyé. So sa i dan nou, nou plan i en travay ki kontinyel osi en si ou permet mon dir.

Apré ou dezyenm pwen ti lo *second housing Scheme of ethical extensions*. *Planning Authority* i toultan *welcome* kot i annan posibilite pou fer *vertical extensions* lo *existing houses* ouswa en *second house* lo plan kot later paran pou donn zanfan.

Sa nou toultan nou napa *issue* avek sa nou *provided* ki bann kriter nesoser kapab ganny *meet*. *Currently* ki nou pe war bann *issue* ki nou fer fas avek *in regards to* sa pwen. Nou pe war ki i annan bann later ki pti, pti *small plots of land*.

I annan ki *even below 400sqm* ki nou *minimum plot size*. Ki letan ou pou met en

second house malgre i annan lespas pou lakaz, lespas pou *waste water* pou *soakaway* napa. I pa *meet* kriter ki departman Minister Lasante i demande.

So dan sa bann ka nou bezwen ziz li *very* konmsi *limit detail* pou nou gete nou *liaise closely* avek Minister Lasante bann zofisye sanniter lo la. Pou nou sey ariv lo en, en konpromi gete. I annan lenstans menm ki i annan i bezwen ganny refize *unfortunately*.

Lo sa kote si ou pou permet mon dir ou sa *issue* i kapab ganny *resolve in the future we hope in the near future* *once* ki *PUC* i *come in* avek bann *sewage system* pou pei. *Once* ki ou annan *sewage* ou pa pou bezwen kit sa lespas pou pi perdi pou *septic tank* ok ?

E *sewage* osi pou anmenn en lot benefis ki nou kapab *review* nou *current plot coverage limit* ki nou donnen la pou devlop, pou devlopman lo bann diferan later.

Currently nou *up to 50percent* dan bann *residential areas* me nou kapab *increase* li *further* *once* ki nou ganny koneksyon *sewage* ok? Akoz parey mon pe dir ou pa bezwen kit sa, sa kantite later pou abzorb bann *waste water*.

An menm tan en lot keksoz ki pou ede *once* ki pei i ganny bann bon sistenm drenaz partou. Akoz nou, nou pou pe azir en pe iresponsab si nou pou aprouv bann devlopman ki apre pou anmenn bann reperkisyon ki nou pa anvi, nou pa anvi swete. Ler gro lapli i tonbe delo sorti kot tel lakour i desann kot en lot i fer lateras grennen.

Sa i bann *issue* ki deza i en problem nou pa le fer li vin plis problem ankor. So si dan lenstans ki *PUC* avek Lotorite ki zer semen drenaz dan distrik petet, mon pa konnen dan lenstans ki zot pa ankor dan lenterim ki zot pa ankor kapab antre avek zot plan nou osi nou pou bezwen nou pou bezwen ziz devlopman *very carefully*.

Akoz nou pa oule anmenn plis problem nou annan ase *issues in regards to* devlopman. So nou bezwen ziz li *carefully* me selman kot i permet kot i annan lespas kot kriter, i *meet* nou, nou toultan kontan pou nou kapab asiste en fanmir pou li ganny son prop lakaz ok ?

Apre osi si ou permet mon note i annan sa *issue* osi kot i annan plan ki nou'n aprouve lo bann later *second houses* ouswa *vertical extensions*. Me selman letan bann, bann *developer* i al labank pou zot

ganny zot *loan swa HFC swa bann Labank Komersyal*, zot war zot pa pe kapab ganny sa kantite larzan ki zot ti a swete pou zot kapab fini zot devlopman.

Akoz labank i met lipotek *on the whole property* ki paran i pa pou le met lipotek lo son later antye. Akoz ou pa konnen ki i kapab arive demen. So nou war nou dan bann sityasyon kot bann *developer* i met en bon pe presyon lo nou pou *sub divide* later.

E *subdivision* ankor *in the, in the event* ki napa *sewage system* i vin difisil. Akoz en bon pe fwa ou war poudir bann nouvo devlopman zot konekte *on the same sewage system as* ki i egziste.

So sa i en pe bann *issues* bann kontrent me selman nou *hope* ki nou pou kapab travay avek bann Lazans bann partner konsernen pou nou ariv lo en sa. Ou dernyen kestyon Onorab ti about sa pti bazar Roche Caiman ou pe dir ou? *Ok* bazar Roche Caiman.

MR SPEAKER

Eskiz mon Roche Caiman oubyen Mont Fleuri la?

CEO ANGELA SERVINA

Ou ti pe dir *Butchers Grill* non? *Yes, yes.*

MR SPEAKER

Anr *ok*. Mersi.

CEO ANGELA SERVINA

Wi Onorab. Sa pti bazar fransman dir ou nou. Mon parey zot konnen mon krwar monn travay dan Lotorite Plan avan mon ganny sa pos *CEO*. Mon ti sekreter *Planning Board* i en size ki nou'n koz lo la an plizyer repriz lo *Planning Board*.

Nou swe nou lo *Board* se ki nou ti kapab tir sa bazar antye kot i ete bouz li lo sa bout later *in between* sa *one way road* ki desann Bois de Rose avek Roche Caiman kot *SHELL*. I annan sa gran bout vid la nou, nou ti war sa en landrwa pli ideal akoz i ti pou pli bon pou *traffic management*.

I ti pou ed en kantite bann *issue* ki nou war i annan la. Mon konnen *issue traffic* la i terib ler i dir ou dan 4er, 3er me selman nou pa ti ganny *go ahead* avek ladministrasyon avan pou *proceed* avek sa plan.

So ki nou ti bezwen fer nou ti bezwen travay lo enlot plan pou kit li lanmenm la kot i ete. Me selman nou ti rod permisyon avek lekol Plaisance ki obor la nou ti pou antre en pti pe pli anndan kot lekol en manner ki nou fer li en pti pe, en pti pe pli soutenab. Ki

transpor i kapab antre pa bezwen aret dan semen.

Nou annan en plan lo la deza nou'n soumet avek *Cabinet* ti aksepte *Cabinet* avan *not this one*. So mon mazineen soon nou ava kapab konmans lenplimantasyon. *Even* distrik ti *involve* ladan Onorab Vidot si mon pa tronpe wi. *Ok* mersi Onorab.

MR SPEAKER

Wi. Ou bezwen klarifikasyon Onorab? Ale zis.

HON MICHEL ROUCOU

CEO mersi pou bann kestyon vreman bref. Ki mon ti anvi zis dir ou pou vi ki Mont Fleuri li menm li nou napa okenn lezot proze lakaz apard sa bann redevlopman. Petet mon ti ava pran sanmenm sa moman letan pou mon envit ou pou met Mont Fleuri dan sa group distrik ki pou fer pou donn zot permisyon pou bann *extension*. Mersi.

MR SPEAKER

Mersi.

CEO ANGELA SERVINA

Mersi Onorab. Nou *welcome* ou linisyativ. An menm tan petet mon a met a latansyon Lasanble ki nou annan *Planning* in travay lo en, en dokiman ki apel *the Seychelles*

Strategic Land Use Plan. Petet i annan zot ki okouran or ki pa okouran. Ladan nou koz en pe lo bann provizyon ki nou'n fer pou *residential intensification for the next 40 years*. So petet a en moman donner *in the future once* ki nou kapab nou kapab fer en prezantasyon ek zot lo la *ok*. *Thank you*.

MR SPEAKER

Ok mersi, mersi *CEO*. Onorab Romain.

HON GEORGES ROMAIN

Mersi Mr Chair. Bonzour *VP* ek *panel*. Mon kestyon *CEO* yer mon ti ganny sans demann avek *PS Choppy* selman i ti dir mon refer avek *Planning*. Mon pou retourn ankor en pti moman lo sa later konble ki pe arive Anse Etoile?

Mon anvi zis konnen sa devlopman li menm li si ti ganny konsilte avek bann peser konmsi en dyalog avek bann peser oubyen avek bann zabitan Anse Etoile si ti annan sa dyalog?

Aprè mon anvi konnen dezyenm kestyon ki proze si proze i annan lo sa later konble ler in fini konble li menm? Selman mon konnen yer si pou le moman i annan en *stop notice* lo la. Akoz osi mon war en bon pe ros lo sa later i en pti pe

danzere si bann manrmay i al grenp ladan i kapab ganny bann dimal. So alors i a bon met en pti pe lord lo sa later.

Mon dernyen kestyon bann dimoun ki *submit* plan avek *Planning* konnen ou pe al fer ou lakaz ou *submit* ou plan. Mon anvi konnen ki kantite letan vreman i pran pou plan ganny aprouve aköz mon ganny dir ki ler ou *submit* ou plan zot reekrir apre zot dir ou koumsa i annan en problenm avek byensir avek baze kekfwalou ou plan.

I dir ou rektifye sa problenm. Ou ale ou rektifye ou *re submit* ou refer ankor i dir ou i annan en lot problenm. Alors mon ti a kontan konnen vreman egzaktaman kantite letan i pran ler ou zwe demann sa kestyon plito demann en sel tou sa problenm ki annan lo sa plan, ki *at least* ler sa dimoun i *re submit* son plan i ganny aprouve? Mersi Mr Chair.

MR SPEAKER

Mersi Onorab.

CEO ANGELA SERVINA

Mersi Onorab pou ou kestyon. *In regards to* proze *reclamation* La Retraite, i en proze ki i *date back* apepre en 2an koumsa. I en *partnership* ki Gouvernman avek en *develop* en *in fact* en

developer ti apros Gouvernman pou sa proze *reclamation*. An menm tan Gouvernman i sipoze benefisye ladan avek later pou agrandi semen e en bout later pou fer en *public area*.

Devlopman antisipe i pou *residential* menm pou sa *developer* prive apre en bout *commercial* osi. Sa, sa *reclamation* nou'n gazet li de fwa dan prosedir aköz anba Lalwa *Land Reclamation Act*. Nou ti gazet li *for a first time* mon krwar an 2018 be a sa letan nou ti ganny en obzeksyon avek *SFA*.

Zot obzeksyon ti baze lo *closeness of the, of* sa *reclamation* avek zot prop proze ki zot in fer obor la. Aköz zot ti annan enpe krentif ki bato pa ti pou kapab vir byen, pa ti pou kapab *manœuvre* byen.

Me selman nou, nou ti retire enform *developer* fer li fer lamannman lo la. Lannen pase proze ti re gazete ankor safwasi anba *section 6 of the Land Reclamation Act* ki donn en peryod letan 2mwan ki al lo, lo gazet kot *anyone* i kapab fer komanter lo la.

Nou ti ganny nou dan sa peryod 2mwan nou ti ganny nou en, en obzeksyon pou en bann dimoun ki reste obor. Noun pran *onboard* zot, zot

lobzeksyon nou'n kapab sort out avek zot.

Nou mon ti tande yer dan Lasanble *in regards to* sa issue lanmous fransman *it was the first time* ki nou'n tande. Ni SFA pa ti'n averti nou *Planning* lo la petet dan lepase *I'm not sure*. Selman i *first time* sa devlopman ti'n ariv lo pwen kot ti pe al ganny son *approval* ti pe al ganny gazete kot *AG's office* me selman nou'n *hold on* avek la.

I deza anba en *stop notice* li sa devlopman aköz sa dimoun ki, ki sa *developer* li menm ki ti pe fer enpe travay *dredging* pou SFA lot kote. In i tin *stock pile* sa *fill* obor en manner ki i ti pou servi li menm dan son *own* devlopman apre.

Me selman nou, nou'n war li ou a krwar tin konmans pous en pe nou'n donn li en *stop notice hold on* ziskan ler ou ganny tou. Ziskan ler ou ganny tou ou laprouvasyon so la *as is* nou'n tenir parey mon pe dir ou nou ava *review* mon avek SFA lo sa issue.

In regards to processing of plans en dimoun i *submit* son plan kot *Planning* nou parey mon ti pe dir taler nou sirkil li dan bann Lazans konsernen, kot nou ganny bann *input everywhere*. Mon pa nou *as much as possible* nou sey nou

mye *within* en, en *4 to 6 weeks* pou donn ou en larepons.

Me selman i annan lenstan ki ler plan i ganny *submit* i annan bann lamannman ki bezwen ganny fer. Aköz i annan bann *agent* ki sa bann dimoun ki *submit* sa bann plan pa toultan ki zot fer zot resers avan ler ki zot *submit* plan.

Or even si zot konnen i annan keksoz ki Lotorite pa pou aksepte zot *still submit* li parey. Ki apre *eventually* nou bezwen demann zot mon dakor avek ou pwen ki si i annan keksoz pou demande nou devret fer en sel demande. Wi sa i byen aköz *obviously* nou pa oule plis *delay*, me selman an menm tan nou osi lo nou kote nou ganny enpe difikilte.

Pa dir difikilte me selman avek nou bann *referral agency* zot osi zot annan zot bann kontrent resours ki ennler zot tarde pou anvoy zot komanter *back* kot nou.

So nou osi nou bezwen espere ennler nou tay deryer zot, *chase* zot me selman dan lenstans ki nou pa pe ganny komanter laplikasyon i al direk dan *Planning Board* dan Vandredi *Planning Board* i pran desizyon lo la. *Thank you*.

MR SPEAKER

Thank you. Klarifikasyon Onorab wi.

HON GEORGES ROMAIN

Mersi Mr Chair. *CEO* eskiz mon, mon kestyon mon ti anvi mon konnen pou annan devlopman lo la. Mon ti zis anvi konnen ki kalite devlopman si sa proze i *go on* ki sa *businessman* prive pou fer lo sa later? Mersi.

MR SPEAKER

CEO.

CEO ANGELA SERVINA

Yes Onorab. Parey mon ti pe dir ou son plan i pou fer devlopman rezidansyel, *probably* apartman. Apre i annan en bout *commercial* osi. *Thank you* me selman i pa ankor *submit* plan *yet* pou son devlopman menm. Me selman sa en lendikasyon pou sa *reclamation*, son lentansyon. *Thank you.*

MR SPEAKER

Mersi. Onorab Loze.

HON JOHAN LOZE

Mersi Mr Speaker. Mr Speaker Sesel an se moman pe *undergo* en *construction boom*. Ler ou pran sa semen la ki vin kot Lasanble depi lo konmansman laba tou dilon an alan Anse

Etoile ou war konstriksyon partou kot ou pase dan sa pei.

Mon kestyon ki mon anvi poz zot se eski zot annan ase kapasite deza pou *cope* avek mannyer i ete a ler aktyel? E pou bann lannen a venir, eski zot pe fer pou fer provizyon ki konstriksyon i pa pou bese si lekonomi i *recover* ki forseman i pou *recover*, akoz sa lekonomi kales kase i lo en baz solid li.

Ler lekonomi i *recover* konstriksyon pou *boom* ankor. Eski zot annan provizyon zot *within Planning Authority* pou *scale up* pou *meet* demann ki ganny mete lo zot? Akoz mon asire ki *alot of the time* zot ganny dir zot tarde zot isi zot laba *unfairly* so akoz mwan, mon krwar demann petet in sirpas zot en pe? Mersi Mr Speaker.

MR SPEAKER

Mersi Onorab. Madanm *CEO*.

CEO ANGELA SERVINA

Mersi Onorab pou ou kestyon. *In regards to Planning Authority* avek kestyon ki ou pe demande. *Planning* i *still* pe resevwar laplikasyon. Nou pa'n war en *slowing down* dan laplikasyon dan plan ki pe ganny *submit* i pe reste *basically* parey. Nou mazin selman bann devlopman *commercial* sa in

redwir en pti pe. Akoz mon mazin bann kontrent *loan* a sa moman.

Me selman nou lo nou kote nou *still* pe resewar laplikasyon nou *still* pe *process* laplikasyon toulezour. Nou *processing* pou nou i pa en *issue* akoz *as of last year 2020 Planning Authority is fully digital* tou son loperasyon i *online*. So i pa en - pou nou i pa en *issue* pou *process* nou bann plan.

Parey mon'n note oparavan i annan bann kontrent ki nou gannyen avek bann *referral agencies* petet zot pa pe reponn dan sa dele letan ki nou, nou ti a kontan toultan akoz zot osi zot annan zot bann kontrent lo zot kote pou zot. Me selman nou, nou louvraz i kontinyen nou pa war how konmsi louvraz i dimini ki nou pa pe gannyen non. *It's not the case. Thank you.*

MR SPEAKER

Mersi. Onorab Naidu.

HON SATHIYA NAIDU

Bonzour Mr Chair. Bonzour Minis avek tou Manm lo *panel*. In annan plizyer lenstans dan lepase kot in annan de pwa de mezir. En batiman kot en dimoun i ganny permisyon pou met trwa letaz lo lot kote enn

pou ganny permisyon pou fer de. E ladan menm zot poudir bezwen annan *parking* menm si zot in fer provizyon pou *parking* i vin en problemm menm dan lot kote napa *parking*.

Mon swe se ki kwa ki Lazans i anvizaze fer pou asire ki i annan plis liniformite dan proses desizyon ki zot pran? E mon krwar *Planning Authority* i annan en sistenm *IT* ki ase sofistike konpare avek lezot Lazans. Me selman lo kote laprouvasyon i annan enta retar e byensir ou'n sit en pe kontrent ki zot pe fer fas avek.

Me mon oule konnen ki mannyer eski *Planning Authority* i, i anvizaze amelyor zot *service delivery*? E lo kote laprouvasyon ankor en fwa si tou bann keksoz i annord *what's the average time* ki zot lo zot kote zot pou pran lo en proze?

E ankor en fwa lo *decision making* pou *ease of doing business* mon remarke i dan zot *strategic priority* pou adres sa. Me zot lyez avek plizyer antite tel ki *PUC*, Minister Lasante, *Land Transport*, *DRDM*. Me apre ki plan in fini ganny aprouve devlopman in fini ganny fer sa menm antite i reaparet poudir sa i pa bon, sa i pa bon. I met sa devloper an retar i met sa biznes an retar e

sa i vin en problem. So alors lo kote kominikasyon avek diferan departman lo ki baz eski zot pou travay pou kapab amelyor sa silvouple? Mersi.

MR SPEAKER

Mersi. *CEO.*

CEO ANGELA SERVINA

Mersi Onorab pou ou keston. Parey mon, monn dir avan nou ganny en pe kontrent avek nou bann *referral agencies* akoz zot osi lo zot kote zot annan bann *issues* petet pa ase *staff* pou *deliver* sa, sa *assessment* ek sa komantr dan sa peryod letan ki nou, nou anvi.

Zot annan zot prop loubraz zot bezwen *take up*. Mon a donn ou en legzanp Departman Transpor i en, i en departman ki annan li mon krwar zis 3 *staff* ki fer *appraisal* pou bann *Planning application*.

So i bokou so ki mon kapab dir fodre Gouvernman i donn sa departman plis resours en mannyer ki nou osi nou a benefisy ladan. Dan lepase nou'n deza fer aktivite ansanm avek nou bann *partners* kot nou'n idantifye kantite resours zot bezwen an term *manpower*, transpor *you name it*.

Zot ti met devan e ti annan serten amelyorasyon ki nou ti war. Me selman i en keksoz ki

bezwen ganny *maintain* konpran. So sa i enn. *In regards to* ya, prosedir ou'n dir parey monn dir nou, nou target nou, nou *endeavor* pou nou delivre en larepons avek developer *within 4 to 6 weeks*.

Sa i nou target me pa toultan ki nou *meet* li parey monn dir parey mon'n eksplike. Nou i annan lenstans kot nou bann devlopman ki nou pe fer li pli dan de semenn osi en.

Akoz nou annan nou bann komite ki pe bann, bann *minor works applications* ki zot, zot *meet* tou le semenn e desizyon i ganny pran la lo sa komite. Akoz i annan bann reprezantan sa trwa *main* Lazans lo la.

So sa i vitman i annan bann, i bann devlopman ki below *100sqm*. Nou lentansyon se pou *increase* enpe *scope* bann devlopman pou zot gete an term size. En mannyer ki nou ava annan plis parey bann devlopman rezidansyel i a pas plis anba *minor works* so i ava sorti enpe pli vit.

Aprè ou'n koz lo, ou'n koz lo devlop wi ou'n koz mon krwar ou ti pe koz lo en *case* an partikilye Onorab? Letan ou'n koz lo en plan ki'n ganny aprouve aprè i pan ganny i, i pa'n ganny aprè ki in fini *bill* i pa'n ganny.

HON SATHIYA NAIDU

Wi sa ki mon ti pe zis dir dan lepase nou'n war ki'n annan de pwa de mezir. An sa ki konsern laprouvasyon bann plan. In annan dimoun ki'n ganny sans pou fer zot batiman san okenn *parking*. So mon swe se ki size i ganny adrese pou asire ki annan liniformite an term bann desizyon ki zot pran se sa. Mersi.

CEO ANGELA SERVINA

Yes Onorab. Mon dakor avek ou fodre ki i annan, i annan pa zis liniformite fodre i annan transparans osi dan *decision making* sa mon toutafe dakor. Mon ti a kontan osi atir zot latansyon lo lefe ki Lalwa *Planning Authority* i, i fer provizyon pou en dimoun ki son plan i ganny refize pou li fer en *appeal* avek Minis.

I annan en *Appeals Committee* ki'n ganny *setup to that effect* ki li apre i delivre son bann rekonmandasyon ek Minis *eventually* Minis i pran en desizyon. So i pou annan wi bann *case* ki *Planning* i refize petet akoz i pa pe *meet guideline* me selman ki apre in ganny aprouve lo *appeal*.

Letan sa i arive i pa vedir ki nou *Planning* nou pou sanz nou bann kriter avek nou

bann *guidelines*. Me selman nou pou rekonnet poudir i annan en presedans ki'n ganny kree deza. So nou *hope* ki i avek nou Lalwa sa *issue* i ava arete. *Thank you*.

MR SPEAKER

Mersi. *Chairman*.

MR CYRIL BONNELAME

Wi zis pou azout lo sa kestyon plan i aprouve lo enn lot pa ganny aprouve. Nou'n rankontre en kantite sa sityasyon e sanmenm ki parey ki *CEO* in dir mon krwar i enportan avek sa nouvo Lalwa ki vini ki sa, sa pou mon appel en *gap* i ganny *plug*.

Akoz i annan en kantite presyon lo, lo *Planning*. Parler ler nou *staff* i al lo *site* i dir be get sa be akoz pou sa enn li in gannyen mon, mon pan gannyen. Be nou mon kapab dir preski 99poursan nou fer sir nou *follow* nou, nou *guidelines* ki nou, nou annan.

E si fodre dir non nou dir non be *unfortunately* or *fortunately* depan mannyer nou regard li i annan sityasyon kot *the appeal process* i *overrule* nou desizyon ki ganny fer. E nou napa okenn kontrol lo la *whatsoever*. Mersi.

MR SPEAKER

Mersi. Onorab Mondon.

HON TERENCE MONDON

Mersi Mr Chair. Bonzour VP, Chairman Board, CEO, PS Finans e lot madanm. A mon premye kestyon e zisteman i swiv bann kestyon lo aplikasyon an vi ki nou'n travers ser en peryod sa peryod restriksyon.

Si ou kapab dir nou eski zot annan *backlog* bann *backlog* bann aplikasyon ki'n antre kot zot ki kantite i annan e ki zot *lifetime*? Konmsi kantite letan dele letan pe pran pou zot kapab *process* sa bann aplikasyon.

Ou'n mansyonn sa Onorab Sathiya in mansyonn *ease of doing business*. I enn bann keksoz ki zot pe travay lo la mon ti a kontan konnen ki, ki fason zot anvizaze amelyor sityasyon pou fer sa *ease of doing business* dan pli meyer?

Mon dezyenm kestyon Mr Chairman i sa *handling over* mon ti anvi demann CEO par lefe ki nou'n fer en, en ansyen CEO in demisyonnen aprezan madanm i vin nouvo CEO. Eski, eski ou satisfè eski i annan sa bon *handling over* ki'n pase kot bann keksoz i dokimante?

Sa i enportan akòz sa i bann standar ki nou bezwen fer

sir ki i annan partou dan bann dan servis piblik?

Mon trwazyenm kestyon Mr Speaker i konsern lentegrasyon konservasyon nou biodiversite i en eleman ki'n ganny entegre dan *Land Use Plan and Management*.

E mon anvi konnen aprezan ki fason ki Lotorite pe mazine pou pli byen protez bann landrwa ki'n ganny idantifye konman bann ki'n annan sa ki *bio, biodiversity area KBI* parey nou dir parey Grand Police. Ki fason zot pe mazine pou pli byen protez sa, sa bann landrwa parey? Mersi Mr Chairman.

MR SPEAKER

Mersi. Chairman kekfwà ou a konmanse avek *handling over*. CEO i ava adrese. Mersi.

CEO ANGELA SERVINA

Mersi Onorab pou ou kestyon. *In regards to backlog* mon a konmans lo ou bann pwen dan parey lord ki ou'n demande. *Currently* wi nou annan enpe *backlog* akòz ek sityasyon COVID depi *late December* nou pa pe fer *site visits*.

I annan aplikasyon ki nou pe kapab pran desizyon lo la wi pou nou kominike me selman i annan ki nou bezwen *keep on-hold* osi akòz i enportan pou

nou al lo teren pou war teren li menm ki mannyer i ete avan ler nou kapab pran desizyon. Zot konnen poudir later Sesel ki reste i nepli later plat parey la. I, i bann later ki difisil so i nesesit *site visits* dan en pe lenstans.

E nou bann *referral agencies* osi pa'n kapab fer *site visits* so i annan enpe plan ki *as soon* ki nou *resume* nou pe prezimen *within the next 1 to 2 weeks* nou ava kapab *clear* sa bann *backlogs*.

Ease of doing business nou lentansyon *of course* i pou *improve* pozisyon Sesel lo sa *index*. Ki mannyer nou, nou dan *Planning Authority* nou pou ede fer sa *once* ki nou met an plas nou bann *land use plans* ki pou anmenn latransparans.

En piblik, en investiser deor otomatikman i al lo *web GIS* i pou war tel *plot* later dan tel distrik i *earmark* pou tel devlopman. So i fer son laplikasyon avek Minister konsernen i konnen deza kwa ki pou ganny aksepte la kwa ki pa pou ganny aksepte.

Osi nou nouvo Lalwa ki pou vini i pou met an plas bann provizyon pou bann desizyon ki transparan ki kler e ki pou fer nou pran desizyon vitman. Otomatikman konman en plan

i antre nou war be i pa pe *meet* sa, sa nou, nou refize.

Otomatikman nou war i *ok* nou aprouve so i pou anmenn i pou *speed up* nou, nou prosedir an menm tan. E i pou anmenn plis *transparency* osi dan toulede lenstans en. Mon pe koz *land use plan* ki pou swivi avek son *development plans* e osi lo kote nou Lalwa avek nou bann regilasyon ki pou vin anfors.

Ou dernyen kestyon ti non *handling over* mwan mon en travayer *Planning Authority* so i pa'n difisil pou fer *handling over* avek mon *from ex CEO*. In en prosedir ki'n mars vreman byen laplipar bann *case* osi mon deza annan en *knowledge* lo la.

So basically in *handling over* in pas byen mon pou dir ou. In *hand over* bann *files* ki ti *outstanding* ek mwan avek en pe bann *notes* - en pe bann konversasyon verbal ki nou'n gannyen. In eksplik mwan enpe ki zistans in ete.

I annan en kantite Onorab en kantite so petet an ka kekfwa zot *call* mwan ouswa pe *query about* en keksoz mon pa *on top of it* zis donn mwan en pti pe letan akoz i bokou. *Planning* in *deal* avek en kantite *case* an term konplent, *enforcement*, *stop notice* bann devlopman ilegal i en *huge amounts*.

So mon *aware of* laplipar case mon *on top of it* me selman i annan ki nou ankor pe met li annord. *LUP, biodiversity areas* wi bann tel landrwa i pou ganny regularize dan nou *land use plans* parey mon dir ou. Akoz *land use plans one, once* ki i ganny gazete i vin Lalwa so otomatikman devlopman pa pou kapab ganny fer dan sa bann landrwa.

Or si i ganny fer i pou annan son bann spesifik kriter ki i pou al avek. *So ... of the land use plan* i en keksoz primordyal pou *Planning Authority*. *Thank you.*

MR SPEAKER

Mersi. Onorab Vidot.

HON AUDREY VIDOT

Mersi Mr Chair. Bonzour *panel* ek delegasyon, tou Manm Onorab. En bonzour spesyal zabitan Roche Caiman. Mon kestyon pou *panel* premye i annan sa *issue* yer ki nou ti *raise* avek Departman Lenfrastriktir. An referans avek bann *housing* bann vye *housing estate*.

Bann blok flat e konsern ki mon ti, ti a kontan met devan *Planning Authority* akoz zot ki *design* ;- bann zot, zot ede an term bann aprouv bann plan Gouvernman pou zot bann

nouvo *housing estate* espesyalman bann blok flat. I annan sa *issue* kot i annan bann konsern ki bann Manm in met devan kot bann tank delo i met dan bann blok flat e i vin en lenkonvenyans.

E osi an term bann konsern ki mon ti leve yer se an referans parey Roche Caiman i lo i en *reclaimed land* ok? E bann vye *housing estate Eden Village* zis akote sa semen pou al *highway* i annan Eden Island. Zot annan bann *heavy* konstriksiyon ki zot pe fer.

E sa osi i, i annan lenpak ki zot pe kree avek sa bann blok flat akoz i annan dimoun ki pe konplent ki annan vibrasyon ki zot santi dan zot lakour. E i pe kontribye osi an term sa building letan in ganny konstrir i annan serten defi. E i annan bann, bann plafon ki pe grennen.

Dimoun i kwi zot manze i tonm ladan. So mon ti a voudre demann zot ki lefitir okenn bann proze parey espesyalman lo *reclaimed land* ki annan en pti pe plis sa bann prekosyon ki ganny konsidere.

E petet osi avek gidans bann ki pe fer bann *heavy construction* ankor adisyonnèl obor bann ki'n fini konstrir ki zot pran bann, bann prekosyon bann konsiderasyon. Sa i enn.

Dezyenmman lo kote *access way* Roche Caiman ankore bann lakaz bann *semi-detached* preski tou i sipoze annan en *access way ok* ?

Ki permet bann dimoun ki reste dan milye kapab akse devan avek deryer zot lakaz. Me Roche Caiman nou annan en pake problem e i annan konfli ki pe ganny leve mon konpran ou konsern an referans ek kantite travayer ki ou annan lo sa lo bann *DCO ok* ?

Ou dir i annan zis 11 e i met en nou, nou annan en presyon ki bann dimoun pe konstri zot miray e pe vin en lenkonvenyans kot zot pe blok akse ariv en dife i pou difisil pou, pou zot kapab kontrole.

E mon pe met devan zot ki atraver mon konnen i annan ki deza la. I annan dimoun i met a latasyon Minister pou adrese e nou anvi zot, zot kapab reakte lo la desito posib. Sa i enn.

E dezyenmman lo menm laliny eski dan sa Bidze zot annan resours pou annan plis ledikasyon avek nou popilasyon? Espesyalman dan bann *housing estate* pran legzanp Roche Caiman.

Akoz mon pa ti a voudre i arive avek Perseverance. Pran legzanp lo nou edike parey *PMC* pe fer pou fer dimoun konpran ki risk i pe met pa zis sa dimoun

ki reste dan milye dan sa bann *semi-detached* me osi li menm si ki i ariv en ka dife *ok* ?

E mon trwazyenm pwen lo sa size bazar mon konnen i annan en kantite diskisyon lo la. Wi distrik in met plizyer pwennvi an referans avek sa *issue* bazar e nou pa ti a voudre i annan okenn aksidan i arive lo sa size. E nou pe demann avek zot nou konnen wi zot ti annan en travay ki zot ti pe fer.

Me nou bezwen konsiltasyon avan nou finaliz tou keksoz e nou pe demande ki omwen *once* ki zot in fini drafte sa *design* annan en konsiltasyon avek kominote Roche Caiman.

Akoz nou bann dimoun i kontan letan ou konsilte avek zot pou zot osi met konsern. Koumsa okenn lezot Lotorite ki annan ki pou enplike dan sa, dan sa devlopman zot konpran ki konsern ki zabitan Roche Caiman i annan an referans avek sa sityasyon ki egziste la ozordi. Mersi.

MR SPEAKER

Mersi Onorab. *CEO*.

CEO ANGELA SERVINA

Mersi Onorab pou ou keston. *In regards to* bazar nou napa okenn *issue* pou fer konsiltasyon *once* ki tou keksoz

i pare nou, nou *ok* pou vin dan distrik pou fer li. Pou note ki nou'n deza fer serten konsiltasyon osi avek bann Lazans toultour konsernen me selman pou al ek piblik i *ok*.

Ou premye pwen sete pou *design* bann *buildings* dan *well* bann blok flat. Zis pou koriz ou Onorab *Planning Authority* pa *design* i pa *involve* dan *design* li akoz nou menm nou ki regilater nou menm nou pa kapab pe *assess* nou prop zafer.

Me selman plan i pas kot nou wi nou ki *assess* pou donn laprouvasyon i bann konsiderasyon nou kapab pran *in terms of quality, in terms of* ki manner pou fer li pli byen sa i *ok* ?

Ou'n koz lo *right of way* bann *access* ki ganny bloke. Tou plan ki ganny *submit* kot nou Roche Caiman pou miray nou aprouve definitivman nou pa pou zanmen aprouv en plan si i pe blok en akse.

So si sa *developer* pe fer li i pe fer li *ilegally*. E nou zofisye i devret pe *take up so we'll see to that* napa problem. Ledikasyon piblik wi i nou plan pou nou al plis ver piblik definitivman.

Akoz nou'n war ki i mank en bon pe ledikasyon an term rol e manda *planning* avek piblik deor. Pa tou piblik ki pe

aware kwa ki nou sipoze kwa ki nou pa sipoze fer.

E kote zot ale pou zot ganny zot rekour ki zot pe rode. So nou annan en plan pou nou travay ansanm avek Minister nou Minister afilye pou nou anmenn en pe plis al pli pre ver piblik. *Thank you*.

MR SPEAKER

Thank you. Onorab Andre.

HON CLIFFORD ANDRE

Mersi bokou Mr Chair. Mr Chair avan mon demann mon keston mon ti a kontan felisit *CEO* ki en zabitan Anse Aux Pins e Anse Aux Pins i touzour fyer letan i annan bann pozisyon parey. Noun tir en dimoun ki ti Anse Aux Pins nou'n met en lot ki Anse Aux Pins.

Me mon dezyenm pwen Mr Chair ki mon premye keston se ki mon espere ki avek nouvo souf nouvo Lotorite, nouvo *CEO* e nou tou nou konnen ki avan *Planning Authority* ti en zouti politik avek tou respe ki annan pou, pou Chair.

Me ki manner i ti marse avan sete e in arive pandan sa dernyen kanpany sityasyon ki pan ganny aprouve 2an, 2an avan 15minit i ganny aprouve par ansyen *CEO* par ou.

Me kekfwa i pa dan zot latansyon mon ti a kontan ki sa avek sa Bidze ki nou pe donnen pa arive ankor en dimoun i vini son merit i son merit. Si i pa devret gannyen i pa gannyen oubyen i bezwen al aranze pou li gannyen. Sa i enn.

Dezyenm Mr Chair letan nou pe get *strategic priorities 2021 e 2023* pou *Planning Authority*. Mon pa pou lir tou *bullet points* me i annan sa enn ki dir *continue stakeholder consultation on implementation of the Victoria Special Master, Master Plan especially Victoria Waterfront*.

Mon pe demann zot konmsi ki mannyer si dan sa Bidze i pou annan larzan pou zot kapab fer sa. Akoz mon konnen bokou dimoun i anvi konnen e i anvi partisip dan devlopman sa, sa i dezyenm *Victoria Waterfront*.

Trwazyenm Mr Speaker i lo latab limero 5 lo latab limero 5 nou annan bann *contributing indicators* ki zot in mete *contributing indicators percentage of land use plan* letan *completed review and consultation stage for the existing electoral district*. Apre dezyenm i *percentage of current guideline and policy for finalise for approval out of the thirty nine drafts*. Letan nou get toulede

lannen 2000 lannen 2020 *sorry* i ti *85percent* aprezan mon war en rediksyon *70percent*. Akoz i annan en rediksyon mon ti a prezimen ki i mont pli o e menm zafer pou sa enn *dezyenm percentage of current guideline and policy of thirty nine drafts* i ti *100percent*?

So *amended target* ti *100percent* la in desann *75percent*. Apre *Planning* zot pa'n donn *revenue* ki zot fer akoz zot aprouv plan zot dimoun i peye. E ladan mon sey get dan sa *ALFRESO program* ki nou'n gannyen avek Lasanble menm lo sa *budget book* napa.

So eski zot pa ganny en, en reveni kanmenm i pa sib, i pa sibstansyel? Me selman *at least* nou ti a konnen zot in ganny en serten sonm larzan oubyen zot pe prozekte pou zot ganny en serten sonm larzan. Mersi Mr Chair.

MR SPEAKER

Mersi Onorab. CEO.

CEO ANGELA SERVINA

Mersi Onorab pou ou kestyon. Mersi osi pou ou mesaz felisitasyon. Mon fyer konman en zabitan Anse Aux Pins pou reprezant nou distrik.

In regards to ou bann kestyon mon a konmans avek ou enn dernyen. Nou reveni ki nou'n anmase pou lannen 2020 i ti R4.8milyon sa ti en pti pe *below* nou *targeted* ki nou ti pe mazin en pou anmase ki ti 5milyon.

Petet mon pa konnen si i *appear* dan *budget book* me selman i, i 4milyon ki nou'n anmase. Pou sa lannen nou target i R5milyon.

Victoria Master Plan, Victoria Master Plan nou pe deza pe prepare en prezantasyon pou al fer avek nouvo *Cabinet* pou nou ganny gidans lo direksyon ki nou pou pran si nou pou kontinyen avek proze *as is or how* ki nou pou amande.

Akoz deza SSI ki ti sipoze pe *manage* en bout me SSI i nepli egziste so nou pou bezwen en pti pe gidans. Nou'n deza konmans koze avek Minis ki soon nou pou al prezant avek *Cabinet so soon hopefully* i ava annan en deklarasyon lo la ki ava bann investiser kekfwa i ava en pti pe rekonforte.

Nou latab nou bann *performance measures* parey ou dir i vre ki lannen 2020 nou target ti pou i ti pli o, ki la i pli ba. E sa i senpleman pou rezon aköz bann retar ki *COVID* in anmennen. *Land use plan*

process i involve en kantite konsiltasyon en *extensive consultation*.

Ki in ganny afekte en bon pe lannen 2020 e nou war ki pe ganny i ankor pe ganny afekte la. So nou pa konnen *how* ki keksoz pou *proceed during the rest of the year*.

Me selman nou'n met li en pti pe pli ba aköz nou konnen nou pou annan enpe kontrent lo konsiltasyon. Konsiltasyon letan mon pe koze i pa zis avek nou bann *partners* ek *stakeholder,s* me i osi avek *in fact* pli enportan i avek kominote lokal avek piblik dan bann zabitan dan distrik zot menm.

I enportan aköz nou le *capture* laspirasyon e ve bann dimoun dan distrik lo *land use plan* nou le fer sir ki en finalman i en dokiman ki *inclusive*.

In regards to politik dan *Planning Authority* Onorab mon, mon kapab donn ou mon garanti ki desizyon ki pou ganny pran anba mon sipervizyon i pou baze pirman lo merit sa devlopman ki ganny *submit or not*.

In fact mwan, mon ti pou pli kontan si nou pa war non person ler i *submit* son plan. Me selman pou bann rezon ki nou bezwen fer sir ki nou, ou pa

pe *build* lo later ou kanmarad ou bezwen met ou non lot, lot. Me selman desizyon ki nou, nou pou pran si dan lefase in arive mon pa pou konnen. Me selman mon kapab donn ou garanti ki desizyon pou ganny pran *fairly e justly*. *Thank you*.

MR SPEAKER

Mersi. Chairman wi.

MR CYRIL BONNELAME

Onorab si mon *add* pou sa dernyen pwen. Mon krwar parey mon si mon kapab *reemphasize* ek sa nouvo *Bill*, mon krwar i pou donn nou sa *tool* pou fer sir poudir i *very transparent*. E apre en, en *process* ki mon anvi fer an deor *Planning*.

So sa *as long* i pou nou, nou *obviously* nou desizyon i a ganny kestyonnen e *without bias* e apre i ganny pran par en tim endepandan. Ki *hopefully* ler i vin kot zot nou a espekte zot *approval* pou ed nou fer sa bann desizyon. Mersi.

MR SPEAKER

Mersi. Onorab Esparon.

HON REGINA ESPARON

Mersi Mr Chair. Bonzour tou dimoun a lekout. Mr Chair enn bann anba '*current challenges*' i annan en pwen ki'n ganny fer

sorti lo *inadequate human resources to cope with issues relating to increase construction activities*. E CEO letan ou ti pe reponn en kestyon ou'n dir nou poudir ou annan ou lo kote *monitoring officers* ou annan ou zis 11.

Eski ou krwar poudir sa 11 *monitoring officer* i ase pou *Planning* kapab deservi son, son louvraz lo kote *monitoring*? Oubyen ou santi poudir i pa ase parske sa 11 *officers* i pe deservi zot pe kouver Mahe, Praslin e La Digue osi.

Dezyenmman CEO ou'n dir poudir i annan normalman sa plan avan i ganny aprouve i ganny anvoye dan distrik. Me plan dan lefase MNA napa konmsi ti napa nanryen pou fer ek bann plan.

Parske i pa ti vini kot MNA i plizoumwenn i al kot biro DA. E parfwa DA i ava konsilte ou e parfwa DA pa pou konsilte ou. Petet en, en sizesyon se ki dan sa nouvo Gouvernman la nou osi konsider anvoy plan kot MNA ki apre i ava annan konsiltasyon avek DA lo kote sa.

Epi problem ki ti pe annan avek sa se ki dan lefase DA ti pe dir poudir malgre ki zot met fer serten rekomandasyon sa pa ganny pran an kont.

Petet sa i en keksoz ki bezwen sanze.

Mon apresye toudmenm mon tann Mr Bonnelame in dir poudir Gouvernman pe deside revwar sa *Planning Act* ki Gouvernman presedan pa ti war li nesese pou zot *assent ok*?

Me selman i annan de keksoz ki bann dimoun ki pe *deal* avek plan i fer resorti ki an se moman anvi ki sa *Town and Country Planning Act* i date depi 1972. I *outdated* deza e pou zot letan zot pe fer en referans toultan zot pe servi *British standard* oubyen zot pe servi sa vye *Act* li menm li ki'n deza *outdated*.

Ki parfwa i annan keksoz ki pa relevan zot pe menm mazine si Gouvernman pa pe konsider annan son prop *building code*. Olye toultan pe refer avek *British standard* ki a lavenir ki Gouvernman i ava annan son prop *building code* pou Sesel. Ki ava met li azour avek, avek nou lanvironnman e dan laktyalite. Mersi Mr Chair.

MR SPEAKER

Mersi Onorab.

CEO ANGELA SERVINA

Mersi Onorab pou ou kestyon. *In fact* mon krwar mon bezwen felisit ou Onorab avan ler nou,

nou mon konmans reponn akouz ou, ou enn bann *MNA* ki travay *very closely* avek nou e nou *get along* byen.

In regards to bann *monitoring officers* i vre parey mon dir avan i nou swe pou annan plis me selman dan sa Bidze ki la nou konnen keksoz sityasyon ekonomik pei ki mannyer i ete la, i pa pe permet. So nou pou travay avek nou *staff* ki nou annan la pou nou kapab akonpli *as much as possible* parey nou ti pe fer.

Me nou swete ki a lavenir nou ava kapab ganny plis resours. I pa pou zis an term *manpower* me i pou vin avek bann lezot resours parey transpor lespas dan lofis pou asize, bann lezot materyo ki nou bezwen pou servi.

So we hope ki *in the future* nou ava kapab fer en pe plis demann. Me selman pou le moman *for the time being* avek sityasyon pei nou pou bezwen kontant nou avek sa ki nou annan.

Pou bann konsiltasyon lo *land use plans* avek *development plans*. E ou pa bezwen *worry* Onorab akouz nou konsiltasyon i pou *involve* tou dimoun e ou pou mon asir ou ki ou pou ladan.

Planning applications ki *DA* i dir zot komanter pa ganny

pran *into account all the time*. Mon pou note ki i annan serten lenstans ki *DA* i tard en pti pe pou anvoy komanter. Zot pran en pe letan be nou lo nou kote pa toultan ki nou annan sa, sa *luxury* pou nou esper zot.

Akoz lo en kote nou annan *developers* pou met presyon pou zot ganny zot *approval* e an menm tan lo lot kote i annan nou bezwen pe espere.

So i kapab in arive bann lenstans ki si nou pan ganny komanter *DA* wi i kapab in arive ki nou'n *proceed* nou'n aprouve or nou'n refize nou'n fer ale.

Me selman *once* ki nou ganny komanter nou toultan *take into account*. I annan lenstans osi mon krwar ki nou'n ganny komanter osi me selman pa neseserman ki nou'n, nou'n *go* dapre sa ki *DA* ti pe dir aköz bann lezot, bann lezot sityasyon ki kekfwa li i pa *aware* a sa pwen.

Me nou *welcome* nou toultan *welcome input* distrik i annan pou donn nou. Aköz zot ki lo teren, zot ki avek dimoun zot ki konn sa landrwa sa site. So i bon letan zot donn nou bann *input* i ed nou pou fer desizyon.

Me selman nou ti ava apresye osi si zot ti a kapab fer li dan sa dele letan ki nou donner. Sa i ed nou bokou

aköz nou osi nou bezwen delivre *within a specified timeframe* so i ava ed nou.

Building code ou ti pe dir zisteman Onorab *once* ki nouvo Lalwa in aprouve *then* nou pou *proceed* pou nou al *review* nou bann *regulations* ki vin avek Lalwa. *Building regulations* i, i enn sa regilasyon ki vin avek Lalwa so i osi pou *under review*. *Thank you*.

MR SPEAKER

Thank you. Onorab Gill.

HON CHURCHILL GILL

Mersi Mr Chair. Bonzour *VP* ek ou delegasyon. Bonzour tou Manm. Mon premye kestyon an relasyon avek en lensidan ki ti arive Cote D'Or Praslin kot *Planning Authority* ti *enforce* pou kas kyosk ki ti'n ganny mete bor lanmer.

Apre sa lensidan *Planning* ti sipoze travay lo en model pou kapab pou sa dimoun ki bezwen sa bann kyosk kapab fer zot biznes eski ou kapab donn en lide ki zistans i ete silvouple.

Apre vi sityasyon ekonomik eski petet pa ti a bon si in fini pare met li a laporte bann *businessman* Praslin petet i annan atraver *private partnership*, zot kapab zot

menm investir dan sa kyosk baze lo model ki *Planning* pe fer.

Mon dezyenm kestyon pou *land use plan* Praslin e La Digue, zot ti pe ganny difikilte pou konplete dapre lenformasyon ki zot ti donnen se zot pe ganny problem pou ganny *feedback* bann *key partner Ministries*.

Eski ou kapab donn nou en lide ki zistans in arive si la *as we speak* zot in kapab ganny en pe *feedback* oubyen zot ankor pe espere?

Aprè mon dernyen pwen lo *Board Planning Authority* ozordi eski i annan dimoun Praslin, La Digue ki reprezante lo la? Si non petet konman *VP* i la donnen sa volim konstriksyon lo Praslin ek La Digue mon krwar Gouvernman i devret konsidere ler zot a pran en *next Board*, pou met en reprezentan Praslin, La Digue lo la. Pou asire ki lentere sa bann dimoun i ganny osi met devan. Mersi.

MR SPEAKER

Mersi Onorab. *CEO*.

CEO ANGELA SERVINA

Mersi Onorab pou ou bann kestyon. Kyosk *guideline* wi in konplete, so nou kapab fer demars pou anvoy dan distrik pou, pou zot ganny bann dimoun kapab donn *input* lo la.

Yes. *Feedback* from bann *stakeholders* lo *land use plans* avek *development plans*. Wi nou ankor pe *gather feedback* nou'n anmas en nou'n ganny en bonpe lenformasyon *already* me selman nou pa ankor ariv sa pwen poudir nou'n finalize.

So it's a work in progress yes ou'n koz lo Manm lo *Board* wi. Lo *Board* *currently* nou annan bann Manm sekter prive ensi ki bann departman kle dan Gouvernman ki nou bezwen pou ed nou fer en desizyon.

Mon konnen poudir i annan en Manm *Board* ki en dimoun La Digue me nou fransman mon pou dir ou letan nou, nou pe pran desizyon nou pe, nou pe deside nou pe fer li pou Sesel antye nou.

E sa i enkli Praslin, La Digue tou bann zil *inner, outer islands*. So nou, nou vizyon i pa vire espesyalman anver Mahe oubyen kek distrik an partikilye me i pou pei an antye. Petet *VP* i kapab koz en pti pe plis lo *regarding* ou, ou *request* selman. Mersi.

MR SPEAKER

Yes *VP*.

THE VICE-PRESIDENT MR AHMED AFIF

Mersi Mr Chair. Onorab mon krwar sa, sa demann ki ou pe

mete i en demann ki valid ki ler *Planning Authority* i fer desizyon i pran kont bann spesifisite ki Praslin ek La Digue par egzanp i kapab annan.

E otan ki nou kapab dan revi ki ganny fer si i annan posibilite pou fer ki ou pe demande nou a, nou a fer sa.

E dan evantyalite nou pa pe ganny en dimoun dizon omwen en dimoun ki familye avek sa. I konn zot bann problem ki kapab vreman ede dan sa prosesis. Mersi Mr Chair.

MR SPEAKER

Mersi. Byen nou a kontinyen. Onorab Labonte.

HON ANDY LABONTE

Bonzour Mr Chairman. Bonzour VP avek ou delegasyon. Bon mon kestyon i pou baze lo manda *Planning* pa vreman lo sif akoz zot manda se sa ki nou pe donn zot sa Bidze.

Alor mon kestyon i plizoumwèn pou mon kapab enpe klarifikasyon lo par egzanp mon tann ou dir poudir prensipalman lo zot paragaf 4 anba zot manda *right*?

Paragaf 4 i spesifye *regarding quality assurance* apre en pe sirveyans plizoumwèn letan i pe fer konstriksyon. Mon konpran ki

zot pe travay parey i pe dir lo en nouvo Polisi ki pou vin kot nou pou nou kapab met nou kontribisyon. Petet zot ti kapab pran kont touzour an term sa *renewal fee* pou bann plan. Par egzanp ler dimoun in fini anvoy son plan, son plan in fini ganny aprouve dizon in al detrwa fwa *ok* in tournen in aprouve in ganny li pou 5an.

Apre, apre 5an i bezwen retourn ankor kot *Planning* reekrir *Planning* esper en let sorti kot *Planning* ler i ganny sa let rebran sa let anvoy kot *Planning* repey ankor R2mil pou li ganny laprouvasyon ankor pou menm plan ki zot in deza fer tou keksoz lo la.

Petet ou kapab donn en lesplikasyon *or* petet ou kapab pran an konsiderasyon? E an menm tan an relasyon avek sa parey lo kote konblaz nou konnen i annan dimoun ki tin ganny permisyon pou konble dan lepase.

Me apre pou serten kantite letan zot pan inisyè sa proze pou en rezon ou en lot. Eski ler zot re zot decide pou zot konble zot servi menm prosedir ki sa dimoun ki pou fer son konstriksyon lakaz?

Ankor enn fwa *in terms of* konstriksyon lakaz lo kote pou zot sirveyan. Dizon parey bann *housing estate* la parey dan

mon distrik English River prensipalman Union Vale i annan en kantite flat ki'n ganny fer.

Mon demande si ti annan sipervizyon aköz sa bann flat i annan enn partikilye ki dimoun pe bezwen sorti ladan aköz i pe degrengol lo zot alor eski i annan sirveyans lo la?

E menm an ankor enn fwa lo kote sirveyans *in terms of STP* eski ki grander proze ki zot deside pou zot kapab inisye *STP* pou proze lakaz? Apre *well* plizoumwèn i sa bann keksoz koumsa. Mersi.

MR SPEAKER

Mersi. *CEO*.

CEO ANGELA SERVINA

Mersi Onorab pou ou bann kestyon. Mon ava konmans avek prosedir *Planning* nou prosedir as is. En laprouvasyon i, i ale pou 5an *once* ki ou'n *submit* ou plan la i ganny aprouve ou pou ganny ou en *approval* pou 3an.

Apre sa 3an ou annan ou kapab demann en *renewal* pou ankor 2an ki anmenn ou 5an. *Reason* aköz nou fer li pou 5an i aköz nou pran an kont ki i annan keksoz ki in kapab sanze lo teren *during* sa 5an.

So i pou neselit en nouvo *assessment* en nouvo *site visit*

pou nou war. I annan ou pou surprise poudir i annan lenstans ki i annan en kantite keksoz ki'n sanze so sa i rezon ki nou demann en nouvo plan.

In regards to renewal fee wi *once* ki ou, ou pe demann *renewal* pou ou plan i annan en pti *fee* pou ou peye. Me selman i pa en gro pri mon konnen pou rezidansyel si ou ti pey ou lakaz ti R150 pou vin R300 letan ou pe demann *renewal*.

Sa i *basically* sa larzan aköz nou bann internal parey nou papye ki nou pe donn ou konpran bann pti keksoz koumsa i pa en gro *fee*.

In regards to reclamation wi si ou *approval reclamation* in *lapse* ou pou bezwen re *go through the process* ankor. Repas dan prosedir gazete dan prosedir ki met an plas anba *Land Reclamation Act* pou ou reganny en, en *approval*.

Me selman mon a note ki si ou tin ganny ou *approval* ou'n konmans ou devlopman *be it* nenport ki devlopman i kapab lakaz, i kapab *reclamation you name it*.

Ou'n konmanse me selman apre ou'n arete ou pa bezwen re *submit* en lot plan. *Once* ki ou pare pou ou re *initiate* li ou met en nouvo ou kontrakter zis i annan pou anmenn en nouvo

commencement notice kot nou biro. E nou, nou kapab fer sa swivi lo la. Sa pou refer plan la i dan lenstans kot ou pan, ou pan konmans ditou.

Si ou'n konmanse *then* nou kapab zis remet ou *commencement notice* re notifie nou. *Monitoring* parey mon'n koz lo la wi nou bann zofisye i monitor me i annan lenstans osi pa toultan ki zot kapab lo site parey monn dir i dan sa bann lenstans kot lobligasyon i vin kot kontrakter, i vin lo *developer* konman responsabilite i lo zot pou zot fer sir zot pe swiv zot swiv zot plan aprouve.

Dan lenstans *developer* pou war petet i pa satisfè avek sa ki son kontrakter in fer i kapab notifie nou. E nou, nou annan bann *finés* ki nou kapab mete lo kontrakter malgre ki nou pa kapab sispann *license* kontrakter nou kapab refer sa *case* avek *SLA* ki li i kapab pran aksyon an term *license*.

STP Onorab *STP* nou ganny gide par departman Minister Lasante lo en kan ki *STP* i neser pou en proze. Minister Lasante ansanm avek Departman Lanvironnman, so zot ki pou donn nou gidans poudir nou be sa proze la kot i ete li fodre en *STP* li nou pa pou kapab les li obor sa lanmar *or*

sa groser proze. So zot ki pou gid nou e nou, nou pas on sa lenformasyon avek *developer*. Mersi.

MR SPEAKER

Wi ou bezwen klarifikasyon Onorab?

HON ANDY LABONTE

En pti klarifikasyon. Parey lo kote lenpak ki ou'n koze parey lo kote sirveyans. Dizon poudir i annan en proze ki pe kre en dezord en tapaz dan en distrik parey tipikman sa, stad lanmizik ki'n ganny kree la. I ti sipoze *sound proof* me i pa *sound proof at all*. E, eski zot annan serten swivi lo la?

Aprè *in terms of* peyman malerezman i annan dimoun ki lakaz endividuelman mon annan papyè konkret ki i R2mil ki zot pe ganny demande pou peye pou renouvle. Mersi.

MR SPEAKER

Mersi. *CEO*.

CEO ANGELA SERVINA

I kapab wi in ariv R2mil akòz i pou depan lo groser ou, ou met kare ou lakaz ki letan ou'n *submit*. Si ler ou ti *submit* li premye fwa ou ti pey R1mil parey mon poudir ou, ou *renewal* i pou vin double sa sonm. So i depan lo grander ou

lakaz. Si ou'n fer lakaz ki pti, pti *obviously* ou pou pey less.

Regarding stad lanmizik, stad lanmizik i pa ankor ganny i pa ankor konmans ganny servi me selman nou'n ganny notifie lo sa problem tapaz ki nou ti konnen nou depi avan plan i ganny aprouve i ti pou, i ti pou en issue nou ti konnen.

I sipoze an de faz stad lanmizik me i paret mwan ki sa *second phase* i pa ankor konmanse. Nou'n travay, nou'n konmans koze avek Departman Lanvironnman akoz zot ki regilater pou bann zafer tapaz polisyon.

So nou pe espere i paretman ki ti annan en *issue* osi *regarding* ki zot bann son sistenm ki, ki zot ti pe servi ki pa ti dapre sa ki ti sipoze. So tousala i bann konsiderasyon ki nou pe diskite. Mersi.

MR SPEAKER

Mersi. Onorab Ghislain eski i annan en pwen ki oule antre la? *Ok* ale mon a permet ou vitman.

HON CHANTAL GHISLAIN

Sorry Mr Chair. Mon ti pe zis demann en pti pwen klarifikasyon. Ler Onorab Clifford Andre ti pe demann en keston *CEO*. An se ki konsern *Planning permission and CEO*, ti reponn ki se li ki donn *Planning*

permission. Mon ti anvi zis konnen sa akoz kefwa i en *miss* sa akoz mon ti krwar zot *CEO* li i enplimant bann, bann desizyon ki *Planning Authority* i donnen? Mersi.

MR SPEAKER

CEO i a reponn.

HON CHANTAL GHISLAIN

Ki Board sorry.

CEO ANGELA SERVINA

Onorab mersi pou ou klarifikasyon ki ou pe rode. Me selman zis mon a klarifye avek ou. Mon pan zanmen dir ki mon ki donn permisyon. Permisyon se *Board Planning Authority* ki donnen pou tou laplikasyon. *CEO* son rol se pou *authenticate* tou, tou plan e an menm tan sa *link between* piblik pou enform zot lo desizyon ki *Board* i pran. Mersi.

MR SPEAKER

Mersi. Mersi, mersi. I, i reste mon 10 Manm lo lalis alor mon krwar i a pli bon nou pran en poz la e nou a rebran ller. Mersi.

(BREAK)

SEYCHELLES PLANNING AUTHORITY (CONT)

MR SPEAKER

Yes. Mon bezwen fer en pti koreksyon lo lalis zofisye ki avek nou ozordi. E lo kote Minister Finans nou annan Madanm Astride Tamatave e non pa Mr Jude Commettant *Deputy Commissioner*. Pardon nou annan Mr Jude Commettant bon eskize Mr Commettant. Mr Jude Commettant e non pa Madanm Astride Tamatave wi.

Onorab Pillay mon a pran ou pwen ki ou'n leve avek mwan apre ki nou fini avek Bidze silvouple. E nou a kontinyen avek Bidze pou nou vote. E mon a konmans mon pou donn laparol Onorab Labrosse. Me li mon pe demann li adres en size osi ki monn leve avek li ki annan rapor pou fer avek konsiderasyon. Onorab Labrosse.

HON RICHARD LABROSSE

Bonzour Minis. Bonzour Mr Speaker. Yes avan mon al lo kestyon *Planning* en pti konversasyon ki nou'n fer Mr Speaker bomaten, konsernan sa kestyon ki nou ti demann Minis *PS* pou Later yer konsernan sa blokaz ki pe arive Copolia.

Kot ti annan en fanmir avek ant Gouvernman ki sa li menm ti pe met en pe retar nou ti pe rod en leklersisman lo la. Me selman i paret mwan mesaz osi in mal sorti mon krwar sa fanmir in prezimen zot ki ti pe fer sa blokaz.

Me non apre konversasyon ki nou'n fer i paret sa blokaz i ant Gouvernman zot menm pou rod en lot alternativ pou sa. So se sa mesaz in ganny pase malgre an deor mon demann en *apology*. So mon pou kontinyen avek mon kestyon pou *Planning Authority*.

MR SPEAKER

Mersi.

HON RICHARD LABROSSE

Wi Mr Speaker. Premyerman mon ti a kontan osi felisit Minis Servina pou son apwentman. Akoz sa dan li menm i montre nou ki sa direksyon ki mon ti demande dan mon diskour Leta Lanasyon kot Lazenes i pran la relev ver lavenir.

So Plaisance nou ti'n dakor avek sa 2020 so la mon apresye dan osi pe al lo menm laliny. So mon prezimen osi i annan bann dimoun Plaisance lo ou departman ki pou donn ou sipor pou bouz devan. Akoz nou en bastyon entelizan.

Mr Speaker mon kestyon pou *CEO* prezan i konsernan ler mon - mon'n tann Onorab Mondon taler enn de ki'n koz Onorab Naidu osi ki'n elabor enpe lo la. Lo sa zafer *ease of doing business* sirtou dan sekter *Planning* mon apresye enpe ou, ou larepons ki ou'n donnen.

Me selman lo sa kote lo kote konteks lokal mon pa pe get osi bann etranze ki'n vin *invest* isi. Konmsi lo sa konteks lokal ki, ki nouvote nou pou gannyen konmsi avek sa bann reform ki zot pe fer?

Akoz i ankor annan en pti pe birokrasi ladan. Apre mon dezyenm pwen mon pe remarke bann dimoun dan mon distrik osi in met sa devan mon ki nou pe remarke dan nou bann kominote lontan ti ganny rezerve pou bann dimoun ordiner parey nou dir.

Me konmela ki nou pe remarke bann gro batiman ki ganny konstrir partou. So eski dan sa bann nouvo Lalwa *Planning* ki zot pe met ki lanfaz zot pe mete en pe dan sa? Konmsi pou aköz sa mon krwar i a pe vin en pti pe problem. Rezon ki mon pe dir ou sa aköz bann dimoun ordiner dan kominote i ganny difikilte ler zot pe, pe reprezant zot plan.

Par egzanp mon konnen dan en ka Belvédère mon konn en ka kot en dimoun ti prezant en plan pou fer laboutik me i ti ganny rezete. Me apre ler en lot, en lot dimoun ti vin ek en menm plan ek en menm landrwa sa devlopman in arive. Konmsi donn nou en pti pe plis *hope* pou bann dimoun deor. Mersi Mr Speaker.

MR SPEAKER

Mersi. *CEO*.

CEO ANGELA SERVINA

Mersi Onorab pou ou kestyon. Pou ou mesaz felisitasyon osi. *In regards to ease of doing business* letan mon ti koze taler. Letan nou pe koz lo *ease* i pa neserman pou investiser etranze i pou nenport ki, ki le investir dan pei ki le fer biznes.

So nou bann *proposal* ki nou pou met devan i pou, i pou enkorpor tou dimoun. *Regarding* ou'n dir bann devlopman dan bann landrwa rezidansyel nou pe war poudir i annan en bon pe nou dimoun parey nou dir Seselwa ki pe pran en *trend* pou vann zot later avek swa etranze, swa avek bann kominote Endyen.

Bann dimoun ki, ki devlope ki dan biznes. So nou, nou pa kapab anpes sa sel keksoz ki *Planning* i fer letan

plan i vin kot nou, nou *assess* li lo son merit. I petet ki kekwfa sa bann dimoun oparavan ti *submit* son plan i ti annan serten kriter ki i pa ti pe *meet*.

Ki li sa enn letan i ti pe *submit* son plan i *meet*. Tousala i bann posibilite me selman parey mon'n dir avan pou ed nou pou aprouv plis devlopman dan bann distrik.

Mon konnen ou distrik i en distrik ki later i limite li osi. Nou bezwen - *it's high time* ki *PUC* i antre avek sistenm *sewage* e bann bon sistenm osi atraver bann Lazans. *Thank you*.

MR SPEAKER

Klarifikasyon Onorab.

HON RICHARD LABROSSE

Yes mersi *CEO* pou larepons. Me la ou'n al obor en lot zafer lot diskisyon ki mon ti pe gannyen ek bann rezidan kot mwan. Par egzanp parey nou konnen vre later i limite me parey ler zot pe pas sa bann tiyo pou sa bann sistenm la.

Me selman mon, mon krwar i annan sa bann kondisyon ki zot antre lo bann later prive. Mon'n aprann osi ki zot annan bann kondisyon ki zot mete ansanm avek sa bann propriyeter kot par egzanp kekwfa si mon ti pas kot ou

kapab fer en miray, ou fer en pti semen bann pti keksoz parey.

Me mon pe ganny en konpran ki sa pe pran ler sa bann, sa bann tranzaksyon tiyo in fini pase la pou ganny sa kominikasyon i en pti pe difisil. So la ki ou pou *advise* sa bann dimoun lo sa kote silvouple? Mersi.

MR SPEAKER

Mersi. *CEO*.

CEO ANGELA SERVINA

Onorab mon prezimen ou pe koz tiyo *PUC*, *sewage line* or...? *Ok* dan sa kote fodre bann developers i ganny en, en konversasyon direk avek *PUC*. Akoz nou, nou pou antre *only* letan plan in ganny *submit* be *in the meantime* ki i pa ankor ganny *submit*, i bon ki zot *sort out* tou keksoz avan ler zot *submit* zot plan.

Akoz sa i enn bann keksoz ki pou ede fer ou plan pas pli vit letan ou pou *submit* si ou'n *sort out* tou keksoz. *Thank you*.

MR SPEAKER

Mersi. Onorab Lemiel.

HON SYLVANNE LEMIEL

Mersi Mr Chair. Bonzour *VP* avek ou delegasyon. Bonzour tou dimoun, *CEO*. Mon premye kestyon i konsernan *land use*

plan Anse Royale. Anse Royale i sa distrik ki ti ganny premye *land use plan* e i annan plis ki 5an.

Sa pa ankor fini finalize mon ti a kontan ozordi fer bann zabitan Anse Royale konnen akoz larzan in ganny depanse pou fer sa *land use plan*. Bann zabitan i le konnen akoz in pas 5an i pa ankor ganny met anmars i pa ankor ganny met dan *official Gazette* tou sa.

Anse Royale mon krwar son, son problem li petet i pa parey pou Praslin ek La Digue. So ozordi *CEO* mon ti a kontan ganny en bon lesplikasyon kwa ki pe met retar pou zot kapab finaliz *plan land use* Anse Royale? Sa i enn.

Aprè dan menm laliny letan nou pe koz lo *produce development plans* pou bann *specific* bann *sites* bann *specific and special interest* en. Mon pe regarde par egzanp si ou pe ganny problem dan serten *area* dan nou distrik.

Eski napa *land use plan* ki'n pare *development plan* ki'n pare pou Anse Royale dan lezot *areas* ki petet *Planning* pa pe war i annan en problemm avek? Avan i finaliz sa, sa *whole land use plan*. Ou ganny mon ki mon pe sey dir ou? *Ok*.

Aprè en pti lesplikasyon *CEO* i annan dimoun ki'n vin kot *Planning* zot in *apply* en, en *license class 2* zot. Mon pe lans en konpanyen i *apply* en *license class 2* ler i ganny en *meeting* ek *Planning, Planning* i dir li non ou pa kapab konmans ek *class 2* ou fek konmans ou bezwen konmans ek *class 3* avan pou en pe letan aprè ou a mont lo *class 2*. Eski sa i en reform dan li menm ki zot pe fer? Or son prosedir in toultan koumsa? Mersi.

MR SPEAKER

Mersi. *CEO*.

CEO ANGELA SERVINA

Mersi Onorab pou ou kestasyon. Mon a konmans avek *land use plan*. I vre ki Anse Royale i en distrik ki bokou travay in ganny fer deza lo *land use plan*. Nou'n deza fer plizyer *public meetings* avek bann dimoun nou'n ganny bon partisipasyon.

Retar ki nou pe gannnen *currently* i avek serten *input from* nou bann *referral agencies*. Nou annan en *issue in fact* mon a met dan ou latansyon ki nou pou soon pe prezant *land use plan* Anse Royale avek *Cabinet* pou met devan.

Nou, nou lentansyon se pou anmenn li pou gazete pou

nou kapab ganny li *approve soon*. Me selman nou annan enn de *issues* ki nou bezwen gidans *Cabinet* ki mannyer nou pou *solve*.

Nou annan sa *issue* restriksyon ki *PUC* in mete lo *zone* Mont Plaisir ki pe fer en pe difikilte pou serten zabitan kapab devlop zot later malgre zot in ganny zot plan aprouve sa i enn.

Nou annan serten *input* osi ki nou ankor pe espere *regarding layers* ki nou bezwen pou enkorpor dan *land use plan*. Mon pe koz ou *layer* larivyer, *layer* konnen bann keksoz koumsa.

Me selman Anse Royale i lo son ver son lafen li son nou pou nou plan se pou enn bann premye ki nou pou gazete. *Development plans* osi, *development plan* nou annan de pou Anse Royale ki'n deza pare nou annan kot *commercial area* anba la kot Kordgard i ete apre nou annan anba kot *Beach park* osi.

So i pou *finally* enkorpor dan *land use plan* so ou pa bezwen *worry* lo la. Nou, nou pe al ver sa prosedir pou anmenn li ver laprouvasyon *ok*. Ou de kestyon ti lo - repet ou dernyen?

MR SPEAKER

Wi Onorab.

HON SYLVANNE LEMIEL

En lesplikasyon lo bann kontrakter ki'n fek *apply* pou ganny

CEO ANGELA SERVINA

Wi Onorab. Prosedir wi i an plas ki si ou en dimoun ki fek vini ou napa okenn leksperyans nou met ou lo en, en *class 3* touzour. So sa i donn nou, i donn nou letan pou ou, ou prouv avek nou ki ou, ou kapab bouze apre mont lo en *class 2* mont lo en *class 1 eventually*.

Me selman sa i en prose mon krwar i bon i mars byen. Akoz i annan menm lenstans kot ou war kekfwa ou pe mal fer i annan bann *issue* nou kapab tyonbo ou kan ou ankor pe fer bann devlopman bann konstriksyon ankor pli pti konpran.

Akoz *class 3* ou pou fer zis bann pti bann ptipti konstriksyon i pa bann gro. So nou ganny sans pou nou travay ansanm avek kontrakter eskanler i bouze. *Thank you*.

MR SPEAKER

Mersi. Onorab Wavel Woodcock.

HON WAVEL WOODCOCK

Mersi Mr Speaker. Bonzour *panel*. En bonzour spesyal pou nouvo *CEO* pou *Planning Authority*. *CEO* ou annan ou en gro, en gro latas devan ou. Sa i konsern en pe repitasyon pou Lotorite li menm *Planning Authority* akoz i deor parmi piblik akoz i annan serten konsern.

I annan serten persepsyon en pe negativ lo sa Lotorite e petet ou latas pou ed enpe repar enpe sa repitasyon sa Lotorite. E i annan lot konsern ki eleve dan plizyer repriz dan lepase kot de pwa de mezir in ganny servi kot i konsern donn permisyon pou bann dimoun ganny permisyon *Planning* pou zot fer zot konstriksyon.

Kot nou'n war parey mon a donn ou trwa sit trwa legzanp parey *high, high water mark*. I annan dimoun ki pa ganny permisyon pou *build* obor *high watermark* en bann i ganny permisyon.

En bann i ganny permisyon *build* lo lanmar en bann pa ganny permisyon e nou'n osi war bann konsern kot parey i annan de dimoun sakenn i annan en gran later enn i ganny permisyon lot pa ganny permisyon.

E i annan bann koze dan lepase bann zafer gous. Konmsi Onorab Loizeau zak in

sanz lanmen. E en pti pe ki ou pou fer pou ede repar en pe sa repitasyon negativ *Planning Authority* i annan deor la konmsi pou retourn en pe son kredibilite, respe parmi piblik deor?

E mon dezyenm kestyon i konsern dan lepase ti annan en Lalwa, Lalwa *Density* kot ou pa kapab *build* par anba *I stand to be corrected 400sqm*.

Eski sa zot pe reviz Polisi akoz parey plizyer antite in dir poudir nou annan en skarsite later, later pe ... nou napa sa kantite later Sesel ozordi.

E eski zot pou reviz sa later pou donn dimoun permisyon kekfw pou *build* pli ba lo, lo *smaller square meters*? E finalman anba *current challenges* Onorab Gill in tous en pe lo la.

En pti pe difikilte ki zot pe gannyen bann retar lo *land use plan* pou zil pros. Pou Zil Pros e i annan bann *land owners* ki'n met lobzeksyon. Konmsi en pti pe ki zot pe fer, eski zot pe antre dan negosyasyon avek sa bann *land owners* konmsi en pti pe ki zot pe fer pou zot kapab konplet sa *land use plan*.

E ou osi ou'n mansyonnen poudir dan lepase ti annan mank *feedback* avek e kontribisyon avek bann lezot

stakeholders, bann lezot lazans.

E la anvi ki manke ou nouvo tou lezot keksoz i nouvo i nef konmsi en pti pe ki ou pou fer pou *synergise* en pe avek bann lezot Minister, Lazans konsernen. Konmsi pou *speed-up* sa *process* ki nou kapab ganny sa finalman ganny sa *land use plan* pou Zil Pros? Mersi bokou.

MR SPEAKER

Mersi Onorab. CEO.

CEO ANGELA SERVINA

Mersi Onorab pou ou keston. *In regards to* nou pe dir persepsyon *Planning out there* avek piblik nou plan se pou travay ansanm avek Minister. Minister i annan en *PR* person nou annan lentansyon pou nou travay avek zot pou nou anmenn en pe plis ledikasyon, parey mon ti pe dir *earlier*.

Lo egzaktman ki rol *Planning* ki manda *Planning* e ki lespektasyon piblik anver *Planning* pou nou kapab zer en pe. *Plot*, ou pe koz lo plot size mon pe mazin ou pe *mean sub division* ou? Grander plot pou *build* lo la? *Ok*.

Minimum plot size ki *Planning* i, i pou aprouve pou en devlopman en nouvo, en nouvo plot i 400 met kare. Me sa i

kapab *go lower* pli ba si dan bann landrwa ki annan *sewer line* koneksyon kot parey mon'n dir ou pa bezwen kot sa zistans pou *cater* pou pi perdi pou *septic tank*.

So i annan en lenstans kot nou al pli ba dan bann landrwa parey dan lavil kote *sewer* bann distrik parey Mont Buxton anvil St Louis. Nou *allow*, nou *go lower* lo *plot size* akoz zot pa bezwen sa, sa zistans parey monn dir ou.

Keksoz ki pou ed nou parey mon pe dir depi bomaten pou nou kapab *intensify development* dan bann distrik dan bann rezyon dan bann landrwa. *Once* ki *PUC* i kapab *sewer* dan pei antye *then* sa i ava permet nou pou *go down on plot size* ki nou demande.

Sa 400 met kare i pran an kont konsiderasyon zistans ki ou bezwen kite avek balizaz pou devlopman menm, pou ou pi perdi pou bann sistenm desarz tou i pran konsiderasyon tou. So i ti ariv lo sa size ki *the ideal one*. Me *once* ki nou ganny *sewage then* nou kapab *go below*.

Prosedir *land use plan* Praslin wi i annan enn de *issue regarding* bann konsiltasyon ki ankor *ongoing* nou le fer li en prose ki *as interactive as possible*. Nou le anmas tou, tou

bann lenformasyon an menm tan parey ou'n dir i annan serten dimoun ki annan serten obzeksyon lo serten klasifikasyon.

So nou bezwen travay avek zot en pe pou gete *how* ki manner nou kapab benefisye. En *land use plan* letan ou fer ou pa fer li pou en dimoun endividyel ou pou fer li pou en distrik ou bezwen get ou *zone* ki annan ladan.

So i annan lenstans kot en *land use plan* pou satisfere tou dimoun li me selman nou, nou pe get li *globally*. Ki manner i satisfere distrik ki manner i satisfere pei. So sa i en pti pe. Mersi.

MR SPEAKER

Mersi CEO. Onorab Aglae.

HON EGBERT AGLAE

Mersi Mr Chair. Bonzour Minis ek *panel*, CEO ankor mon *welcome* ou dan ou nouvo pos mon swet ou de tou de bon. CEO mon le met lanfaz lo sa *land use plan* la ki mon konnen i ankor *ongoing* e vi ki la nou dan COVID bann konsiltasyon nesese mon krwar in ganny i en pe lo poz.

Mon ti a kontan petet demann ou lo direksyon ki nou pou ale lo size *land use plan* li menm? Tou an prenon kont ki

sak landrwa i annan serten son, son spesifisite.

Dan nor i diferan avek dan sid lo zil Praslin, La Digue i pou diferan avek Mahe ler ou pe pran bann konsiderasyon. Alor baze lo sa CEO, eski bann diskisyon dan sa laliny pou kontinyen ganny fer aköz dapre Lalwa ki si pou vin an, anfors, anmars nek apre 7an ouswa 10an ki ou annan, 10an ki ou annan dwa *review* sa *land use plan*.

E bokou dimoun i annan rev petet demen i leve i anvi fer sa e i pou war li kwense pou li fer serten devlopman. Petet dan ladan la ki *leeway* bann dimoun pou annan, angiz ki Lalwa pou donn 10an pou si demen zot annan okenn rekomandasyon ki zot le met devan?

Ouswa zot pou annan serten petet osi en serten lobzeksyon aköz ou kapab donn en *approval* ler devlopman ki apre lenpak i vin diferan dan sa kominote? Sa i premye.

Dezyenm i konsern sa prosesis ki ladministrasyon distrik i fer ler pou donn bann aprouv bann plan. Tou keksoz pe ganny fer online ozordi konpare ek avan ki ti fer lo *hard copy*. Enn bann konsern ki pe ganny met devan par bann DA

se ki zot pe ganny difikilte pou menm ouver sa dokiman *ok*.

Eski zot in annan en konversasyon avek sirtou *Local Government* pou fer sir ki zot bann lekipman zot bann *software* i konpatib? E osi ki bann *DAs* i konpran kwa ki zot pe resevwar e ki fason pou zot met zot bann komantr an konsiltasyon avek Lotorite Distrik?

Dernyen lo size Polisi *going vertical* eski vi ki zot en Lotorite osi ki *advise* Gouvernman e Gouvernman i fer bokou konstriksyon.

Eski zot pe mazin ranforsi sa Polisi akoz ozordi Polisi mon krwar i permet ou al *up to 5* mon krwar *3 to 5*. Eski zot pe mazin revi pou li kapab donn loportinite plis devlopman *going high given* ki yer nou'n koz lo size later ki vreman limite? Mersi.

MR SPEAKER

Mersi Onorab. *CEO*.

CEO ANGELA SERVINA

Mersi pou ou kestasyon Onorab e osi pou ou mesaz felisstasyon. Lo pou retourn lo size *land use plan* wi i parey monn dir a plizyer repriz nou bezwen fer konsiltasyon avek distrik. Nou

bezwen fer konsiltasyon avek sak distrik.

Akoz parey ou'n dir son spesifisite i pa parey pou en lot. *Land use plan* pou war nou prodwir pou Port Glaud i pa pou parey pou sa enn pou St Louis. I pa pou parey sa enn pou Aux Cap so i diferan. *That's why* ki i enportan ki nou ganny *as much consultation as possible* avek pa zis *DA* ouswa *MNA* me avek bann diferan group dan distrik.

Akoz i annan parey monn dir nou le fer li vin en, en dokiman ki *as inclusive as possible*. So ou kapab kont lo nou poudir wi pou annan konsiltasyon. E nou swete ki nou kapab kont lo zot osi dan letan nou pe fer nou konsiltasyon pou ed nou pou anmenn dimoun ver nou.

Regarding DA bann *DA* pou *comment* lo bann *planning applications* wi. *In the past* nou ti fer en miting avek *PS Local Government* kot nou ti envit tou *DA*. Nou ti fer *interactive session* avek *DICT* kot i ti eksplik prosedir ki mannyer pou fer plan, *comment* lo la lot, lot bann keksoz koumsa.

Me mon aprann ki i annan en pe *DA* ki'n sanze *lately*. Monn deza ekrir Minis ki responsab pou *Local Government* pou nou ganny

lalis bann nouvo *DAs* avek zot kontak en *mannyer* ki nou kapab refer en lot *meeting* avek zot lo sa laliny pou nou fer sir zot *on board* lo ki nou, nou pe espekte de zot.

Wi *regarding vertical extensions* plan Gouvernman i, i for *vertical extensions* nou, nou *welcome vertical extensions* me selman i annan son bann lezot kriter ki bezwen al avek.

Nou pa pou kapab les ou *go ground plus five* lo en pti bout later 400 met kare kan ou pa pe *meet* kriter pou *parking Land Transport* pa pou les ou, ou pa pe *meet* kriter pou *soak away waste water* tou.

Ou *plot size* i zwe en rol lo ki oter ou kapab ale e ki lokasyon ou ete. Nou ganny bokou bann *issue* ki bann dimoun i konplent i pe bar mon *view* isi laba. Be so nou bezwen pran kont tousala. Mersi.

MR SPEAKER

Mersi. Wi Onorab.

HON EGBERT AGLAE

Zis en pti *follow-up*. Petet dan sa laliny letan ou pe fer sa konsiltasyon avek *Local Government* ti a bon osi enkli sa bann *office managers*. Akoz dan labsans *office, DA office managers* ki *take* li osi. Mersi.

MR SPEAKER

Ok. *CEO* in note.

CEO ANGELA SERVINA

Well noted.

MR SPEAKER

Mersi. Onorab William.

HON WAVEN WILLIAM

Mersi Mr Chairman. Bonzour Vis-Prezidan avek ou lekip. Mon premye kestyon i konm swivan: sa i adrese avek *Chairman Board*. Mon anvi i dir avek sa Lasanble mon konnen ou fek vin dan, dan sa pozisyon me selman baze lo bann leksperyans *physical development* ki'n arive dan lepase, ki bann leson ouswa bann eleman enportan ki ou krwar ki ti a bon ki pep Seselwa i pran konsyan vizavi realite limitasyon later?

E mon a donn ou en legzanp par egzanp ozordi ou get dan bann *land bank* konpare ek bann *housing estate* Gouvernman ler i fer bann *housing estate* Gouvernman i fer bann drenaz byen. Me selman dan bann *land bank* ki legzizans ki zot pou mete?

Akoz ou annan bann vwazen ki an ger akoz bann delo sorti lo, lo dalo i al lo lezot later i kre en bann difikilte. So i annan bann keksoz ki'n arive ki

demann revwar. E mon lot kestyon se ki pou piblik ankor la deor se si ou kapab dir nou lekel sa bann reprezantan ki lo *Board* lekel bann antite ki Manm lo *Board* ki dimoun i kapab konnen egzakteman?

E mon anvi al lo *the strategic priorities* mon war poudir zot pe fer provizyon pou *extend* serten bann *housing estate*. So mon ti a kontan konnen lo ou'n dir taler poudir zot napa en kriter.

Me selman ler mon pe regard Grand Anse Mahe mon pran depi La Misère la *Eden City* mon pe get Grand Anse la *Eden City* avek Barbarons. So i annan enta travay ki demann ganny fer an menm tan an konsiltasyon avek piblik.

Ki anmenn mon lo sa plan devlopman distrik. A ki staz zot in arive? Akoz ozordi ou war poudir i annan bann devlopman ki arive me ou pa santi poudir sa eleman konsiltasyon in ganny fer.

Prezan ou war poudir i annan en mank compatibility vizavi armonizasyon bann devlopman ki pli tar i anmenn bokou problem letan ou pe fer fas a lavenir? Mersi.

MR SPEAKER

Mersi Onorab.

CEO ANGELA SERVINA

Mon a konmans lo kestyon *regarding land use plan* apre *Chairman* i a fini lo bout *Board*. Lo nou kote *land use plan* ki nou'n dir, wi.

Lo konsiltasyon *land use plan* ki mannyer nou pe fer li nou, nou annan nou de sa bann *planners* en *architect*, en *Policy analyst* avek 4 *planning officers*. Sa i sa tim ki travay lo *land use plans*.

So ou pou war tim i pti, pti me louvraz i bokou. Ki nou pe fer pou *land use plan* nou fer li par distrik par faz nou fer li par distrik nou ti konmans avek Anse Royale nou'n bouz lo Anse Aux Pins enn de nou'n ale.

Mon pa krwar nou'n ariv lo Grand Anse Mahe *yet* me selman tou distrik lo nou lalis nou annan nou en *matrix as we go* ki distrik ki nou kouver. Grand Anse Mahe mon pa krwar ki nou'n ariv lo la *yet*.

Nou annan en *draft land use plan* ki ti ganny prodwir depi an 2011 me selman sa i ankor en *draft*. *It's not the final version*.

Definitivman i pou annan konsiltasyon Onorab, so ou pa bezwen ou pa bezwen trakase lo la. Nou pou annan konsiltasyon akoz nou, *even* nou bann *urban planners* i deza. I annan bann travay

preliminer ki nou pe fer deza pou anmas en pe serten lenformasyon lo nou menm. Me selman apre nou *rely* lo bann lezot *agencies* ensi ki nou konsiltasyon avek piblik avek nou bann group dan distrik pou nou ganny plis lenformasyon.

So mon asir ou ki konsiltasyon pou ganny fer e nou pou sey *as much as possible* pou nou *bring on board* bann rekomandasyon ki nou gannyen. Akoz parey monn dir zot ki dan distrik ki form zot distrik e bezwen zot distrik.

Zis pou note ki *currently as of last year* nou ti ganny Bidze pou nou form en komite ki nou apel *Land Use Committee*.

Lo sa komite i annan tou reprezantan tou sekter departman Gouvernman Minister ki nou, nou war nou santi nou bezwen pou ed nou pou nou finaliz sa travay.

So komite i *meet* tou le semenn i annan en kantite travay ki pe ganny fer deza pou bann lenformasyon. Sa bout ki nou pe tarde avek la i bout kot nou al fer piblik menm akoz parey monn dir *COVID* i met nou en bon pe retar.

So i dan *pipeline* i pe vini nou pou kontakte zot *as and when* ki nou ariv kot zot *ok*. *Regarding Board, Board* i

annan mon pa pou mansyonn non bann Manm me selman mon ava dir ou mon annan 4 Manm sekter prive lo *Board*. I sipoze annan 5 me i annan enn ki ti, ti ale apre ki premye manda ti fini so in reste avek 4 Manm sekter prive apre larestan 7 Manm i bann departman Gouvernman. Nou annan reprezantan Lanvironnman, reprezantan Lasante, Transpor, *Tourism*, lendistri *ok what else*. Mon krwar wi sanmenm.

MR SPEAKER

Mon krwar *Chairman* pa ankoreponn ou premye kestyon mon a les li. *Chairman* nou kapab adres premye pwen Onorab.

MR CYRIL BONNELAME

Yes ou kapab repet premye kestyon Mr William?

HON WAVEN WILLIAM

Wi mon ti demande par lefe avek bann leksperyans lepase e sa ki ou'n vin zwenn. Eski ki zot anvizaze fer de nouvo vizavi *physical planning* e devlopman? Par rapor avek bann problem ki zot krwar poudir ozordi i enportan pou serten legzisans i ganny mete serten ledikasyon osi i ganny donnen vizavi sa bann keksoz zot pe trouve.

Akoz enn nou pe koz limitasyon lo, lo later ensidswit kot i annan bann *high density area*. So kwa ki zot devret pe met devan sitwayen Seselwa pou pran konsyan. Mersi.

MR SPEAKER

Mersi Onorab. *Yes Chairman.*

MR CYRIL BONNELAME

Mersi Onorab. Mon, mon krwar parey *CEO* in eksplike *challenges* ki nou pe gannyen se limitasyon lo later e demann pou devlopman *both* an term biznes e an term sosyal.

E i en louvraz kontinyel ki pe *happen* avek tim *Planning* ek bann *planners*, bann *land use plans*, bann devlopman, bann zofisye ki okip sa bann zafer.

Now nou, nou pe espere ki avek sa nouvo *Physical Bill* ki pou sorti i pou *capture* en bon pe keksoz ki kekwfa ki an se moman nou ganny en pe limitasyon ;- *be it* kot i konsern kontrakter ki pa pe follow prosedir ki sipoze ganny fer, *be it* bann dimoun ki pe fer konstriksyon ilegal ki annan lenpak apre.

Parey ou pe dir ozordi ou sipoze annan serten devlopman dan sa *area* apre ou vwar en lot keksoz ki'n *happen*. E ankor *CEO* in fer resorti limitasyon ki nou annan lo *supervision* par

nou *DCOs* aköz sa limitasyon ki i annan.

Mon krwar i annan tout en defayans ki nou annan an se moman ki kot nou *at Planning at Board level* nou *highlight* sa avek nou *Board members* ek komite ek *sub* komite par anba.

E sa i ganny *translated* par louvraz ki *CEO* i devret pe fer e *at the same time Policy level* kot nou, nou krwar i annan bann *gaps* ki limit *Board* dan son aksyon e nou, nou merit gide par Polisi Gouvernman. E sa i ganny *translated back to the CEO* ek son tim.

So i en louvraz ki *continual*. Ou pa kapab arete. E *the complication* se ki limitasyon ki nou Sesel nou pe vwar *right now* nou annan pou devlopman e i pa fer li vin fasil. Sa mon bezwen dir.

Me solman *at the same time* mon bezwen dir ki *at Planning Authority* ou annan en tim *solid, dedicated, hardworking but at the same time* parey tou lanvironnman *challenges* ki annan avek.

E mon repete avek sa nouvo *Bill* ki pe vini i pou adisyon detrwa *tools* ki pou ed nou fer nou louvraz mars en pe pli byen. *Thank you.*

MR SPEAKER

Terminen silvouple Onorab.

HON WAVEN WILLIAM

Mersi, Mr Chairman. Mr Chairmen, mon anvi zis demann avek CEO, par lefe ki *Physical Planning Bill* ti ganny, ti pas devan Lasanble an Mars 2020. Non, Out 2019 e Lasanble osi in aprouv lamannman lo *Civil Code*. Eski zot pou pran sa an konsiderasyon, akoz i annan en ta bann sanzman ki'n ganny anmennen ?

Epi, dir mwan, *Fire Brigade* pa ganny enkli lo *the*, ouswa eski i annan bann lezot komite, parfwa zot enkli bann dimoun. Akoz *Fire Brigade* I ...

MR SPEAKER

Mersi. CEO, adrese please.

CEO ANGELA SERVINA

Fire brigade i enn nou bann *referral agencies*. Savedir nou konsilte li lo tou plan. Tou plan ki *submit Fire Brigade* i ganny konsilte lo la. Nou annan osi bann lezot komite apard *the main Planning Board*, nou annan nou 4 komite ankor ki ed nou pou pran desizyon, ed *Board* pou pran desizyon.

Fire brigade i pa lo nou sou komite an se moman, me nou plan se pou anmenn li lo *at lease subcommittee* ki fer

rekomandasyon avek *Board*.
Ok.

MR SPEAKER

Mersi. Onorab Hoareau.

HON JOHN HOAREAU

Mersi Mr Chair. Bonzour Mr Chair. Bonzour tou dimoun ki la prezan. Mr Chair, mon premye kestyon i baze lo lefe ki'n annan serten devlopman dan mon distrik, notaman en restoran ki'n ganny agrandi lo lans, e permisyon in ganny donner pou met serten *rock armouring* avek sa *building* pou anpes lerozyon.

Mon konnen, mon konsyan ki ti annan en lord ki ti'n ganny sorti. Pou ki sa bann ros i ganny retire akoz i *obstruct* pasaz dimoun lo lans. Mon ti a kontan konnen avek *Planning Authority* si sa Bidze i permet zot ranforsi serten sa bann lord ki zot donner, akoz depi le 15 Out, lannen pase sa lotel ti'n devret tir sa bann ros, me zot pa ankor tire ziska aprezan. Sa restoran *rather*. *Sorry*.

Dezyenm kestyon Mr Chair, i baze lo lefe ki sa *Town and Country Planning, Act* ki zot ankor pe servi. An atandan ki *Physical Planning Act* i antre an plas. I fer ki en dimoun i bezwen servi 60poursan son later, me selman ler ou get sa

kalite *guideline* si ou le, oubyen prosedir, oubyen Lalwa. I fer ki i annan en kantite *inconsistency* kot dan en sel landrwa, en sel rezyon ou vwar en dimoun ki servi 60 pousan, pa ganny permisyon pou fer en *second house*.

Obor li i annan en dimoun ki annan *reasonably* menm grander *plot* later, me selman li in fer *extension* ek son lakaz ki in servi presi 80, 90 pousan son later. En lot landrwa ou vwar kot in totalman met konkret dan son landrwa, ki fer ki napa *seepage*. Alors in servi preski 100 pousan son later.

So, mon pe demande si zot annan okenn revizyon ki zot pe fer pou fer sir ki i annan en serten *consistency* ki sa Lalwa i paret *fair* pou tou dimoun, oubyen sa *guideline* i paret *fair* pou *everybody*.

Trwazyenmman, mon pe demande eski zot pa pe mazine pou fer en *one-stop shop Planning*. Akoz ozordi zour zot bezwen fer *referral* avek tou sa bann *other agencies*. Annefe mon konnen, mon konsyan poudir en dimoun ler, bann teknisyen ki zot annan, zot laspe lekspertiz i kouper tou keksoz ki annan pou fer avek *building*. *Be it fire, be it* nenport ki, lanvironnman.

Me akoz zot pa pe servi zot prop dimoun pou fer *one-stop shop*, ki sa dimoun i get tou sa bann laspe, i donn lotorizasyon. Ki olye i bezwen pas dan tou sa bann *referral agencies* ki pran 6 semenn ou 7 semenn avan ki i donn en *approval* ?

E osi lefe ki zot annan, pei pe modernize, pe devlope. Si osi zot pa pe met anmars. Oubyen ki zistans zot in arive pou met an mars bann Polisi konsern *renewable energy* lo tou *building* Gouvernman. *Water tank* e osi lo kote *hoarding* ki annan dan distrik. Par egzanp bann landrwa akote ou vwar en ta keksoz i ganny *hoard* dan en sel landrwa. Mersi.

MR SPEAKER

Mersi Onorab. *CEO*.

CEO ANGELA SERVINA

Mersi Onorab pou ou bann kestyon. Lo kote restoran Beau Vallon ki ou pe koz lo la, La Plage. La Plage i en devlopman ki anba *enforcement*. *Unfortunately* nou pa'n kapab *proceed* avek *enforcement*. Son permisyon pou met rod lo lans ti tanporer *until* ki sityasyon ti stabilize.

Me apre ki in ganny desizyon ki i bezwen tire, i pa'n dakor. In *proceed* pou fer en *appeal*. Son *appeal*, Minis ti

uphold desizyon *planning*, i *still* pa dakor. La *currently as we speak*, in anmenn en *case* Ankour.

So, *planning* son prosedir *enforcement* i bezwen arete dan sa bann ka. Ziska ler ki Lakour i donn en desizyon.

Regarding plot coverage limit. Parey mon'n dir *previously*, lentansyon *planning* sel fason ki i pou kapab *review plot coverage limit upwards*, se *once* ki nou ganny *sewer everywhere* e ki nou annan bann bon sistenm drenaz ki ganny met an plas.

I annan *developer* ki letan zot plan i aprouve, zot *within* zot limit zot, me apre ki zot in fini konstri, zot ale zot *pave* partou.

Trwa kar ditan sa bann illegal works la, i ariv dan *week end*. Letan zot konnen nou pa tro, tro aktiv. Sirtou dan Sanmdi apre midi lo Dimans. Sanmenm sa bann ler ki *paving* pe ganny mete partou kot bann lakour. Sa i ilegal, aköz ou plan in ganny aprouve lo en serten limit e ou bezwen respekte.

Nou ganny nou en kantite difikilte aköz nou Lalwa *as is*. Parey ou'n dir, i *outdated*. Nou napa bann *fine* direk ki nou kapab aplike, i en *long* prosedir ki nou, nou bezwen anmenn Ankour.

So, nou pe swete parey nou'n dir avek nouvo Lalwa ki pou vini, sa bann *issue* i kapab ganny *resolve*.

Apre osi nou bezwen note ki i annan bann plan ki *Planning* i refizye an *term plot coverage* ki *over limit*, ki ganny *approve* lo prosedir *appeal* parey nou'n dir. *Planning* i pou toultan *stick* avek son kriter ek son *guideline* li, me selman nou pa kapab oubliye ki i annan en prosedir *appeal* kot sa dimoun i kapab ganny en *approval* ki *contrary to the guidelines, the* kriter ki la.

One-stop shop Onorab. Mon krwar ki *planning* i deza en *one-stop shop*. Aköz letan ou *submit* ou plan kot *planning* ou pe rod *dual approvals*. Ou pe rod *approval* avek Departman Lanvironnman, an menm tan avek *Planning Authority* pou konstriksyon.

Nou bezwen, nou Lalwa i obliz nou pou nou konsilte avek sa bann *referrals*, aköz anndan nou napa sa lekspertiz nou. Nou bann zofisye zot lekspertiz ki zot gannyen i dan konstriksyon en *land use planning*, apre nou annan bann enzenyer.

Nou napa bann zofisye lasante, nou napa bann zofisye *tourism*, nou napa bann zofisye ki pou zer bann plan transpor

drenaz. So, nou bezwen ganny zot *input* lo la.

Si Gouvernman i pran en desizyon ki *Planning* i pou pran desizyon lo li menm san konsilte person. *Then* i pou bezwen met larzan dan Bidze nasyonal pou nou kapab anpoy sa bann dimoun ki annan sa bann lekspertiz. *Thank you.*

Sorry Mr Speaker. Ti annan sa *issue*. Ou pwen lo *renewable energy and all that*. Bann fason fer. Wi i pou ganny enkli dan. I bann pwen ki nou pe note pou ganny enkli dan nouvo *Building Regulations*. *Thank you.*

MR SPEAKER

Mersi. Onorab Gabriel.

HON CONRAD GABRIEL

Mersi Mr Chair. *Welcome* Minis ek ou delegasyon. Ankor enn fwa mon a dir felisitasyon *CEO* pou ou apwentman. Dabor ler nou ekout bokou entervenans nou pe vwar ki zot Departman ou bezwen absoliman *improve* zot kominikasyon avek piblik an zeneral.

Tro bokou delay pou *deal* ek bann pti senp *issue*. Larepons bann let, bann keksoz. An bref napa gran *follow-up* ki ganny fer. Bann *sites visits*, bann *report* ki

involve bann *boundaries*, bann *beckons*.

Bann *dispute* an zeneral souvandfwa i *end up* Ankour, kot petet Mr Georges i a la, i a kapab temwanny sa.

Se sa petet nouvo Lalwa ki pou tir en pe sa bann *backlog*. Me selman *CEO* an dot mo ou'n fek dir la ki i vin en latas double ankor la, avek sanzman *DA* ou pou bezwen al re negosye, re met keksoz ater. Pa pou fasil.

Mon pe zis *wonder* ki mannyer nou pou al fer, akoz Point Larue dan ou *major achievements* zot in mete "*initiate and review consultation process*", distrik Point Larue. E *from there* mon vwar ou pou bezwen rekomanse *from scratch*.

Petet ti ava bonn les sa *DA* la, *follow-up* sa bann keksoz. *I dont know*, sa i en program Gouvernman. Ou ava eksplik mwan en pti pe lo la.

Dezyenman anba ou *planning* *submission* *processing*. Anba ou *office expenses* i annan R100mil *postage*. Petet ou ti kapab donn nou en pti pe leklersisman *what is this and from there* mon a kapab demann mon kestyon siplemanter? Mersi.

MR SPEAKER

CEO, wi.

CEO ANGELA SERVINA

Thank you pou kestyon Onorab ek ou mesaz felisitasyon ankor. In regard to bann meeting ki nou bezwen fer ek DA, nou pa worry akoz pou DA take over pou comment lo plan i en keksoz fasil sa, i senp. Nou pa worried ki pou annan en issue or anything. I zis en bref, en meeting kot pou brief zot how it's done and pou zot fer li. So, mon pa vwar issue li la.

In regard to DA, lapwentman, who will comment? Sa nou, nou pa pou kapab koz lo la akoz i pou tonm anba Local Government.

Ou'n koz lo, mon krwar ou'n vwar non Point Larue dan district consultation dan land use plan. Wi, nou ti'n deza komanse. I bann distrik ki nou'n deza komanse ansanm ek Anse Aux Pins, Anse Boileau, enn de distrik kot nou'n deza komanse. Me selman i pa ankor finalize. Nou pou annan ankor diskisyon avek distrik.

Aprè ou dernyen pwen Onorab, ou kapab repet en pti kou please. Ou ti nonm en.

HON CONRAD GABRIEL

Yes, anba program 2. Planning submission processing. Anba office expenses mon vwar ou'n met R100 mil pou postage. Zis

donn nou en pti pe detay please.

MR SPEAKER

Mersi.

CEO ANGELA SERVINA

Yes. Kekfwa zot konnen or kekfwa zot pa konnen, planning i annan wide kominikasyon avek piblik. So, nou bann kominikasyon nou fer li atraver email, nou fer li atraver let osi. Akoz pa tou piblik deor ki annan en email address. So, nou pe kontinyen servi sa traditional means of pas lenformasyon. Nou anvoy ou en let malgre nou'n anvoy ou agent lo mail, nou anvoy ou osi en let, en hard copy. Thank you.

MR SPEAKER

Wi, klarifikasyon Onorab. Ou a terminen silvouple.

HON CONRAD GABRIEL

Yes, Mr Chair. Onorab Esparon in tous en pti pe sa zafer kot ou kapab servi district administration. DA ou MNA petet dan plas. Ou kapab servi digital modern age osi. Virtually nou kapab ede dan distrik tir en pe sa tansyon R100mil dan postage. Petet ti ava en lekonomi. Mersi.

Aprè CEO. Petet ou pe dir a la lezer i pa pou en gro issue

about sa sanzman. Me nou santi, nou pou *forecast* poudir i pou annan serten *issue*. Mersi.

MR SPEAKER

Mersi. *CEO*.

CEO ANGELA SERVINA

Mersi Mr Chair. Fransman dir ou Onorab mon pa vwar ki manner i pou vin en *issue*, akoz pou ou *download* en plan, pou tyeke, pou *comment* lo la, mon pa vwar *vremant how it will become an issue*. Me selman *as and when* ki nou *go along* nou ava gete *how* ki nou kapab aranje kot i annan lespas.

Regards to let ki ou ti pe koz lo la, nou anvoye deza let lo *email*. Tou let i sorti lo *email*. Me selman parey mon dir, pa tou kliyan ki annan en *email address*, so nou bezwen fer zot ganny en kopi.

Mwan fransman mon pa santi mon konfortab pou anvil let en piblik kot sant kominoter akoz i pa en lasirans ki pou ariv kot li. So, mon krwar nou pou bezwen kontinyen avek nou fason fer pou poste let. Mersi.

MR SPEAKER

Mersi. Onorab Monthy.

HON PHILIP MONTHY

Mersi Mr Chair. Bonzour *VP* avek ou delegasyon. Mr Chair,

laplipar mon kestyon in ganny aborde. Me selman rapidman, *CEO Cascade* i parmi distrik ki *review* e prosede konsiltasyon lo *land use plan* in ganny fer. Donk si ou kapab donn mwan en *time line* kan ki sa plan pou konplete pou mon distrik?

E osi en *time line* lo *housing estate extension*. Ou'n nonm flat St. Andre, *ok*. En *time line* osi kan sa i sipoze konplete.

Aprè en kestyon ki tou kou mon'n anvi poz *Planning Authority* ler mon tann plizyer remark ki dimoun i fer. Bann pti semen segonder ki ennler i fer, ler ou pe monte ou bat ek en lot transpor pe desann. Enn i bezwen fer *revers*, ennler i annan lager ki devlope la. Napa *lay by* ki ganny fer. *Ok*.

I annan plizyer legzanp sa bann semen. Sey *convince* nou ki sa bann kalite semen nou pa pou ganny vwar fer ankor a lavenir, *ok*. Ki ler sa bann semen koumsa i ganny fer pou annan *lay-by* ki pou ganny fer oubyen i pou ase larz pou *at least 2* transpor pas ek kanmarad. Akoz enn ler degre i etrwat ou a krwar ni menm lespas pou en lot pase. Mersi.

MR SPEAKER

Mersi.

CEO ANGELA SERVINA

Mersi Onorab pou ou kestyon. *Regarding land use plan* konsiltasyon pou Cascade, nou ap ankor konplete, i reste ankor travay pou nou fer. I reste ankor *wide discussion* pou nou fer avek distrik, avek bann lezot Lazans konsernen. *So, as and when* nou pou enform ou, nou pou vini.

St Andre son *guideline* i deza la. I ti enn bann *guideline* ki nou bezwen *contract out* akoz sa letan nou ti napa en *architect* dan *planning* pou *design*. Me selman i annan en *guideline* ki nou ganny servi e an menm tan i annan bann dimoun dan *estate* ki en kante plan ki'n ganny *submit*, ki'n ganny aprouve osi.

So, i pa en *issue extension* dan St Andre. non. *In fact*, nou ti'n menm travay avek Minister pou *regarding* enn de ki pe ganny *issue*. Zot sistenm desarz, si zot kapab met dan en bout later Gouvernman obor *somewhere*. So, laba i *ok* mon pou dir ou.

In regards to semen. Wi, bann semen segonde ki ganny fer. Ki'n ganny fer mon a dir, i vre i annan bann *issue* kot *layby*, semen i etrwat, lot, lot. Me selman nou bezwen pran an kont ki i annan zabitan, i annan *land owner* ki pa toultan pare

pou donn *wayleave* pou *enlarge* semen.

I annan landrwa kot mon krwar distrik menm avek *SLTA* ki negosye. Me selman zot pa toultan *successful*. Akoz nou sa ki nou ti ava anvi *obviously* bann bon *motorable roads*, *2 way* kot i annan sa *lay-by*, ki kot ou konnen i konfortab pou *drive*, pou pase. Me selman i pa toultan le ka.

Me selman ler plan i *submit* kot nou, nou fer nou mye pou nou fer li *as bon as possible*. Akoz nou konsilte *wildly* avek Departman Transpor ki ganny mete lo bann zafer semen e zot donn nou bon *inputs* toultan. Mersi.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Bonzour tou dimoun. Mr Chair, taler en *issue* politik dan *Planning Authority* ti leve. Annefe mon pa vwar okenn *issue* avek si *CEO* ouswa lezot *staff* i annan zot lopinyon politik. Annefe Onorab Andre ti felisit *CEO* ler i ti ganny apwente *CEO*.

E *CEO* ti felisit Onorab Andre ler i ti ganny elekte koman Manm Lasanble pou Anse Aux Pins. So, mon lenkyetid pa avek sa. Mon

konnen bann dimoun i travay dapre zot profesyon.

Mon lenkyetid Mr Chair, i *regarding* e petet sa kestyon i ava al *towards Chairman Board*.

Mon lenkyetid i propozisyon dan nouvo Lalwa pou annan en *Board* ki 100 poursan *private sector*, si mon byen. Mon kestyon se, ki problemm avek sa *current set up* la, kot i annan 5, *CEO* in dir 5 manm prive e 7 manm Gouvernman.

Or bann diferan Lenstitisyon Gouvernman. Ki problemm zot pe gannyen, eski i poz en problemm *currently*? Akoz lapwentman *Board* i ganny fer par Prezidan e Prezidan i en politisyen. E risk se ki nou kapab met politisyen lo *Board* e la ki vremen politik i kapab antre dan travay *planning*.

So, mon kestyon pou *CEO*. Sorry, mon kestyon pou *Chairman*. Dezyenm kestyon pou *CEO*. *CEO* i annan sa *Seychelles Strategic Land Use and Development Plan* ki ti ganny fer par *Arup*.

Ki kantite sa plan pe enfliyan zot travay ozordi kot *planning Authority*, spesifikman *Victoria Master Plan*. Taler in ganny nonmen, me referans ti ganny fer plis avek *waterfront*

development ki *SSI* ti sipoze pe pran.

Ki kantite *Victoria Master Plan* osi pe enfliyans devlopman dan lavil, sirtou an term kit *Victoria* koman *the Creole Capital of the world* e *embarrassing* nou *heritage* ek *culture*.

Akoz i annan en kantite bann devlopman ki pe arive dan lavil ozordi, sirtou dan sant lavil, dan nou *heart of* lavil kot ti sipoze reste tradisyonnelman. Mon konnen ti annan *the proposal of the old Victoria and the new Victoria*.

Ki kantite sa *Arup plan* pe enpoz lo bann devlopman ozordi dan lavil, dan *Victoria*. Mersi bokou Mr Chair.

MR SPEAKER

Mersi Onorab.

CEO ANGELA SERVINA

Mersi pou ou kestyon Onorab. *In regard to strategic land use and development plan* avek *Vitoria Master Plan*. Bann provizyon pe ganny fer pou enkorpor zot dan *land use plan* ki nou pe travay lo la. So, *eventually* zot bann previzyon zot pou vwar li dan *land use plan*.

Planing Authority i toultan ensite kot nou kapab, kot nou vwar i nesaser pou reflekte nou

tradisyon e nou kiltir dan bann *buildings* ki ganny *submit* kot nou.

So, mon kapab dir ou sa i en pwen lo nou azanda ki *very high*. *Thank you*. Chairman a reponn lot kestyon *please*.

MR SPEAKER

Chairman.

MR CYRIL BONNELAME

Mersi Onorab. Ou konnen, sanmenm ki mon pe dir ki enportan zot koman Lezislater, ler sa *Bill* i vini ki zot debat byen lo la. An term koriz son Board. Ou'n demann mwan kestyon si annan *anything* mal avek sa *Board, current Board*.

Parey tou keksoz, i annan keksoz pou amelyor lo la. Me selman mon krwar *the concept of* annan Sekter Prive avek bann *referral agencies* i enportan. Akoz kot en *referral agencies* zot annan *expertise* dan bann keksoz.

Lo kote Sekter Prive, mon krwar en keksoz ki nou tou nou'n koz lo la dan lepase, menm an se moman nou ankor pe koze. Akoz plan i tarde, mon koman en biznes i kout mwan larzan.

Mon krwar ou annan sa *outside view* ki vini ki donn ou en serten perspektiv *of* ki

lenpak i annan par lefe ki ou annan *delay* dan bann desizyon. Mon krwar sa balans i enportan, me selman mon a repet ki la koman sa *Bill* pe vin devan zot, mon krwar i enportan zot debat sa la *very lengthily* akoz *this in itself* pou *help us going forward* avek bann desizyon. Mersi.

MR SPEAKER

Mersi. *CEO* ou anvi azout keksoz ?

CEO ANGELA SERVINA

Zis pou mwan azout Onorab, koman en dimoun ki'n travay koman sekreter *Planning Board for the last 10 years*, mon pou dir ou *this current Board is the best*. Son *set-up*, sekter prive, Gouvernman i balanse. *Because you have on the one side* zot anmenn en *view* ki anndan Gouvernman nou napa e an menm tan Gouvernman i anmenn son bout pou li. *Thank you*.

MR SPEAKER

Mersi. Onorab Loizeau,

HON NORBERT LOIZEAU

Mersi Mr Speaker. Bonzour Minis ek ou delegasyon. Bonzour tou dimoun a lekout. Mr Speaker, mon anvi dir *CEO* ki mon panse anba ou direktiv

mon annan zis en kestyon avek en pti *statement*, Mr Speaker.

Mon panse ki anba son direktiv bann move pratik ki ti arive dan sa Departman i ava ganny eliminen. Sa bann pratik ti arive anba vye Gouvernman, kot pou ou proze kapab ganny aprouve, swa direktiv ti bezwen sorti *State House* ouswa ou ti bezwen mont avek en sak avek en zak ladan pou ou kapab ganny aprouve ou proze,

Me mon kestyon dabor i konsern later rezerv. Mon anvi zot eksplik mwan ki kriter ki en dimoun in gannyen pou li kapab konstri dan rezerv.

Akoz later dan distrik Bel Air, mazorite i rezerv. Me i annan i kapab konstri, ki pas devan zot pou aprouve, me i annan pa annan drwa konstrir. Eski ou kapab donn nou en pe leksplikasyon ki kriter zot servi pou kapab konstri? E osi vi ki mon annan sa *physical update* eski *CEO* in koz lo la. Eski zot pe revwar en pe dan sa domenn? Mersi.

MR SPEAKER

Mersi Onorab. *CEO*.

CEO ANGELA SERVINA

Mersi pou ou kestyon Onorab. Regarding later ki tonm dan rezerv. Bann demarkasyon pou rezerv, *forest reserves* nou

gannyen from Minister Lanvironnman. So, zot ki fer sa bann demarkasyon e zot pas li on avek nou ki nou enkli dan *land use plan*. I annan bann lenstans kot i annan serten rezerv parey ou'n dir ki i annan serten kalite devlopman ki *allow* ladan.

Zot annan zot kriter spesifik, kwa ki *allow* e nou, nou *take it onboard*. I annan landrwa kot zot pa *allow* naryen *at all*. So, petet i ava en kestyon ki ou a kapab elabor en pti pe plis lo letan Minister i vini.

In regards to approval. Onorab mon en pti pe konfize, akoz mon fransman dir ou mon pa vwar ki mannyer en dimoun ou pey li pou ou plan aprouve dan *planning*.

Mon pa konpran ki mannyer sa i marse. Akoz en plan son prosedir ki i pas ladan, i pas dan lanmen en kantite dimoun avan ler ki i ariv lo *final approval*. Napa en dimoun ki fer desizyon. *Not one person alone* ki fer desizyon.

So, mon pa konnen *how*. Me selman i vreman difisil. *Even* mwan koman *CEO now*, i pou pli difisil pou mwan kapab konfirm ek en dimoun ki son plan pou aprouve ki ler mon ti en zofisye lo *site*.

Akoz *then* mon ti kapab dir lo mon vizit poudir, mon ti

annan en direk *input* dan son laplikasyon. La mon napa *at all*. *Thank you*.

MR SPEAKER

Onorab, nou pa pou antre dan en largiman lo sa pwen. Les mon a les *Chairman* reponn. Si ou annan en pwen klarifikasyon ou kapab demande, nou pa pe antre dan en largiman lo sa pwen si ou peye. Konpran. *Chairman*.

MR CYRIL BONNELAME

Mersi Mr Chairman. Mon krwar si mon kapab *add up* lo ki *CEO* in dir. Ou konnen, mon osi mon ganny *call* pou dir i annan dimoun ki ganny peye e zanmen *obviously* nou tou nou kapab dir Cyril pe ganny peye. Be mwan mon demann zot laprev.

Yeah, mon krwar selman ki arive, ki mwan mon vwar dapre mon leksperyans koman *Chairman over the last 4 years*, se ki parey *CEO* i dir, parey nou osi nou pe dir, parey dan sa *Bill* i reflekte.

Se ki desizyon kot *Planning*, mon kapab dir zot mwan. Mon pa kapab dir 100 poursan. *Almost 99* poursan nou fer sir nou *follow* regilasyon. *But the next step* ki *above our heads up till now* se *the appeal process*.

E *Planning Board* napa okenn kontrol lo la *whatsoever*. So, nou si ou'n dir nou ou pe *build* dan rezerv, ler i vin kot nou sa *box build* dan rezerv i en *cross*. Mon kapab dir ou i pou en *cross* e sa ou kapab fer regarde. La i annan *Information Act*, al regarde. Pa pase kot nou.

Me selman i annan lefe kot i vin par lao nou late kot nou, nou pa kapab fer *overrule* desizyon ki ganny pran. Mersi Mr Chairman.

MR SPEAKER

Ou annan klarifikasyon? Wi, ale.

HON NORBERT LOIZEAU

Mr Speaker, mon klarifikasyon i konsernan lo rezerv menm. Ou'n dir si i annan bann ka ki vini kot i annan en *cross* zot *cross*. Me ler mon get Trois Frère, Trois Frère i en Rezerv Nasyonal.

I annan konstriksyon ki'n ganny fer la an montan Trois Frère e osi konsernan konstriksyon menm. Mon vwar zot pe bat lanmen laba, sa ki mon'n dir in ariv zot letan.

Par egzanp Bel Eau ti annan, mon demande ki mannyer en dimoun i ganny permisyon pou konstri en batiman lo en *water table*. Ler

zot pe fouye, zot vwar zot pe fouy lo en delo. Sa delo ti koule dan semen Bel Eau pou lan, ziska dernyen er zot in fer en rigol, selman sa dimoun in *still* ganny permisyon pou *build* lo sa delo.

Selman sa pti dimoun ki li i anvi konstri son lakaz, ki annan en pti larivyer *or* en pti *stream* ki pas lo bor li i ganny met dekote i pa annan drwa. Selman li sa dimoun ki annan larzan, li i annan drwa li. E sa ti arive anba sa Gouvernman ki laba pe asize. Ki zot pe bat lanmen ozordi. Mersi.

MR SPEAKER

Mersi. Mon pa konnen si *CEO* oubyen Chairman i oule adres sa ki'n arive dan leparse.

MR CYRIL BONNELAME

Ankor mon repet Mr Chairman. Mersi. *As far as the Planning Board* i konsernen, si i obor en larivyer nou pou dir ou non. Me selman kekfwa desizyon final pa par nou. Nou, nou *maintain* bann *advise expert, be it* obor larivyer, obor lanmar, lo delo, *PUC*. Sa ki zot dir nou, *we are guided by them*. Mersi.

MR SPEAKER

Mersi. Wi *CEO*, mon a permet en dernyen mo lo sa pwen.

CEO ANGELA SERVINA

Mon krwar ou ti pe koz lo en *case* Trois Frère *or something*. I enn bann *case* ki ti ganny *approval* lo *appeal*, Onorab. Mersi.

MR SPEAKER

Mersi. Onorab Pillay mon pa ti 'n vwar ou lev lanmen, ou annan pwen lo sa? *Ok*, nou a pas ou.

HON SEBASTIEN PILLAY

Mersi Mr Chairman. Mr Chairman, mon krwar i ti enportan ki *CEO* e *Chairman Board* i fer kler sa *whole* konsepgous. E mon krwar i annan en kante repitasyon dimoun ki'n vin la devan ki'n ganny trennen anba bis par en kantite keksoz ki ganny dir.

Menm bann dimoun dan *Planning* in ganny trennen anba bis. E mwan mon konn *CEO*, irespektiv, mon pa konn son krwayans politik, me mon konnen poudir i en dimoun ki devoue, i kontan son travay e nou'n vwar dan son bann larepons i en dimoun ki konmsi sa size. E i zenn profesyonnel e nou devret ankouraz li.

E sak fwa nou fer sa bann komanter san okenn baz, nou afekte sa bann profesyonnel. So, mon krwar i enportan ki *from now on* nou komans sa.

Mon pa pe fer refleksyon avek...

MR SPEAKER

Wi, sof, non, non, non, non Onorab. Ou'n donn ou parol. Sof Onorab Pillay, mon a dir poudir napa okenn moman ki Onorab Loizeau in akiz okenn...

HON SEBASTIEN PILLAY

Mon pe al dir la, mon pe al eksplike, mon pe al eksplike. Mon pe al klarifye.

MR SPEAKER

So, si ou referans ti totalman dan leparse. So, pa met sa bann zofisye ki la dan sa diskisyon.

HON SEBASTIEN PILLAY

Wi, Mr Chairman. Avan ki mon ganny sans fer kler poudir mon pa pe fer referans avek sa ki Onorab Loizeau in dir, akoz li i pa'n neserman akiz ni *CEO*, ni sa. Me in ariv plizyer lenstans dan Lasanble.

MR SPEAKER

Ok.

HON SEBASTIEN PILLAY

E mon krwar sa ki nou bezwen fer, se ki si nou annan levidans bann keksoz, nou anmenn sa levidans devan e nou aret zis dir li dan en fason zeneral, dan en fason *blanket*.

So, sa ki enportan pou nou regarde la se avek *Planning Authority*, se *the way forward*.

Nou'n tann koz lo modalite serten *Board* e nou'n tann koz lo finansman ki nou pe donn *Planning Authority*. Me nou tou konnen sityasyon ekonomik pa permet nou pou nou *provide* e *Planning Authority* avek plis sipor adisyonnèl.

So, eski i annan okenn keksoz ki zot, zot santi koman *Planning Authority* e sirtou peteT *CEO* ou ava dan en pli bon pozisyon. Chairman i a *weigh-in* si posib. Ki zot santi koman *Planning Authority* i mank zot, ki ti konmsi kapab permet zot delivre en pe plis, pli byen oubyen donn en serten servi sen pe pli efikas an relasyon avek zot travay e ki nou ava ganny en konpran nou menm nou.

Akoz nou konnen nou pou annan en *mid-year review exercise* e nou pe pas sa enn Bidze. Ki nou ava ganny en konpran kwa ki pei i ava kapab oubyen nou ava kapab sey pou pou ki sa Lotorite i ganny sa bann servis akoz apre tou *Planning Authority* i en kreasyon ki'n la ler nou ti dan Gouvernman.

Nou lentansyon se bann keksoz ki byen nou kontinyen avek. Kot fodre aranze, nou

aranze. E pou nou kapab vwar ki mannyer nou fer sa Lotorite ganny plis prominans. Zwe en rol pli enportan dan devlopman pou nou epi. Mersi Mr Chairman.

MR SPEAKER

Mersi Onorab. CEO.

CEO ANGELA SERVINA

Mersi Onorab pou ou kestyon. Parey mon'n mansyonnen a plizyer repriz, resours imen si nou ti kapab ganny plis, *obviously* nou ti pou travay pli byen. Nou ti ava kapab annan plis latansyon pli *closely* lo bann prose, sirtou anba *monitoring*.

An menm tan i annan bann lezot profesyonnel ki nou, mwan fransman mon vwar ki nou bezwen. Nou bezwen plis bann *planners*, nou bezwen plis *architects*.

Me selman Bidze pa pe permet nou la e osi mon vwar ki dan pei i annan sa bann mank resours imen. An term bann *planners*, i en *field* kot napa bokou zenn ki pe *take on*.

Currently nou annan zis 2 sa bann *planners*. Dan pei napa byen, byen. *ANHRD* osi nou'n tyek avek zot. Napa ki pe retournen *anytime soon*. So, sa i en *field* kot si nou ti kapab

ganny sa bann profesyonnel i ti pou ed nou en kantite. An menm tan bann lezot resours ki al avek dimoun letan ou anmennen. Lespas, materyo pou travay avek. *Thank you*.

MR SPEAKER

Thank you. Wi, Chairman.

MR CYRIL BONNELAME

Yes Mr Speaker, mersi. Si mon kapab azoute lo laspe *efficiency*. *Obviously* nenport *lacking* ki annan dan *approval process* i ganny reflekte par *the end product*. E en keksoz ki nou vwar dan sa Lalwa ki nou pe sey met devan. Nou ti anvi en pe pli *punitive*. Bann dimoun legal parey Mr Georges i kapab sorti.

Ou konnen i annan bann devloper, bann kontrakter. Sa ki nou pe mete koman *suction* si zot kase, zot kapab *afford* pou peye.

So, me selman mon krwar nou ti ganny dir poudir i pou annan en konfli avek Lalwa *Civil Code* si nou fer li en pti pe pli *harsh*. Me selman ki mon pa tro konpran, lanvironnman li i annan drwa met pou li 10 milyon, nou pa annan drwa mete. So, kekfw a ler zot debat sa, mon krwar enportan.

Akoz sa enn dan bann keksoz ki nou vwar i *very common* e finalman i ganny

reflekte kot *Mrs X* li i pa'n kapab fer, *Y* in kapab fer, akoz *Y* in kapab *get away with it*. Sa kontrakter in deside *test the system*.

So, mon krwar sanmenm dan sa *Bill* ki enportan, detrwa sa bann keksoz i ganny reflekte ki sa i ava ed nou. Fer sir nou annan plis kontrol devlopman, nou kapab aplik bann *measure* ki pou fer dimoun fer sir i *follow the line*. So, demen nou pa kapab dir en dimoun in ganny trete *differently* avek sa.

Sa i enn dan bann keksoz ki pou ed nou en kantite sa. Mersi.

MR SPEAKER

Mersi Mr Chairman. Onorab Georges.

HON BERNARD GEORGES

Mersi Mr Chair. Mr Chair mon ti anvi pran laparol pou 2 rezon prensipal. En sizesyon ek en kestyon. Mon pa anvi prolonz deba lo si annan oubyen si napa koripsyon. I pa mon rol pou fer li e *in any event* sa ki'n arive in arive dan lepase.

Sel keksoz ki mon ti a kontan dir se ki en landrwa parey *Planning Authority* toultan i pou annan en serten konplent ki sorti kot serten dimoun ler en bann i ganny

permisyon e en bann pa gannyen.

E zot annan en rol difil pou zot zwe pou konvenk piblik ki politik pa antre ladan sirtou ler annan de fwa parey nou tande isi dan sa Lasanble, sa dimoun ki pa ganny permisyon i politik en serten kote oubyen ler i annan manm lo en *Board* ki klerman bann politisyen lo en lot kote.

Alors sa i pou arive. Sel fason pou tir sa se pou fer sir ki napa politisyen lo sa bann *Board and then* problemm i *solve*. E la mon vwar ki se sa le ka.

Kestyon ki mon ti anvi demann avek *Planning Authority* se, dan ki mezir eski zot *proactive as oppose to* zis reazir lo bann laplikasyon ki vin devan zot?

Onorab Cosgrow in fer sorti en tre bon pwen. Mersi Onorab, lo gard *Victoria* en serten stil, sa se kote pozitiv. Me i annan en kote negativ osi, ki zot fer avek bann landrwa ki pa pe ganny devlope. *Reef Hotel, Mahe Beach Hotel* par egzanzp, pou donn 2 legzanp. 2 zoli propriyete ki'n zis ganny les dan labandon e ki personn pa pe fer naryen.

Eski zot annan en rol *proaktivite* pou zot fer sir ki sa bann keksoz, sa bann landrwa i

ganny devlope e ki pa reste koman en *eyesore*? *And if so, ki si sa keksoz ki zot kapab fer?* Mersi Mr Chair.

MR SPEAKER

Mersi. *Panel* lekel ki pou adrese? *CEO*, wi.

CEO ANGELA SERVINA

Mersi *LGB* pou ou kestyon. Lo kote *planning*, parey kekfw a ou kapab okouran nou Lalwa *current* ki nou pe servi. Letan ki *planning* i kapab antre in *regards to* bann *building* ki zis la parey Reef Hotel ou'n dir, lot, lot. I letan i antre dan sa *state dilapidated buildings*, sa i ganny kouver anba nou Lalwa.

Me dan lenstans ki building zis i la, i ankor *structurally sound*, nou pa vreman kapab fors en devlopman.

Nou kapab met devan bann propozisyon, bann plan devlopman, *how it should be done*. Me nou menm nou, nou napa sa manda *to go out there and force sa developer*.

I pou dir ou i annan kontrent finansyel, i annan *you name it*. I kapab donn nou en ta leskiz. Me selman lo nou menm pou fors devlopman i pa tro fasil. *Thank you*.

MR SPEAKER

Chairman, wi.

MR CYRIL BONNELAME

Yes, if I may add. In fact en pe pli grav ki sa Onorab Georges, se ki i annan ka kot nou, nou santi poudir en danze pou *safety public* e nou'n *issue instruction* pou kase, me *unfortunately* i annan *dispute* ant ser ek frer *and* zafer in al Ankour, nou ganny dir nou pa annan drwa touse.

So, ankor kekfw a ler sa nouvo Lalwa, nou pa konnen ki manner, *I'm not a legal person*. Ler i ganny *discuss* kekfw a i kapab donn nou sa zouti.

I annan en ta anvil, me selman mon pa kapab nonm non. Me selman pou nou i konsern nou e tou letan nou pe koz lo la lo *Planning*. Me *unfortunately* *Attorney Zeneral* i dir nou, nou pa kapab fer naryen *right now*. Sa ka, bann ka koumsa i bezwen ganny *resolve by the Court and then we can act*.

So, ankor i fer nou louvraz en pe difisil. Mersi Mr *Chairman*.

MR SPEAKER

Mersi Mr *Chairman*. Mersi tou Manm. Prezan nou'n ariv ler pou pran vote lo sa Bidze pou *Seychelles Planning Authority* ki lo paz 369 ziska 376, pou en

total R16milyon 559mil. Manm ki an faver lev lanmen silvouple. Personn kont?

Mersi, vot lo Bidze pou *Seychelles Planning Authority* lo paz 369 ziska 376 pou total R16milyon 559mil in ganny 32 vot pour, 0 vot kont e 0 abstansyon. Alors Bidze in aprouve par Lasanble.

Avan nou *adjourn* mon a zis donn *Leader* Lopozisyon loportinite pou li lev en kestyon ki i oule avanse, met devan. *Leader* Lopozisyon ou ava lev ou kestyon e si i nesese ou ava anvoy li an ekrir silvouple. Mersi.

Eskiz mwan, nou a pas dan Staz Lasanble avan sa. Me nou a permet osi alors bann zofisye pou fer zot depar e mon a dir zot mersi bokou.

(THE VICE-PRESIDENT AND HIS DELEGATION WAS EXCUSED FROM THE HOUSE)

MR SPEAKER

Onorab Pillay ou a zis eksplik ou kestyon e nou a pran aksyon ki nesese apre. Mersi.

HON SEBASTIEN PILLAY

Mersi Mr Speaker. Mr Speaker, depi yer mon pe swiv en size ki ase irzan. I annan en konotasyon *emergency* avek e sa i en size ki konsern Minister

Lasante. I swivan bann konsern ki'n ganny eksprimen yer an relasyon avek *staff* e bann pasyon ki dan *North East Point Home for the Elderly* an relasyon avek *COVID-19*.

Mon pe demande ki Minis Lasante i imedyatman donn nou Lasanble en kont randi lo vre sityasyon *COVID-19* dan sa *Home*. Partikilyerman konbyen *staff* oubyen rezidan ki'n teste pozitiv pou *COVID-19*?

Ki zot kondisyon egzakt e eski i annan okenn *staff* oubyen rezidan ki'n devlop okenn konplikasyon? E i enportan pou nou konnen si eski tou sa bann *staff* e rezidan ti'n fini pran vaksen kont *COVID-19*.

Sa bann lenformasyon i vremen enportan Mr Speaker, akoz nou tre konsernen e tre trouble avek sityasyon ki pe pase kot *North East Point Home for the Elderly*.

Mon oule osi azoute Mr Chairman, ki nou ti a kontan ki Minister responsab pou Zafer Lafanmir i osi imedyatman, imedyatman donn Lasanble statistik lo nivo vaksinasyon dan bann *Home* oubyen rezidans dimoun aze ki anba zot responsabilite.

Sa i ava enkli bann *Home* ki trouve English River, Point Larue e dan bann lezot distrik. Akoz nou ti ganny dir poudir

vaksinasyon ti pe kontinyen, me ziska la nou pa ankor ganny statistik prenon an kont sa ki pe pase dan *Home for the Elderly North East Point*.

I enportan ki bann MNA ki dan sa bann distrik respektif i swiv de pre sa bann sityasyon ki pe pase pou asire ki bann rezidan e zot bann manm fanmir i an sekirite, e ki tou swen neser pe ganny donner avek zot bann dimoun ki trouv zot dan sa bann rezidans oubyen dan sa bann *Home*. Mersi Mr Chairman.

MR SPEAKER

Mersi Onorab. Silvouple prezant ou bann kekyon an ekirir.

Avek sa nou ava *adjourn*, nou a zwenn 2er pou nou kontinyen lo *Appropriation Bill*. Mersi.

(BREAK)

MINISTRY OF LOCAL GOVERNMENT AND COMMUNITY DEVELOPMENT

MR SPEAKER

Bonn apre midi tou dimoun. Nou a pas dan Staz Komite pou kontinyasyon lo Bidze e nou ava

apel delegasyon Minis Gouvernman Lokal silvouple.

MR SPEAKER

Bonn apre midi bann zofisye ki'n ariv kot nou e avek Sekreter Prensipal Damien Thesee e Mr Jude Commettant, nou annan ozordi bann zofisye Minister Gouvernman Lokal e *Community Development*, Mrs Rose-Marie Hoareau, Minis pou sa Minister.

Mr Daniel Frichot, konsiltan. Mrs Marlene Valentin, *Financial Controller* e Mr Daniel Adeline, *Director General* pou *Project Planning and Maintenance*.

Avek sa nou pou pran Bidze pou *Ministry of Local Government and Community Development* lo paz 378 ziska 384 pou en total R124milyon 738mil. Avek sa mon ava envit Minis pou fer lentrodiksyon lo son Bidze silvouple. Minis.

MINISTER ROSE-MARIE HOAREAU

Mersi Mr Chair. Bonn apre midi tou bann Onorab. Bonn apre midi tou bann dimoun ki a lekout.

Minister Gouvernman Lokal ek Zafer Kominoter in ganny en alokasyon Bidze 124.7milyon pou lannen 2021. Sa i en rediksyon 22.2milyon

ouswa 15 pour sa lo *revised budget 2020*.

Sa rediksyon i enn signifikan. Nou rekonnèt ki nou dan en letan tre difisil e mon krwar ki mesaz Prezidan Larepiblik i kler. In fer nou tou byen konpran ki nou dan en moman kot nou tou nou bezwen fer serten sakrifis e ki nou bezwen fer tou posibil pou nou sey fer plis avek mwens.

Manda prensipal Minister Gouvernman Lokal ek Zafer Kominoter, i pou zer bann biro Ladministrasyon Distrik e pou osi *empower* nou bann kominote lokal.

Rol Minister se pou asir bon governans, langazman e lapartenans, sirtou ayer anver devlopman. Osi byen ki mentenir sa lyezon ant Gouvernman santral e Gouvernman Lokal.

Mr Chair, sa nouvo ladministrasyon i krwar dans an e Gouvernman Lokal ki efektiv e proaktiv. Kot fonksyonman bann ladministrasyon distrik i gide par bann bon prensip, bon governans, latransparans e rann kont.

Diskisyon in deza komanse pou etabli en nouvo fason e lapros travay e sa lannen nou pou osi komans en seri refleksyon avek lekip e lezot

partners lo kwa ki kapab ganny fer pou anmenn sa ki meyer pou nou kominote lokal.

Mr Chair, atraver mon enteraksyon avek bann DA, mon'n konstate e apresye travay e responsabilite ki bann DA i anmenn. Mon'n osi realize ki zot ranpli avek potansyel dan divers domenn. I enportan alors ki zot ganny sa loportinite pou met an pratik tou sa ki zot annan e sa ki zot kapab delivre.

Minister *Local Government e Community Affairs*, i met bokou lanfaz lo laspe *training e monitoring*. Bann sesyon in deza komanse akou nou krwar ki nou bezwen donn sipor bann *staff* pou zot delivre. Nou krwar dan zot devlopman e nou fer zot konnen ki zot pa tousel dan distrik.

I annan en nesosite irzan pou anmenn sa konfyans piblik dan nou bann lofis ladministrasyon distrik. DAs i annan en rol kle, en rol *leadership* e zot bezwen *lead by example*.

Alors, mon oule reasir tou bann Manm Onorab ki sa rotasyon DA ki fek fer i enn ki pou anmenn dibyen pou bann DA zot menm e pou la kominote an zeneral.

Nou antisipe ki sa pou anmenn en nouvo sinerzi dan

zot travay, e nouvo loportinite dan devlopman zot karyer osi byen ki personnel.

Les mwan reser zot ankor ki en *proper handing over* in ganny fer pandan sa 2 dernyen semenn pou asire ki en *smooth transition* in ganny fer.

Mr Chair, en provizyon R100milyon in ganny met dan Bidze 2021 pou *maintenance* lo bann Sant Kominoter. Sa lannen Minister pou met bokou lanfaz lo en bon program *maintenance* lo bann lofis ladministrasyon distrik e sant kominoter.

I regretab ki sa bann *building* in ganny negligize ziska sa degre. I neserer pou annan en gran amelyorasyon lo kondisyon bann lofis osi byen ki son limaz e standar. En landrwa travay konvenab i enportan pou byennet bann *staff* ek zot produktivite.

Provizyon pou *maintenance* bann lenfrastruktir sportif in ganny transfer avek konsey Nasyonal pou Spor. Mr Chair, avek sityasyon ekonomik ki pe persiste e ki pe met presyon lo Bidze, provizyon dan Bidze relye avek lenplimantasyon bann pti proze dan distrik in ganny redwir par R13milyon.

Dan sa alokasyon ki nou'n resevwar, R7milyon i pou bann

ongoing projects. Bann proze ki ti'n komans lannen pase e pa'n fini. I annan 16 an total e sa i apepre R5.7milyon. Sa bann proze pou konplete pandan premye 6 mwan sa lannen si *COVID* pa tro enterfer.

Balans ki reste pou ganny partaze avek tou le 26 distrik dapre zot bann rekomandasyon. Bann *DA* in fini ganny enformen ki maksimonm alokasyon par distrik i pou R200mil e zot in ganny demande pou kolabor avek zot *MNA* pou konfirm priorite zot distrik respektif.

Mr Chair, bann gro proze ki pou ganny enplimante sa lannen i *comme* swivan e provizyon in ganny fer dan Bidze. Ile Perseverance, *daycare center* 5.2milyon.

Bel Ombre, *DAs Office*, 2milyon pou komans son konstruksyon. La Digue *Community Center*, *major maintenance*, 2milyon.

Anse Royale *Community Center*, *major maintenance*, 1.5milyon. Cascade

Community Center, 7milyon. E la mon ti a kontan fer resorti ki an 2006 ti annan en Bidze, en alokasyon R27milyon pou fer sa Sant Kominoter Cascade e sa lepok Dolar ti R12.

Mr Chair, i annan 4 *Daycare centers*, enn Glacis,

enn Anse Aux Pins, enn Takamaka e enn Grand Anse Praslin ki'n fini konstri.

En rankont ti ganny fer semenn pase avek bann aplikan ki'n *apply* pou *manage* sa bann *daycare*. Prosedir *procurement* ek *tender* i long e tre konpleks. I reste nou en dernyen letap pou finalize. Mon mazine ki si tou keksoz i al byen sa bann *day-care centres* i a ganny *allocate* avan lafen Avril.

Mr Chair, travay e alokasyon bann lofis pou bann *MNAs* in deza komans e serten in fini konplete. I annan enn, de ka kot napa lespas e nou an diskisyon avek sa bann *MNAs*. *Status* i *comme* swivan;

7 in fini pare, 10 i an progre konstriksyon. 5 nou an negosyasyon avek kontrakter e 4 nou pe rod solisyon avek korperasyon bann *MNA* zot menm anvi ki napa plas dan biro Ladministrasyon Distrik. Sa bann distrik se Mont-Buxton, Les Mamelles, La Digue e Perseverance.

Mon oule remersye zot tou bann Onorab pou zot sipor e pasyans pandan sa demars. Mon asir bann Onorab konsernen ki nou tou nou pou reste an kontak avek zot, pou enform zot anmezir ki nou progrese.

Mr Chair, en provizyon R3.7milyon in ganny met dan Bidze an sipor programm kominoter. Parey Minis Zialor ti'n mansyonnen, son Minister avek Minister Gouvernman Lokal ek Zafer Kominoter pe adopte en lapros kolaborater anver lenplimantasyon serten programm dan distrik.

Nou'n fer nou premye *meeting* pou komans devlop e tonm dakor lo en moralite sa kolaborasyon. Diskisyon i kontinyen. Tou kous nou kominote i bezwen ganny touse. Nou krwar ki sa lapros i pou anmenn rezilta malgre resours i limite.

Mr Chair, pou en pe letan, *District Social and Animation Committee*, *DSAC* pa'n sitan aktiv dan distrik. Sa nouvo ladministrasyon i anvi ki nou bann distrik i ganny en nouvo souf. Dan sa nouvo fason fer keksoz nou pe get mwayen e fason pou anmenn plis sinerzi dan travay e langazman dan distrik.

Minister i krwar ki sa 2 striktir, *DSAC* osi byen ki *District Team*, zot neser dan fonksyonman bann biro Ladministrasyon Distrik. Nou bezwen asir bon fonksyonman sa 2 striktir pou ki i annan bon kordinasyon bann programm osi ki servis i lo standar.

Zot sipor koman *MNAs* osi byen ki sipor lezot *partners* dan distrik i ekstrememan enportan. Nou anvi anmenn sa vre sans lapartenans e sa pozitivite dan distrik.

An konklizyon Mr Chair, permet mwan pou dir en gran mersi tou *management* e *staff* dan Minister Gouvernman Lokal ek Zafer Kominoter pou lafason ki zot pe apresye sa nouvo fason travay. Pou lafason ki zot pe partisip pozitivman dan nouvo lapros fonksyonman Minister. Deza mon pe vwar en lespri lekipe ki pe devlope avek *professionalism*. Sa i tre ankourazan.

Mon osi anvi dir mersi sa tim ki sorti kot Minister Finans, pou sa travay ki zot in fer pou met ansanm sa Bidze pou Minister Gouvernman Lokal ek Zafer Kominoter. Minister pou osi kontinyen travay ansanm avek lezot Minister, bann diferan Departman ek Lazans, bann *NGOs*. Osi byen ki Sekter Prive pou byennet nou kominote e byennet nou pei an zeneral. Mersi Mr Chair.

MR SPEAKER

Mersi *Minister*. Mon pou demann bann Manm ki ti'n lev lanmen pou zis fer li ankor en fwa silvouple aköz mon bezwen

verifye serten keksoz. Tou Manm. *Well* mon konfirman, mon annan preski *full house*. Korek.

Alors bann Manm mon remersye zot pou zefor ki zot in mete dan reste konkret e vit lo zot kestyon e mon envit zot pou kontinyen, aköz sa evidaman i en Minister ki pou pran nou en bon pe letan.

Mon pou envit bann Manm pou komans poz zot kestyon oubyen fer zot komantr. E mon a demann *panel* ki pou reponn, silvouple zis sinyal mwan par lev lanmen.

Mon a komans avek Onorab Porice. Mersi.

HON DOYACE PORICE

Mersi Mr Speaker. Bonn apre midi a tous, bonn apre midi *panel*. Anba program 2, *local governance, support and development. Sub program 2, community live program*. Mon pe vwar avek Minister si nou annan lakantite *program officers* ki pou travay avek sa bann program e si zot pe travay avek bann distrik, konbyen par distrik?

E mon'n vwar osi i annan 6milyon 292 anba *program community live program*. Konbyen sak distrik pou resevwar pou sa bann program? Mersi Mr Speaker.

MR SPEAKER

Mersi Onorab. Minis ou'n pare? Oubyen ou *panel*.

MINISTER ROSE-MARIE HOAREAU

Mersi Mr Chair. Mersi Onorab pou ou kestyon. Mwan mon a reponn premye bout, apre mon a les *FC* elabor en pti pe lo bann finans.

Zis pou mwan dir ou bann *program officers* i bann dimoun ki nou pe travay tre pros avek. Annefe zot ti'n eparpiye en pe partou dan distrik. Nou'n anmenn zot tou kot sekretarya ki nou kapab konsantre nou zefor avek zot, regard zot, *discuss* ek bann program ki pou neser pou bann distrik.

Zot, zot bann dimoun ki'n deza fer sa. Alors zot annan leksperyans. E nou annan en lekip byen kalib pou anmenn nou dan distrik avek sa bann kalite program. Nouvo program, nouvo lide ki nou, nou oule anmenn devan.

E, so, bann *program officers*, wi zot la. Zot pou ed nou dan nou travay. E mon a les *FC* reponn lo sa bout finansyel.

MR SPEAKER

Wi, madanm.

FINANCIAL CONTROLLER MARLENE VALENTIN

Bonn apre midi tou Manm. Mersi Mr Chair, mersi Manm Onorab pou ou kestyon. An se moman nou annan nou 8 *program officers* ki anploye avek *Local Government* pour lemoman la.

MR SPEAKER

Wi, Onorab. Ou le en pe plis klarifikasyon. Wi.

HON DOYACE PORICE

Kot i konsern finans.

FINANCIAL CONTROLLER MARLENE VALENTIN

Ou kapab repet ou kestyon silvouple ?

HON DOYACE PORICE

Mon'n vwar en sonm R6milyon 292mil, ki'n mete anba program. En *Community live program*. Konbyen sak distrik oubyen sak program pe resewar atraver sa. Mersi.

MR SPEAKER

Mersi, madam *FC*.

FINANCIAL CONTROLLER MARLENE VALENTIN

Mersi Onorab. Nou'n fer provizyon R75mil par distrik e sa i baze dan sa bann distrik zot menm. Nou'n fini met sa sonm

dan zot Bidze personnel pou sak distrik. Mersi.

MR SPEAKER

Mersi. Mon ava apel Onorab Bastienne.

HON DESHILA BASTIENNE

Mersi Mr Chair. Bonn apre midi Mr Chair. Bonn apre midi Minis ek ou *panel*, bonn apre midi tou Onorab e tou bann a lekout.

Minis mon premye kestyon mon pe refer lo *allowances* ki dan Bidze pou Perseverance 1 ek 2. Mon vwar tou lede i annan '*other allowances*.' Enn i 53mil, enn 47mil. Mon ti a kontan ganny en pti leklersisman lo kalite *allowance* sa i ete. En pet pe detay lo sa bann *allowance*.

Apre mon dezyenm kestyon ti pou tous en pe lo *rotation of DAs*. Me mon remerci ou ki ou'n fer li kler dan ou deliberasyon ki ou'n donn sa 2 semenn pou fini fer *proper handing over*, akoz mon ti vwar ti pe trenn en pti pe. *Ok* savedir mon al lo mon lot kestyon.

Lo mon lot kestyon i annan pou fer, i pou tous en pe en proze ki Perseverance 2 ti fer, sa ki ti komans 2020. Vi ki pou al tonm dan 2021, mon ti a kontan en pti leklersisman. Lo sa proze, son pri ki, son *Budget*

ki Gouvernman ti aprouve ti 275mil e sa ti *filling of playground*.

Ler mon pe swiv sa proze mon vwar ki sa kontrakter li i ti *tender* 332mil 500. Savedir ti *way above* sa *budget* e i menm site ki in fini ganny fer. en bout larzan tou in fini ganny peye. E sa bout larzan se 315mil 875.

Me ler ou get *budget* Gouvernman ti 275mil, alor mon ti a kontan konnen sa diferans kote i sorti. Eski sa proze ti ganny aprouve menm lo sa pri, e lekel ki pou pey sa bout akoz vi ki i par lao *budget*. Ki mannyer sa in ganny aksepté.

Apre mon trwazyenm kestyon Mini si pou al lo nouvo *daycare* ki ou'n fek nonmen la. Mon ti a kontan konnen kote i pou sitye sa nouvo *daycare*, konbyen zanfan i pou pran.

E apre ki pou arive ek bann pti *daycare* ki zot, zot in fini etabli zot. Zot in enstal zot pou apre bokou lannen. Zot kote zot pou *stand* akote sa nouvo *daycare*? Mersi.

MR SPEAKER

Mersi Onorab. *Panel* lekel ki pou reponn silvouple? Minis.

MINISTER ROSE-MARIE HOAREAU

Mr Chair mersi. Mersi Onorab. Mwan mon pou koz zis en pti pe

lo sa dernyen kestyon ki ou'n demand *regarding* nouvo *daycare*. Mr Adeline i ava donn en pe apepre kote son lokasyon i pou ete.

Me selman mon kapab dir ou ki *by the time*. Mon pa konnen konbyen mwan pou pran pou fer sa nouvo *daycare*. Me menm ler in fini ganny fer mon pa vwar li, napa naryen ki anpes sa bann lezot dimoun ki deza pe fer zot *child minding*, ki deza annan tou zot *licence*, ki deza annan tou zot bann provizyon.

Mon pa vwar li i pou ou en kontradiksyon. Sakenn i kontinyen dan son travay e *daycare center* i ganny fer pou Perseverance.

Pou larestan mon ti mon ti a kontan kit avek *FC*, avek *DG* Volcere.

MR SPEAKER

Wi, lekel ki a komanse? Wi *FC*.

FINANCIAL CONTROLLER MARLENE VALENTIN

Mersi Onorab pou ou kestyon. Mon pou pran sa kestyon *regarding other allowances*. Parey ki Onorab Porice ti'n kestyonnen pli boner. En pe sa larzan dan sa *other allowances* i pou al pou sa bann aktivite ki ganny fer dan distrik.

Ladan i annan apepre 3 konponan prensipal. I annan bann aktivite dan distrik, i annan bann *allowance* ki nou pey dimoun ki ede avek aktivite distrik.

I annan provizyon pou bann *sports club* ki anrezistre avek distrik apre i annan osi pou bann aktivite ki ganny organize dan letan vakans pou bann zanfan. Mersi.

MR SPEAKER

Mersi. *DG*.

DIRECTOR GENERAL DANIEL ADELINE

Mersi Mr Chair. Bonzour tou Onorab. Bon pou Perseverance *daycare center*, apre mon vin lo sa *playground*. Son kapasite i pou 100 manrmay. 100 enkli pti baba ziska 3an edmi. Son lokasyon i pou vizavi, lot kote semen vizavi Kordgard Perseverance. Dan sa plas vid la, *ok*.

Lo kote *playground*. Sa *tender* ki ti fer lannen pase pou prepar sirfas pou met en *playground* lo la. Annefe en proze ki nou'n fer avek Lanbasad Sinwan. Nou ti pe prepar sirfas, apre bann lekipman *playground* ti ganny mete, in fini ganny mete.

Pou preparasyon sirfas ti en *tender* ki ti ganny fer, mon pe

dir sa an sa ki mon konnen, mon napa naryen an ekrir la. Me selman mon kapab rod plis lenformasyon pou ou.

Me sa *figure* 200mil keksoz ki ou'n dir, sa i pa ti en Bidze sa, i ti en *estimate*. Nou apel sa *inhouse estimate*. Vedir nou QS i ale, i fer en *estimate* e sa proze i ganny *tender out*. Kontrakter i soumet zot *tender* e sa *tender* i pas atraver 2 komite. *Internal Committee* avek komite kot *POU*. Ki zot ki selekte kontrakter dapre leksperyans e pri ki zot in donnen.

So, nou pa pou kapab pronons nou lekor pou dir *whether it was way above the estimate or it was around the estimate*. Me sa komite 3, 4 dimoun ki asize, zot ki deside si zot pou aksepte *tender* ouswa rezet bann *tender* e *retender*. Mersi.

MR SPEAKER

Mersi. Mon apel Onorab Cosgrow.

HON WALLACE COSGROW

Mersi Mr Chair. Bonn apre midi *panel* Minis. Minis i annan mon pe get *small district projects* i annan en rediksyon konsiderab dan kantite Bidze ki'n ganny *allocate* pou *small*

district projects sorti 26milyon pou ariv 13milyon.

E mon pe konpar osi larzan ki zot pe met dan renovasyon pou bann *Community Centres*. Minis eski zot pa krwar poudir priyorite la se pou bann pti proze ki tous ki *actually* tous dimoun dan nou kominote?

I annan en kantite bann pti proze ki reste *outstanding*, malgre nou'n fer en kantite, me i annan en kantite proze ki'n reste *outstanding*. Eski napa posibilite transfer en pe sa b annan larzan apre nou a met *Community Centres* met sa bann larzan dan bann *small district projects* kot dimoun i vremen, vremen bezwen?

Dezyenm kestyon konsernan bann *supervision of* bann pti proze dan distrik ki mekanizm zot annan pou *supervise* bann proze dan distrik?

Akoz souvandfwa i annan en kantite proze i ganny fer me solman standar sa bann proze i pa neserman sa nivo petet ki zabitan distrik ti ava anvi vwar pou zot proze? Mersi bokou Mr Chair.

MR SPEAKER

Mersi. Minis.

MINISTER ROSE-MARIE HOAREAU

Mersi Onorab pou ou kestasyon. Mon ti a voudre fransman dir ou mon ti a voudre pran plis larzan pou met dan proze *rather* ki fer reparasyon lo bann *Community Centres* ek bann biro distrik administrasyon.

Me malerezman mon bezwen met mon *staff*, mon pa met zot dan lopilans mon pe met zot *the basic* landrwa konvenab, pou zot kapab desarz zot travay.

Mon osi mon dezapwent ler mon'n vwar leta sa bann *buildings*. E mon demann mon e mon ankor pe demann mon lekor aköz zot in les ariv dan sa leta.

En keksoz ki ti a bezwen zis petet en *maintenance* lo en *aircorn* ler ou pa'n fer *maintenance* pou lan 2an *aircorn* i kase, i brile e i reste lanmenm. I ankor lo miray. So sa i zis en pti legzanp.

Me selman mon re asir ou ki avek sa fason travay ki nou pe fer sa nouvo fason travay nou'n met sa dan Bidze pou bann renovasyon distrik ek Sant Kominoter aköz sa bann sant i sa bann *building* i dan en sityasyon vreman deplorab.

Mon le met mon *staff* mon bann *DA* dan en sityasyon en pozisyon ki zot kapab donn zot

prodiktivite, aköz *there is nothing worst* ki ou leve bomaten ou pe al travay dan en landrwa kot *aircorn* pa marse, laport in kase, plafon pe tonm lo ou.

Me nou pou fer li avek en konsyans ki larzan napa bokou. Kot nou kapab fer *savings* e pous li dan proze si Finans i permet, nou a fer li me selman konnen mon asir ou ki nou pa pe fer lopilans nou pe zis fer *basic renovations*.

Sipervizyon bann poze bann pti proze dan distrik mon 100poursan deryer ou. Aköz sa ki mwan mon'n vin zwenn kot *Local Government* i pa ti lo nivo, i pa ti lo sa standar.

Alor avek sa nouvo tim avek sa nouvo fason fer keksoz nou pe met en *mechanism* an plas ki pou ou annan sipervizyon dan distrik, lo sa bann pti proze.

E en fason fer li osi nou pe gete ki mannyer nou kapab fer sa bann dimoun kot dan sak kominote li menm, *keep an eye* lo sa *project* ki pe ganny fer. E la nou'n konmans vizavi bann renovasyon distrik nou'n menm pran en nouvo fason fer keksoz kot mon'n dir bann *DAs* rod en kontrakter dan zot distrik, rod enn de nou a, fer *tender*.

Me selman annou sey fer sa kominote li menm li bouze,

fer sa dimoun vin fer sa renovasyon lo ou *building*. Olye nou pou al rod en dimoun Beau Vallon pou vin fer renovasyon annou dir Takamaka. Akoz nou pa rod en dimoun Takamaka pou vin fer sa travay.

Alor ler nou pe fer sa bann keksoz koumsa la nou pe *engage* sa kominote. E nou a bezwen *engage* sa bann vwazen osi otour pou dir zot tel kontrakter fin ganny en Kontra, pou vin fer sa semen zet en koudey, fer sir i vin toulezour.

Akoz ki mwan mon'n vwar dan *file* ler mon'n vin kot *Local Government*, proze i konmanse i ganny abandonnen personn pa konnen, personn pa pe gete.

Ou konnen ki kantite proze ki la bann vye proze ki'n abandonnen, ki mon'n zis ganny portre sorti kot dimoun pou dir mon tyek sa proze dan Anse Aux Pins. Tyek sa enn dan laba. Zis i la.

So mon toutafe dakor avek ou Onorab. ki nou bezwen annan en sistenm bokou pli meyer pou nou *monitor* sa bann proze dan distrik. Mon 100poursan deryer ou. Mersi.

MR SPEAKER

Mersi Minis. Mon apel Onorab Zialor.

HON NADDY ZIALOR

Mersi Mr Speaker. Mon pa'n lev mon lanmen me selman par lefe ki ou'n kriy mwan mon a zis demann en pti kestyon anriflan. Minis eski ...

MR SPEAKER

Wi Onorab.

HON NADDY ZIALOR

Avek ou permisyon. Eski bann program orizinal ti anba *Local Government* par egzanp ou ti annan *disabled support group* ou ti annan *elderly*, ou ti annan *neighbourhood activities*, eski i pe kontinyen, oubyen zot anvi kree bann nouvo lespas pou bann nouvo program dan sa letan modern ki nou ladan? Mersi.

MR SPEAKER

Mersi.

MINISTER ROSE-MARIE HOAREAU

Mersi Onorab. *Elderly, Disabled* ek *NRA* pe ganny transfer program pe ganny transfer anba *Ministry for Family Affairs, Youth, Sports* avek Minis Zialor.

Rezon ki i tonm byen anba sa Minister, me selman ki nou pou fer nou pe travay an kolaborasyon *Local Government* pou donn li nou bann *human resources* ki nou konnen i byen

formen dan sa bann domenn pou ed li pou li demar sa bann proze e la kot distrik osi i antre bann DAs i antre pou fer li vin en realite.

Alor sa bann sa ,3 konponan pou *definitely* reste e nou pou travay avek Minis Zialor e mon menm ek nou 2 Minister respektif, nou pou travay an kolaborasyon kot nou pou nou pe esanz e nou pou donn sipor kanmarad atraver resours imen. Mersi.

MR SPEAKER

Mersi, me ou annan en kantite kestyon Onorab.

HON NADDY ZIALOR

Adisyonnèl. Savedir tou bann resours an term finansyel ki ti anba ou Minister pe ganny transfer anba son Minister pou li kapab servi? Mersi.

MR SPEAKER

Mersi,

MINISTER ROSE-MARIE HOAREAU

Pa neserman, akoz i annan en fason ki nou kapab fer ki nu ki kontinyen pey sa *staff* menm akoz i pa pou laba toultan. Me selman i parey en *secondment*. Nou pe anvoy li laba pou donn en koudmen, me selman i reste lo nou *payroll*.

MR SPEAKER

Mersi Minis. Mon a pran Onorab Esparon.

HON REGINA ESPARON

Mersi Mr Chair. Mr Chair anba *PSIP* mon'n vwar i annan sa 173 milyon pou *small district projects*, apre i osi annan *small construction project first tranche on going* anba *India Grant*.

Mon ti a kontan konnen lekel bann distrik ki pou benefisye anba sa de alokasyon dan *PSIP sa Minis?*

Epi i annan *anyway* Onorab Zialor in pran mon kestyon, mon ti a osi kontan konnen mon vwar i annan R100 mil pou *day care* Glacis. E mon konnen Minis sa *daycare* depi avan ou vini, i a pe ganny konstri i a pe ganny aranze li.

Eski sa R120mil ki nou annan la i pou konplet li kapab ouver byento? Oubyen mon pa konnen sa bann senaryo ki pe arive ek sa *daycare*.

Minis nou rapel i ti annan en *Local Government* Polisi lannen pase, ki ti pe ganny travay lo la. Mon pa konnen si in ganny met a ou latansyon, Eski tou sa bann revizyon, sa bann sanzman e *rotation* ki'n ganny fer, in fer an akor sa Polisi ... ganny sans vwar? Mersi.

MR SPEAKER

Mersi Onorab.

MINISTER ROSE-MARIE HOAREAU

Mersi Onorab. Onorab ou kapab zis dir mon ou premye kestyon silvouple.

MR SPEAKER

En kestyon lo *small projects*.

HON REGINA ESPARON

Premye kestyon lo *PSIP* i annan 2 alokasyon la mon vwar *district small project* 73milyon epi i annan *small construction project first tranche India Grant* i 12 milyon 362 mil.

MR SPEAKER

Mersi Onorab.

HON REGINA ESPARON

Lekel bann distrik ki pou benefisye anba la? Mersi.

MINISTER ROSE-MARIE HOAREAU

Ok mersi Onorab. Ok mon pou reponn regardan mon pou reponn apropo *Daycare Centre Glacis e Local Government Policy* apre Mr Adeline i ava pran sa kestyon lo proze distrik.

Konman mon fek dir la *daycare Glacis* nou'n zwenn ek sa bann dimoun ki'n *apply* pou

manage sa bann *daycares* prosedir i an plas.

E *procurement* ek *tender* i konpleks i long son prosedir. Me nou pe ariv lo final. E alors sa byen to parey mon'n dir avan lafen Avril nou espekte ki sa *daycare* i pou an loperasyon.

E *Local Government Policy* i annan en *Local Government Policy* ki pa ankor ganny gazete ki pa ankor ganny *officialized*, akoz ti ganny prepare lannen pase ti ganny met devan *Cabinet* *previous* ladministrasyon avan, e zot pa'n *get round* pou zot *approve* li ouswa sanz li ouswa fer amelyorasyon.

Me i pa ankor ganny *tabled* devan *Cabinet* sa administrasyon. I ti deza la e nou, nou pe fer en pti pe plis travay lo la, nou pe regarde akoz nou bezwen met li anliny avek nou vizyon. avan nou *table* li *to the new Cabinet*.

Me selman i en *draft*, i la. e i pe ganny travay lo la. mersi. Mr Adeline.

DIRECTOR GENERAL PROJECT PLANNING AND MAINTENANCE MR. DANIEL ADELINÉ

Bon mersi Onorab. Pou sa *India Grant first tranche*, sa sonm ki ou pe trouve, korek mon *FC*. I enkli *Community*

Centre Cascade avek *Daycare Centre Ile Perseverance*. Sa 12 milyon.

Pou bann larestan proze nou pa ankor *Local Government* pa ankor finalize lalis.

MR SPEAKER

Wi Onorab, swiv.

DIRECTOR GENERAL DANIEL ADELINE

Non, non apre ti annan sa *Daycare Centre* si ti'n fini si pa ankor fini. *Daycare Centre Glacis* in fini, nou'n fini ganny *certificate* avek *Planning*.

E sa R100 mil ki ou vwar i *retention* ki reste pou nou pey sa kontrakter i reste pandan 6 mwan nou kit sa larzan ek nou pou nou verifye si i annan okenn *defects*.

Si apre 6 mwan savedir *by Novanm* sa lannen si i annan okenn *defects* kontrakter i al rektifye e nou pey li son balans ki i reste.

MR SPEAKER

Mersi, oule azoute Minis wi.

MINISTER ROSE-MARIE HOAREAU

Onorab mon ti a kontan osi *regarding Policy* fer konnen poudir i annan bokou keksoz dan sa Polisi sa *draft* Polisi ki'n

deza ganny fer. I annan bokou bon keksoz ladan.

Alor napa nou pa pou vin kas tou keksoz, nou pou byensir ranforsi lo bann keksoz ki byen ladan. E petet enn de pti amelyorasyon, me selman i en dokiman ki'n byen ki'n byen ganny fer *more or less*. Mersi.

MR SPEAKER

FC wi.

HON REGINA ESPARON

Mersi Mr Chair. En pti klarifikasyon Mr Chair. Eski Mr Adeline i kapab dir nou an total konbyen in koute pou sa *daycare* silvouple si ou annan Mr Adeline? Mersi.

MR SPEAKER

Mersi. Mr Adeline.

DIRECTOR GENERAL DANIEL ADELINE

Oule mon donn ou deswit Onorab oubyen mon a donn ou pli tar. En pti resers la.

MR SPEAKER

Mersi.

DIRECTOR GENERAL DANIEL ADELINE

Mon a donn ou pli tar.

MR SPEAKER

Wi ou kapab wi *DG* ou kapab zis rode *FC* ou ti annan keksoz pou azoute?

FINANCIAL CONTROLLER
MARLENE VALENTIN

Mersi Mr Speaker. zis pou mon klarifye avek Onorab Esparon poudir *PSIP small district projects* pou sa lannen i selman R13 milyon. Sa 73 milyon i pou sa 3 lannen *medium term*.

MR SPEAKER

Mersi. Onorab Arissol Sandy.

HON SANDY ARISSOL

Mersi Mr Chair. Bonn apre midi Minis avek ou delegasyon, bonn apre midi tou dimoun ki a lekout. Spesyalman bann zoli dimoun dan distrik Bel Ombre.

Mr Speaker mon ti a kontan dir ek Minis poudir Bel Ombre *MNA* i nouvo, nou'n ganny en nouvo *DA* e nou pe *lok forward* pou nou travay ansanm pou lentera nou distrik.

Nou ti a swete ti ma ganny en dimoun Bel Ombre me selman nou'n ganny sa enn ki mon ti a kontan dir ou mersi davans lo par dimoun Bel Ombre.

Mon kestyon ki mon ti a kontan demann Minis, se eski anba Bidze *Local Government* ki 124milyon eski i annan

lasistans ki nou donn bann dimoun aze par egzanp letan son miray in grennen pou movetan, oubyen in ariv en evantyalite kot son lakour ki ti annan lontan?

E si i anba sa Bidze i annan ki bann prosedir pou sa bann dimoun parske i annan Beau Belle i annan en madanm pe bat isi pe bat laba e i pa konnen ki pou fer.

Swa i ganny en larepons i fer son deboury lo li menm, oubyen i konnen poudir distrik i annan sa bann led e i kapab tap en laport? Sa mon premye kestyon.

Mon dezyenm kestyon mon ti a kontan demann Minis an relasyon avek Bidze pou koup pye dibwa dan distrik, eski anba Bidze ki nou pe vote pou *Local Government* i ankor annan sa Bidze R100mil ki ti egziste oparavan pou koup bann pye dibwa dan distrik? Mon aprann ki ti annan R100 mil ki ti vin dan bann distrik ki ti koup pye dibwa.

Eski i ankor annan sa Bidze ki bann prosedir nou bezwen anvoy kot Mr Adeline fer *file* monte laprouvasyon pye dibwa i ankor dan semen e naryen pa arive.

Minis don nou en pti leksplikasyon si i egzize, si pa

egziste pou nou kapab fer en lot deboury konman en distrik.

Mon dernyen kestyon mon ti a kontan demann Minis, an vi ki Bel Ombre nou annan en Sant Kominoter ki mon'n tann tou dimoun koz lo la Bel Ombre lo Sant Kominoter, i osi vye Mr Frichot i konnen nou'n vizite *in crack* kabinen pa kapab gete parey nou dir landrwa i ptipti i sere.

Mon ti a kontan demann Minis an vi ki ou'n koz lo limaz, standar avek prodiktivite bann DA, ki la i annan rotasyon avek bann lezot travayer dan distrik, eski Bel Ombre i enn bann distrik ki pou ganny en nouvo biro parey nou dir. Menm avek problem ekonomik pe fe fas, eski nou annan bann lezot laport Minis ki nou kapab tape an deor Bidze Gouvernman pou ki Bel Ombre i osi nou ganny en keksoz nouvo?

Nou pa demann *daycare* nou pa pe demann lezot keksoz be en landrwa *conducive*, bann travayer kapab fer rann en rannman kot distrik? Mersi bokou.

MR SPEAKER

Mersi.

MINISTER ROSE-MARIE HOAREAU

Mersi Onorab Mr Adeline i ava koz ek ou en pti pe lo Bidze pou *Centre Community Centre*.

Prosedir pou ed bann dimoun ki dan bezwen i toultan la, konmsi *the health* i toultan la. me selman nou dan sa nouvo administrasyon nou pe pran en lapros kot dimoun i ganny ed lo merit.

Nou pa kapab zis depans larzan, san gete si sa dimoun ti kapab fer sa louvraz li menm.

E vwala kot prezan nou vwar nou, nou kwense pou ed bann ki vreman bezwen. Akoz en kantite *mismanagement of funds* partou, partou in ganny fer sa Minister.

Alor mwan mon kapab reasir ou ki baze lo merit baze lo sityasyon sa dimoun definitivman *Local Government* i la pou ede.

Cutting of trees ankor enn fwa nou pou ede kot bann dimoun vwar zot vreman pa kapab.

Ankor enn fwa i vin lo merit. I pa vin lo *who you know*. I vin lo ou sityasyon finansyel nou bezwen la pou siport nou bann dimoun dan distrik.

Definitivman dan *centre* Bel Ombre mon'n vwar portre mon osi. E mon'n vwar li ki vre son limaz i pa tro byen, me selman Mr Adeline i a re

konfirman ki nou plan lo la. mersi Onorab.

MR SPEAKER

DG.

DIRECTOR GENERAL DANIEL ADELINE

Mersi Onorab. Dan *PSIP* ou pou vwar i annan *construction of Bel Ombre DAs Office* pou sa lannen, i annan R2 milyon pou konmans avek.

So wi i annan en nouvo *DAs Office* ki nou pou fer pou Bel Ombre. Konmansman *well* i pa pou premye lanmwatye probableman dan dezyenm lanmwatye lannen akoz nou ankor *still* lo preparasyon *design* ensidswit.

So nou pou ganny kontak e ou, ou pou pas lo la ou [ou gete *DA* ensidswit pou vwar son *design* final finalman pou nou kapab ganny *planning approval* e pou konmanse, *ok*.

MR SPEAKER

Mersi Onorab Gabriel.

HON CONRAD GABRIEL

Mersi Mr Chair. Welcome Minis ek ou delegasyon. Minis premyerman lo kote Pointe Larue i en keksoz ki preokip bokou zabitan.

I annan sa *Agro Industry*, *alright* in fer en pe sikse dan

lepase. In kree bokou lenvestisman, bokou keksoz in ganny prodwir la. Ti en *manufacturing* en landrwa *manufacturing*. In donn bokou travay zabitan Pointe Larue e osi Seselwa an zeneral partou lo Mahé Sesel.

Mon ti a kontan zis konnen Minis ki plan Gouvernman sa landrwa la? Sa i enn.

Dezyenmman nou annan proze *pavement* sorti kot Raymond Gill ki pou tous kot *UCPS*.

Bokou zanfan lekol, bokou adilt tou dimoun i servi sa landrwa, i en pe plat la, i en gran *stretch of road*, i vreman danzere, sirtou lekol pe konmanse la. mon ti a kontan demann ou Minis ki pozisyon in arive sa proze *pavement*? Sa i dezyenm.

E si mon'n fer byen mon kalkil Pointe Larue nou annan apepre 358 mil pou nou distrik. I partaz partaze i annan 272 mil dan *office expenses, transport travel cost* 19 mil. *Maintenance repairs* 5 mil. E finalman anba 'other goods and services' sa *heading other allowances* i annan 63 mil.

Zis mon ti a kontan petet en pe leklersisman lo sa 63 mil, kisisa ki *entail* ladan *exactly*? Mersi.

MR SPEAKER

Mersi.

MINISTER ROSE-MARIE HOAREAU

Mersi Onorab. ou premye de kestyon *regarding Agro Industry* avek *pavements*, sa mon pou bezwen refer avek sa bann Minister konsernen mon ava koz avek *the Ministry of concern* pou *industries*. Pou regarde en pti pe ki lavenir sa batiman. E sa *area* la.

E *regarding pavement* mon ava koz avek *Minister Derjaques* aköz mon krwar petet sa i tonm anba son Minister.

Me si nou *Local Government* nou annan en bout en rol pou zwen ladan, byensir nou ava travay an konzwent avek son Minister pou Mr Derjaques ki nou kapab *Land Transport* ki nou a kapab travay ansanm.

E nou pa ti a voudre ki nou bann zanfan, nou ti a voudre ki nou bann zanfan i annan en landrwa *safe* pou marse, me selman sa mon pa kapab pronons mon plis ki sa lo la. les mon pran sa avek sa bann de lezot Minis.

E pou trwazyenm kestyon mon a les *FC* reponn silvouple.

MR SPEAKER

Mersi *FC*.

FINANCIAL CONTROLLER MARLENE VALENTIN

Mersi Onorab pou ou kestyon. Parey mon tin dir pli boner avek Onorab Perseverance. Anba tou distrik zot pou vwar sa *other allowances*, me solman son sonm i riske varye aköz parey mon ti'n dir pli boner i annan 3 konponan enportan ladan.

I annan aktivite ki ganny organize dan vakans pou bann zanfan, i annan alimanter bann dimoun ki ede pou devlop bann zanfan dan distrik apre i osi pou bann *sport club* ki anrezistre avek distrik.

MR SPEAKER

Wi Onorab Gabriel. Ou ti le eklersi?

HON CONRAD GABRIEL

Yes so sa size sport *FC* petet mon ti a kontan konnen petet partaz sa? Aköz i annan li en pe lekip sport Pointe Larue, so donn nou en pti pe plis detay lo la silvouple, si ou annan.

MR SPEAKER

FC.

FINANCIAL CONTROLLER MARLENE VALENTIN

Mersi Onorab pou ou kestyon. Pou sak distrik sa sonm i varye akoz i depan lo kantite distrik lo lakantite tim ki anrezistre avek distrik.

Provizyon ki nou'n fer pou lannen 2021 nou'n baz li lo *submission* ki nou ti gannyen an 2020. So nou espekte i riske sanze sa lannen. I depan lo konbyen tim ki anrezistre par distrik. Mersi.

MR SPEAKER

Mersi *FC*. Onorab Woodcock.

HON WAVEL WOODCOCK

Mersi Mr Speaker. Bonn apre midi *panel*. Mon kestyon i kot i konsern mon vwar en logmantasyon dan anba *consolidated estimate* kot i konsern *wages and salaries*.

I annan en logmantasyon *wages and salaries* 26 milyon 756 pou vin 29 milyon 960 mil.

Eski Minis i kapab dir nou an vi sa logmantasyon ki mon pe vwar la, eski i annan bann i pe anpoy bann nouvo *staff*? *V*

Zisteman i annan en bann politik bonmarse konsernan bann *recruitment* pou fer resaman kekfwa ou kapab annan en pe detay lo la.

Mon dezyenm kestyon i konsern *India Grant*. Mon konnen ki Gouvernman *L'Inde* pou plis ki en repriz a plis ki en

repriz zot in donn en sonm R35 milyon pou bann *high* R35 milyon pou bann *high impact community project*.

Mon kestyon eski ou Gouvernman gin vreman servi sa larzan parey i devret? E osi kot i konsern sa bann *community project* pa neserman sa *India Grant*.

E Gouvernman i annan en Polisi li Gouvernman Lokal i annan en Polisi kot bann larzan i met servi kot i pou benefisyen en kominote.

Eski nou annan bann labi kot nou vwar larzan in ganny servi pou benefis enn de endividi olye swiv Polisi pou ki en kominote an zeneral i benefisyen?

Mon lot kestyon i konsern *daycares*. Dan *major achievements* ou'n dir i annan 4 *daycare* ki zot in fer, me selman ki nou vwar in fer en bon pe letan, avan ler ki sa bann *interest* in ganny met dan Nasyon in tarde pou sa bann *daycare allocate* avek bann zabitan nou distrik. Akoz sa bann retar, ki pe arive ki'n pran tou sa bann letan pou sa bann *daycare allocate* avek bann dimoun ki pe espere pou lwe sa bann *daycare*? Mersi.

MR SPEAKER

Mersi Onorab.

MINISTER ROSE-MARIE HOAREAU

Mersi Mr Chair. Mersi Onorab pou ou bann kestyon. Mon a pran *India Grant partly* mon a les Mr Adeline si i annan okenn keksoz siplemanter pou li azoute, apre mon a pran *daycares*.

Now India grant wi i annan en Bidze 35 milyon ki *India* i donnen, pa zis pou *Local Government* me pou pei. En mon ti annan en avek lekip mon ti annan en meeting avek Mr Malbrook ki *desk officer* kot *Foreign Affairs* pou zisteman pou *India Grant*.

In fer mwan konpran ki ziska prezan pei an zeneral so *far* in kapab servi zis apepre 28 milyon. E i dir toultan ler zot fer *meeting* avek avan avek *previous* administrasyon ti annan bokou *meeting* ki ti ganny fer, ti annan bokou lantouzyazm, ti annan bokou pasyon pou wi nou pou servi nou pou fer.

Me *somewhere* sa lentere i tonbe mon pa konnen pou ki rezon petet bann mon pa konnen mon pa kapab koz lo lepase, me selman se sa lenpresyon ki in donn mon, alor mwan mon'n fer li konpran poudir lefe ki nou, nou Bidze in redwir konsiderableman e lefe i

India Grant i la pou ed la kominote nou pou vin tap son laport byento pou nou kapab ek nou bann proze byen plase avek tou zistifikasyon pou nou kapab maksimiz *the use of* sa *India Grant*.

India Grant wi i en ou bezwen fer li pou lakominote, se sa enn son bann kondisyon. I bann keksoz ou bezwen fer bann proze ki *high impact* kominote an zeneral.

Wi dan lepase mon'n vwar dan bann *files* bann serten labi, detrwa mon'n kapab anpese detrwa mon'n kapab koupe arete. E *and we move on*. Selman mwan mon pa tro anvi koz keksoz ki mon pa ti la. Mon pe koz sa ki mon vwar dan *file* ki'n *overlap* lo mwan.

E nou annan en prosedir an plas ki nou pe kontrole sa bann zafer prezan.

Daycare Centres wi ler mon ti vin dan Minister an Novanm *late October early November*, enn bann kestyon ki mon ti demande akoz sa bann *daycares* pa ankor ouver, e mon ti ganny la eksplike konpleksite, prosedir *procurement*, ti annan en *because* ler sa bann *daycares* i ganny *tender* i ganny *tender* lo en lo 4 *daycares*.

I pa ganny *tender* endividelman. Prezan ti

annan en *appeal* lo en *daycare* ki'n met retar tou le 4 *daycares*. So sa enn bann leksplikasyon ki mon kapab donn ou enn bann lesplikasyon ki mon kapab enn bann rezon aköz ti annan sa retar.

Me i annan bokou keksoz ki nou pa pou al an detay la. me selman i annan bann prosedir en pe konplike ki ou bezwen sirmonte pou nou ariv kot nou'n arive la. Mersi Onorab.

MR SPEAKER

DG.

DIRECTOR GENERAL DANIEL ADELINÉ

Mersi Onorab. Spesifikman ou'n dir ou'n demann *whether* bann proze anba *India Grant*, sa kestyon ki si i servi son *purpose*?

MR SPEAKER

Ale klarifye Onorab.

HON WAVEL WOODCOCK

Annefe Mr Speaker Minis in reponn mon kestyon lo *India Grant*.

Mon lot kestyon ki mon'n demande konsern saler *wages and salaries*. E permet mon zis mon a fer en sel *follow-up* avek sa, zis Minis i kapab dir nou aköz i annan bann *requitement*

ki ou'n fer la resaman. Mon ti pe demande si saler pe *cater* pou sa bann sa *recruitment* ki ou'n fer.

Apré mon ti pe dir i annan enn de bann politik bonmarse lo bann *recruitment* ki ou'n fer kekfwa ou kapab donn en pe detay lo la.

Apré konsernan *follow-up* lo *daycare* kan eski nou pe espekte ki *daycare* Grand Anse Praslin i ganny *allocate* avek en dimoun? Mersi.

MINISTER ROSE-MARIE HOAREAU

Mersi Onorab. *Ok FC* i a donn ou en pe plis detay lo bann zafer finans *salaries and wages* eksetera.

Me mwan mon kapab dir ou enn bann rezon kle ki i annan sa gro konponan dan Bidze pou *salaries* set aköz ti annan en kantite pozisyon dan distrik. Ti annan en kantite *office managers and DA well* pa bokou *Das*, me *office managers* sirtou ki ti *vacant* e Bidze ti'n ganny *freeze* lannen pase, pou en rezon ou en lot mon pa kapab dir ou aköz.

Me la nou, nou *advertise* tousala, nou pe *recruit* aköz si nou le met lenportans dan distrik i enportan ki nou annan en lekip solid.

Alor sa bann pozisyon ki'n large parey nou dir, alor nou'n *advertise* e la zisteman nou pe fer *recruitment* nou'n fini *advertise* pou annan en *interview process* petet *the next week*.

E pou mwan dir osi ki vandredi mwan ek mon lekip nou pe al Praslin pou al fer *interview for the new DA* pou Grand Anse e osi pou *office manager*. Nou fer tou le de enn fwa sel *trip* fer tou le de pou nou kapab retournen.

E alors sa rezon akoz ou vwar sa *increase* dan *salary and wages*. Apre ki lot bout kestyon?

MR SPEAKER

I lo *salaries wages and salaries* ou'n fini.

MINISTER ROSE-MARIE HOAREAU

Osi *daycare* Grand Anse nou'n fer *actually* nou ti'n *interview* sa madanm ki enterese pou *run* sa *daycare*, sa aplikan.

Nou ti *interview* lo *zoom*. Akoz pou li pa bezwen pey en pasaz pou vin Mahé.

E nou ti byen enpresyonnen avek li. I enn bann aplikan. Mersi.

MR SPEAKER

Mersi. *FC* napa naryen pou azoute la?

FINANCIAL CONTROLLER MARLENE VALENTIN

Mon krwar Minis in fini eklersi tou sa ki ti annan pou dir lo kote saler. Mersi.

MR SPEAKER

Mersi i bon. Onorab William.

HON WAVEN WILLIAM

Mersi Mr Chairman. Bonn apre midi avek ou lekip. Minis mon pe get manda *Local Government* e ladan i annan detrwa mo ki frap mwan sa se sa mo latransparans, bonn governans avek *accountability*.

Mwan mon anvi demann ou lefe ki ou en nouvo Minis ou al pran labar dan sa Minister, mon anvi konnen kwa de nouvo ki ou pou anmennen e kwa ki ou'n zwenn?

Akoz a mon *avis* mon santi poudir lo kote bonn governans, latransparans avek *accountability* ti annan en pe problem. sa i mon premye kestyon.

Dezyenm kestyon se ki mon anvi konnen lo proze konsernan *India Grant*, i annan sa proze *Souvenir La Misère* sa laplenn la.

E an relasyon avek bann lezot proze ki'n ganny

enplimante dan distrik, ti annan en bann problemm avek. E la i annan en *stop notice* in ganny *issued* lo sa proze laplenn *Souvenir La Misère*.

Me selman louvraz in konmanse avan Eleksyon, la nou pe aprann i annan en *stop notice* aköz i annan plizyer problemm ki bann *expert* zot in dekouver.

So mwan mon problemm se ki sa bann dimoun ki i la oparavan *project* zot pa ti vwar poudir i annan problemm, e i larzan piblik. Likel konmsi ki pou *account for* sa bann larzan ki'n ganny peye?

Mon pwen final se ki mon vwar poudir dan zot bann latap performans, nou pa vreman vwar egzaktaman ki zot pe mezire, so eski ou lentansyon dan lavenir pou amelyor en pti pe pou nou konman Lasanble, pou nou kapab mezire egzaktaman kwa ki pe arive vizavi bann target ki zot anvi zwenn? Mersi.

MR SPEAKER

Mersi.

MINISTER ROSE-MARIE HOAREAU

Mersi Onorab. Premye kestyon lo latransparans, bonn gouvrenans *accountability*, wi ler mon'n vin kot Minister

mon'n rankontre serten *issues* lo sa bann pwen ki nou'n fek koz lo la.

Avek mon leksperyans *manage* lakonpanyen, avek ansanm avek *FC* ansanm avek lezot dimoun *management* dan Minister, nou'n asize ansanm e nou'n revwar serten prosedir. Pou fer sir ki bann keksoz ki ti arive dan lepase pa ariv ankor.

Alor avek sa osi i vin en serten *training* ki nou'n deza konmanse avek bann *DAs* ek la apre *next step* pou kot sekretarya, *FC* li menm in fer bann sesyon lo finans ki mannyer pou fer zot rapor, ki mannyer pou fer sir ler zot dir en keksoz i vreman sa keksoz resi i byen, rod bann resi ki annord fer sir zot fer zot *follow-up*.

Apre en keksoz ki mon vwar i manke, ki ti permet pou petet bann *over charging* se *post-mortem* ti napa vreman, par egzanp nou dir nou pou fern en fonksyon i annan 45 manrmay pe vini, apre kantmenm 20 zanfan i *turn up* nou pa pe vwar sa pe reflekte dan rapor.

Konmsi depans i vin konpran i vin parey previ. Pa tou me selman i annan serten *DAs* ki fer sa tre byen. I annan serten *DAs* ki'n bezwen ganny *training* en pe led lo konman

pou fer sa pli byen, ki zot louvraz i mars pli byen, e zot *reporting* pou finans i a pli byen.

Mwan mon responsabilite se met sistenm an plas avek konsiltasyon, pou anpes sa bann keksoz ki'n arive dan lepase ariv la. kantmenm nou pa pou kapab anpes li 100poursan, me omwen nou a minimiz li o maksimonm.

India Grant Souvenir sa mon konn sa zistwar Mr Adeline i ava eksplik ou.

Performance and targets, vwala kot zot bann Onorab ek bann DAs zot bezwen konmans mwan mon fer li lot fason, bann Onorab ek bann DAs dan distrik asize, regarde kwa ki zot distrik i bezwen, *and* avek sa i a vin *part* dan nou *targets*.

Nou pa pou kab asiz nou Minister kot sekretarya decide ki pou fer dan distrik pou zot. Zot, zot bezwen pran sa responsabilite koze avek zot bann DA table zot bann keksoz ki zot, zot vwar i priyorite.

Prezan nou, nou ava enkorpor sa dan nou *target* sekretarya. Se sa mon vizyon konman nou kapab fer keksoz mars pli byen. Mon a les Mr Adeline prezan.

MR SPEAKER

Wi DG.

DIRECTOR GENERAL DANIEL ADELINE

Mersi Onorab. laplenn *Souvenir La Misère*. Bon wi mon osi mon'n ganny sa *stop notice*, Vandredi swar. Normalman anefe nou pa devret pe diskite sa proze la, me selman zis pou klarifye sityasyon apre nou re ganny kontak avek ou pou vwar bann deroulman ki pou arive pli tar.

Me normalman en *stop notice*, dan detrwa en *entity* ki kapab donn en *stop notice*, *Planning Authority*. I donn ou en *legal document* i dir ou arete pou tel, tel rezon *ok?* *Stop notice* osi i kapab donner par Lakour e en endividi pou *encroachment* later i kapab osi donn ou en *stop notice* pou arete ziska *further order*.

Me ler en *stop notice sorti* kot en zofisye dan en lot *entity* normalman i pa devret en *stop notice*, me en senp *meeting* ki ganny fer pou vwar *the way forward*, konpran?

So nou sa laplenn *Souvenir* zis pou ou lenformasyon, in ganny parey en i pa en laplenn kot nou pe zwe bann zwe Nasyonal ouswa enternasyonal me en laplenn kot manrmay i tap boul.

Me sa laplenn si an 2019 ti en laplenn deplorab. Ou konnen ou menm ti *flood* menm

ri napa lapli en *water log area* kot i plen zot in konble li avek *coralfil*, sa bann koray in fini sorti deor manrmay i plis zenou eksetera letan pe zwen boul, pa ti kapab zwe boul lo sa laplenn.

So i annan serten reparasyon ki'n ganny fer lo konmansman pou tir delo, apre ler nou'n vwar *India Grant* nou'n fer en louvraz en pe pli konpreansiv lo la *ok?*

E la sa proze i ankour, *well* ankour vedir *in progress*. E nou espekte konplete *by the end of April*.

Me ankour *NSC* ki pou asiste nou pou rektifye serten keksoz ki zot krwar ki ti devret annan dan sa laplenn. Me nou pa pe fer en laplenn parey nou spesifye dan sa *stop notice* lo standar *FIFA*.

MR SPEAKER

Wi Onorab ki klarifikasyon?

HON WAVEN WILLIAM

Mr Chairman de pti klarifikasyon. Mon dir avek Mr Adeline, me sa laplenn la zot ki'n donn nou, sa laplenn kot bann zenn i plis zenou lo la, pa distrik ki'n fer, Gouvernman Lokal ki'n donn nou.

So bann zenn La Misère mon krwar i drwa en larepons, aköz nou'n konmans e epi sak eleksyon i vini 2 eleksyon

konmanse nou fer konmsi nou konmanse nou vwar i pe arete.

Minis i annan de keksoz la, ou nonm *DSAC* avek *district team*.

Mwan mon anvi ganny ou garanti poudir dan lavenir *MNA* pa pou ganny dir poudir i pa pou kapab vin asiste sa bann *meeting* ouswa, permisyon i bezwen ganny demande avek *PS* si *MNA* pou kapab vin asiste sa bann *meeting*. Dan sa lespri travay ansanm.

Akoz Prezidan in dir i pe donn bann Manm Lasanble en rol preminan dan distrik travay ansanm avek Gouvernman Lokal.

So mon anvi ou garanti poudir sa bann keksoz pa pou arive.

Epi dernyerman ti annan en bann servis esansyel ti pe ganny donneren atraver Ladministrasyon Distrik, par egzanzp servis *housing* later ensidswit.

Lekel sa bann servi pou kontinyen ganny mentenir? Aköz pou mon i enportan aköz i fasilite lavi nou bann dimoun, me ki nou'n vwar dan lepase in annan en bann zistwar ki'n ganny sante par bann *DAs* avek bann dimoun ki vin rod sa bann lasistans.

So mwan mon anvi ganny en garanti poudir *cette* fwasi la

anba nouvo gouvènan, nou pa pe ganny repetisyon sa bann menm lapros ki nou'n ganyen dan lefase, ki'n fer nou lavi en matir? Mersi.

MR SPEAKER

Mersi. Minis ou a adrese.

MINISTER ROSE-MARIE HOAREAU

Mersi Onorab. Mwan mon pa pe vwar okenn rezon akoz en *MNA* pa annan drwa pa pou kapab partisip dan en *meeting* ki pe ganny fer *either by district team or DSAC*.

Pou la senp rezon i zot distrik. Alor o kontrè mon krwar i nesèser ki ou annan en *input*. Tou dimoun otour sa latab dan Lasanble i bezwen annan en *input* ki zot pe pase dan son distrik.

Alor pou mon sa anba nouvo administrasyon mon pa pe vwar li i en problem.

*R*egarding *housing* eksetera, *feedback* ki mwan mon'n ganyen avek piblik, e sa i pa nesèserman fer lo bann *DA*.

I dir ou koumsa ou ganny en kantite dimoun ki ler depi ler mon la kot Minister ou vwar mon'n fer aplikasyon *housing* mon *DA* pa'n anvoy mon pape anvil, en bann zafer.

Prezan zis sa bann *DA* i ganny blanmen zot. Prezan

mwan ki mon'n nou'n mon'n koze avek mon tim *management* e nou'n vwar poudir i annan en fason fer li ki *DA* i *still* en dimoun kle da sa bann fonksyon, ki labank ki pe rod *proof of address* ki *HFC* pe rod *proof of address*, ki *housing* pe rod en lenformasyon *DA* i annan en rol kle pou zwe.

Me selman pou evit sa zafer *DA* ki responsab si dimoun pa ganny *loan* eksetera *the way forward is this* ki *DA* i la konman en fasilite.

E i pa nesèser ki ler en dimoun in fini fer son aplikasyon *DA* in fini met son *approval* poudir, wi sa dimoun i reste dan distrik eksetera, ki prezan sa let i desann kot *PS Local Government* pou ganny en stanp *Local Government* lo la.

Sa pti bout dernyen la mon pa pe vwar li nesèser. Mon pa konpran ki mannyer i tonm *part* dan sa formalite. Akoz sa *DA* li in fini dir wi sa dimoun i reste dan distrik.

So sa bout la nou pe sey koz lo la pou nou me an menm tan nou'n dir avek bann *DAs* poudir zot annan en responsabilite fasilite.

Ed sa dimoun kot zot kapab. Si zot bezwen donn en koudmen pou ranpli form, donn en koudmen pou ranpli form. Si zot bezwen fer en *phone call*

kot en lazans ki petet sa dimoun pa konn sa nimero er sa *phone call*, les sa dimoun koz ek sa dimoun konsernen.

So DA i enportan zot rol fasiliter. E koumsa sa dimoun i a konnen e nou'n fer *meeting* avek HFC pou nou konn *the way forward* lo la.

Mon'n koz avek en dimoun byen kle dan seksyon banker, mon'n fer li konpran poudir ler en dimoun i vin rod son *loan* tou bann formalite ki bezwen ganny fer, fer labank fer. Prezan ler i ariv kot distrik DA li son rol se sertifye pou dir e i sa dimoun i reste dan mon distrik.

Akoz *otherwise* ki ou vwar ou vwar bann DA pe pas zot letan zis ranpli form.

E sa i demotiv zot, zot dir mwan Minis, nou fatigue ranpli form. Alor mon'n koz ek sa bann land rwa konsernen mon dir be zot ranpli zot form, fer zot formalite fer sinyen. Prezan nou dan distrik DA i ava poudir wi sa dimoun i reste dan sa distrik. E nou'n fini zve nou bout dan sityasyon koumsa.

MR SPEAKER

Mersi Minis. Onorab Audrey Vidot.

HON AUDREY VIDOT

Mersi Mr Chair. Mr Chair mon kestyon pou *panel* i swivan,

eski dan sa Bidze Gouvernman Lokal in fer provizyon pou servi medya pou enform piblik lo bann reform ki Minister pe koz lo la lo nouvo fason travay Gouvernman Lokal?

E bann nouvo responsabilite fonksyon nou bann Administrasyon Distrik, e kan ki Minister pou vin lo medya pou fer pou donn sa lendikasyon pou piblik a zis konnen petet ki bann nouvo rol?

Dezyenm premyerman avan mon demann mon kestyon permet mwan pou mon dir mersi e *welcome* nouvo DA pou Roche Caiman ki Mrs Bernadette Rosalie, nou pe *look forward* pou nou travay ansanm pou benefis Roche Caiman.

E an menm tan mon a profite pou mon dir mersi Mr Wilbert Omath ki osi in donn son kontribisyon lepase avek distrik.

Parmi sa bann reform i annan rotasyon parey mon'n felisit nouvo DA pou bann distrik. Pou lenformasyon piblik eski Minis i kapab eksplik nou zeneralman kwa ki'n pous nouvo ladministrasyon pou al dan sa direksyon?

E eski sa rotasyon i pou kour term ou long term si zot

annan en *timeframe* ki zot pou fer? Nou pe demann sa bann kestyon akoz pou regard en pti pe pou anpese ki piblik i annan fristrasyon petet letan zot vin *follow-up* zot *case*, zot dir be mon ti'n deza dir sa enn *DA* la in sanz ankor, petet lo la.

E trwazyenmman mon trwazyenm kestyon eski petet lo kote Mr Adeline pou proze i kapab dir nou si i annan kontrakter ki fer serten travay pou Gouvernman Lokal *be it* depi 2019 a 2020 ki zot pe espekte ganny peye anba sa Bidze ki zot pa ankor ganny peye kwa ki'n koz sa retar?

E osi eski Minis i kapab dir nou, nou konpran wi sa Bidze i pa bokou pou bann pti proze. Par egzantp mon get mon distrik Roche Caiman i pa neserman bann proze ki pou parey bann lezot distrik.

Eski zot bann proze ki ti deza annan komikman avek bann zabitan pou donn zot benefis bann group dimoun, pou kapab ganny enplimante avek sa resours oubyen si non-zot pou finaliz li par faz petet sa ki pa pou ganny fer sa lannen pou rezon bidzeter i pou kontinyen petet lannen prosen? si Minis ti kapab eklersi nou lo la? Mersi.

MR SPEAKER

Mersi Onorab.

MINISTER ROSE-MARIE HOAREAU

Mersi Onorab pou ou kestyon. *Rotation* sa bann *DAs* in ganny i en keksoz dan okenn lorganizasyon ki *successful* i annan tanzantan en *change*. Ou bezwen fer sa *change* pou sanz ki i donn sa *DA* li menm i donn sa dimoun li menm en nouvo loportinite.

I donn nou en nouvo *challenge* i fer li get keksoz dan en diferan perspektiv dan en lot distrik.

Akoz pou li menm li konman en endividyel toulezour menm zafer, menm zafer menm zafer, so la nou'n ganny en loportinite pou nou fer en sanzman. Bouz sa dimoun dan bann distrik diferan distrik ki zot ti abitye.

E mon kapab reasir ou avan nou ti fer sa ti annan en *meeting* avek bann *DAs* kot mon menm mon *personally* mon ti *run* sa *meeting* sa *workshop*, sa prezantasyon, mon ti eksplik zot bokou lo *the importance of change*, lenportans sanzman, lenportans sanzman dan ,ou karyer akoz sa i ouver ou lizye dan en lot fason.

E i donn ou nouvo loportinite, i ed ou dan ou *self-*

development, i annan en kantite benefis ki i anmennen.

Enou pa'n fer li m dan en fason brit, nou'n asize ansanm avek *HR* avek *DG Committee Affairs*, nou'n regarde ki manner nou pou fer sa sanzman san fer tro diferans dan zot lavi personnel osi sa bann *Das*. Sa osi in ganny pran an konsiderasyon.

E mon byen *happy* pou dir ou ki bann *DAs* in pran sa d an en fason byen pozitiv. E la zisteman avan mon vin la mon'n ganny en lalis keksoz ki devret ganny 5fer dan en *building* en *District Administration building*. Ki sa nouvo *DA* pe sizere, akoz petet sa enn ki ti la avan in abitye viv ek son *aircorn* kase. In abitye viv ek son *ceiling* ki pe tonbe, petet in demann plizyer fwa pa'n zanmen ganny fer, in *give up*.

Me la sa enn nouvo i antre prezan i pe fer nou konpran poudir sa pa laoter.

So i anmenn en kantite benefis pou Minister e pou sa dimoun osi dan son *personal development*

Koz ek medya wi. Nou annan lentansyon. *Again* nou'n koze nou'n diskite lo la nou pou koze ek medya, nou pou fer bann program *educational* ou

kapab dir lo mouvman dan bann distrik.

Me selman nou bezwen met nou lakaz annord avan. Ler nou lakaz i annord ler tou keksoz in tonm an plas la prezan nou a kapab al lo medya pou nou koz byen fyerman ki manner keksoz i ete dan *Local Government*.

Pou lemoman la nou pe servi sa peryod *COVID* konman en peryod pou nou fer nou fondasyon, ranforsi sa ki bon rektifye bann ki feb, bann pwen feb e en fason ki ler nou ava al lo medya nou ava annan en keksoz pou nou dir. Mersi. Mon ava les peyman kontrakter avek *DG Adeline*. Mersi.

MR SPEAKER

Wi *DG*.

DIRECTOR GENERAL DANIEL ADELINE

Bon mersi *MNA*. Pou peyman kontrakter si i annan okenn kontrakter Roche Caiman ki i annan *outstanding* peyman ek nou.

Si okenn dimoun i krwar nou i annan en peyman pou ki nou pa ankor fer avek nou pa ankor fer i apros mon biro e nou swiv pou vwar kwa ki kalite proze kan i ti fer e konbyen zot dwa li.

Wi nou bezwen annan si in pas atraver sistenm nou sistenm *ok* laprouvasyon konklizyon *certification* dan sa ka nou bezwen dwa li. *Unless* i *otherwise*.

Sanmenm sa ki mon dir okenn dimoun ki nou drwa i annan *invoice outstanding* i krwar nou pa ankor peye i lyez ek mon biro.

HON AUDREY VIDOT

Mr Adeline si deza annan kot zot la depi 2019 ek boner 2020, konmsi kwa ki pe fer Minis ki'n fer Minister tarde petet pou zot pey sa bann dimoun aköz i pe kontinyen akimile la. Konpran? Bann dimoun bezwen zot peyman, kwa ki pe fer met retar?

E kan ki zot espekte ki Gouvernman Lokal zot *clear off* sa bann *outstanding*? Sa i enn.

Aprè zis pou mon terminen Mr Chair, mon ti a kontan si *at least* omwen bann distrik ki'n ganny elekte si nou kapab ganny lalis atraver *the end of the week* bann proze, ki zot pou espekte fer sa lannen avek sa Bidze? *Thank you*.

MINISTER ROSE-MARIE HOAREAU

Mersi Onorab. apropo peyman. Mwan mon'n vin zwenn peyman ki *outstanding* depi 2017 i

annan en *file actually* in konman depi 2006.

Alor i pa vèdir ki sa peyman i *outstanding* depi 2006 sa *file* in konmans depi 2006 e alor pou dir ou fransman i annan en kantite peyman ki pe petet in pri kek par ki *COVID*, ki keksoz in *lockdown and* dan konmansman, ki *Budget* in *freeze*, ki eleksyon in fer, Finans in aret peye.

Me i annan en kantite rezon aköz sa bann keksoz in arive. I pa neserman pou en rezon aköz nou pa le pey sa kontrakter non. I annan diferan keksoz ki petet in arive aköz sa bann peyman i *outstanding*.

Me selman sa bann dimoun zot konnen i annan en nouvo administrasyon ... Si zot keksoz in ganny met retar nou'n zwenn deza sa nou'n fer nou 3 nou'n fer detrwa peyman ki ti *outstanding* depi avan eleksyon.

Aküz sa bann keksoz in vin lo nou latansyon, nou'n rankontre ek sa bann dimoun, nou'n agree e peyman in ganny fer.

I annan bann ki'n be zwen anmenn zot *invoice*, aköz i ti en pe egzazere, zot menm zot, zot in v war. E i annan bann ki nou'n pey zot *according* ki zot it

demande. Alor i annan sa kominikasyon.

Alor la nou pe lans en lapel avek sa bann dimoun olye konmsi zis plennyen, vin devan vin kot Minister i annan en nouvo ladministrasyon e menm zot kapab anvoy en *email*, kot DG Adeline kopi mon si fodre.

Aprè nou a *move forward* ek sa bann peyman. E nou a bezwen *call* zot pou dir zot aköz ti annan sa retar. Petet i en keksoz teknik mon pa konnen.

Me selman mon asir ou ki sa bann *invoices* i a ganny regarde. Mersi.

MR SPEAKER

Mersi Minis. Onorab Labonte.

HON ANDY LABONTE

Bonn aprè midi Minis. Mersi Mr Speaker. Bon Minis fransman mon pou dir mon vremen apresye ler mon tann ou pe koze, e mon vwar ki ou vremen determinen pou fer en sanzman dan ou Gouvernman. E mon ti a swete e mon swete ki tou bann dimoun ki dan ou zalantour, i annan menm lanvi avek ou pou kapab fer sa departman vremen bouz devan.

E rezon mon pou dir sa sete, aköz parey mwan, mon nouvo dan distrik e vi ki mon annan en nouvo DA e menm mon DA avan ti travay byen e

mon osi mon pou zwenn ansanm avek Onorab Vidot, pou mon remerci Ms Nichole ki ti pe fer en bon travay avek mwan ler ki mon'n zwenn li.

E mon *welcome* mon nouvo DA osi Ms Jensy ki nou pe kominike. Aköz mon nenport ki pou vini mon pare pou mon travay pou fer bouze mon distrik.

Bon me selman en pti keksoz petet mon ti a kontan konnen, parey lo ou Bidze mon'n tann ou dir poudir ou'n koz en pe lo latransparans, e rann kont osi petet lo kote distrik mon santi ki bann DAs zot menm zot, zot napa ase sa lotonomi.

I annan Onorab ki'n koz avan mon ki'n dir poudir petet en senp keksoz petet pou en bolpenn mon pe dir nenport kwa i deza al demann permisyon biro pou li al aste en bolpenn, kan i annan son Bidze la.

Mon krwar ou konpran dan ki direksyon mon pe ale, e sa i kree bokou retar sirtou ler nou annan en lenkonvenyan lo li nivo distrik kot i annan en dezas in arive ki keksoz pa vremen bouze. Petet a kapab annan en amelyorasyon lo sa kote koumsa.

Ape en lot pti keksoz ki mon en pe konsernan avek se ki

an gro mon kapab dir poudir distrik li menm li i kominote antye i form parti distrik.

E dimoun i santi dan distrik poudir zot lavwa pa pe ganny tande. Parey i annan bann proze lo nivo Nasyonal ki pe ganny enplimante, e nou bann zabitan i santi poudir napa konsiltasyon, petet avek sa nouvo sinerzi ki ou pe vin avek osi i ava annan konsiltasyon ki i ava enkli nou bann kominote.

Aprè an pasan mon'n tann ou koz lo Sant Kominoter, Sant Kominoter Sant Sosyal mon pa konnen ki mannyer zot apel li, me i annan en larzan ki'n ganny mete. Petet lo kote English River vi ki nou napa enn akoz pou nou in ganny pran par US. Mon pa konnen petet ki posibilite ki petet nou kapab reganny nou Sant Kominoter, ki nou kapab fer travay vi ki parey yer ti annan en *meeting* ti ganny fer par *Leader* Parti US. Nou osi ler nou annan nou *meeting* nou napa pou fer lo nivo distrik. Mersi.

MR SPEAKER

Mersi Onorab.

MINISTER ROSE-MARIE HOAREAU

Ok mersi Onorab. Bann DAs zisteman, ler mon ti vin kot

Minister ti annan en boon pe zot ti'n fini demotive;- ti'n tro abitye dan lafason ki keksoz ti ete.

E vwala ki zisteman atraver bann *meeting* ek zot atraver bann prezantasyon nou pe *empower* zot. Nou bezwen donn zot sa bagaz pou zot kapab fer desizyon.

Me i osi enportan konnen poudir avek sa nouvo administrasyon, ler en *DA* i pou fer en *request* lo sekretarya i pou ganny *handle* byen vit.

Pou nepli sa zafer ki dimoun pou bezwen anvoy 3 4 *reminders*. Sa letan pase sa.

Akoz mon'n fer sa bann DAs byen konpran zot *deal* avek sa dimoun konsernen zot pa ganny larepons, zot re anvoy sa dimoun konsernen en *reminder* e zot kopi mwan.

E la si mwan mon vwar sa keksoz pe tarde mwan mon ava *take it up* mon a rode ki akoz zot pa ankor reponn ki pe arive eksetera.

Me mon krwar avek sa nouvo lekip tou dimoun in konpran mon fason travay.

Sanmenm sa dan mon *opening remarks* mon'n dir mon apresye ki zot, zot pe apresye sa nouvo fason fer keksoz. Akoz zot in fini konpran mon fason travay e nou bezwen bouze. Akoz sa *DA* pe demann nou sa

akoz i konsern son kliyan dan distrik.

Alor ou annan en kantite dimoun ki pe ganny enpakte si nou pa reazir. Alor sa i kle dan mon *style management*.

Lo bann zafer proze Nasyonal la, la kot bann MNAs zot tou otour sa bann latab la zot zwe en rol kle. Se a zot vin devan asiz ek zot bann DA, fer sir zot konnen ki pe arive lo proze Nasyonal. Akoz proze Nasyonal pa pou sorti kot *Local Government*. Nou, nou dan proze kominoter.

So i enportan ki zot konnen ki pe pase dan zot distrik pou zot anmenn zot DA ek zot fer tande zot lavwa parey ou'n dir, e nou Minister kot nou kapab donn zot sa *backing* nou ava donn zot.

Sant Kominoter Onorab mon krwar a annou les sa pou en lot konversasyon, akoz sa i pou pran tro bokou letan, akoz nou pa ankor la kot nou pe asiz napa later ki'n ganny idantifye.

Alor annou pran sa konversasyon dan en lot *forum* petet ou kapab vin vwar nou kot Minister, ou menm ou pet.et ou a konnen dan English River kote ki i annan petet later ki nou kapab fer sa lo la.

Alor annou pran sa diskisyon dan en lot *forum*, silvouple.

MR SPEAKER

Wi Onorab klarifikasyon.

HON ANDY LABONTE

En pti klarifikasyon. Minis petet ou pou kapab siport mwan pou ed mon pou mon kapab demande pou nou reganny nou Sant Kominoter ki deza egziste la! Mersi.

(APPLAUSE)

MR SPEAKER

Minis ou ti a kontan reponn lo la? Non Minis napa repons lo la. Nou a pran Onorab Samynadin.

HON KELLY SAMYNADIN

Mersi Mr Chair. Bonn apre midi Minis avek ou delegasyon. Minis mon premye kestyon i baze lo enn zot bann *strategic priorities*, ki pou devlop bann servis lokal ki transparan efikas e enklisif.

Mon ti a voudre ganny en lesplikasyon lo ki kalite servis ki Minister pe mazin devlope e dan ki fason pou benefis nou bann Manm e nou bann dimoun a lekout?

Dezyenmman lo nivo mon distrik, an se moman nou napa *staff* netwayaz kot biro distrik. Mon ti a kontan konnen ki Minister pe anvizaze fer lo sa

size, an vi ki sa bann dimoun ti tonm sa bann dimoun ti pe anploye avan zot ti tonm anba *community work programme* ki'n ganny *dissolved*.

E trwazyenmman an sa ki konsern sa *hall* Pointe Au Sel, dernyen fwa ki mon ti zwenn avek *DA* sortan i ti met mon okouran ki i annan ankor travay renovasyon miner ki sipoze ganny fer lo sa *hall*.

Mon ti a kontan konnen si dan Bidze sa lannen pou konplet sa travay? E pou ki osito ki nou ganny *go ahead* nou a kapab demare avek bann aktivite dan distrik. Mersi.

MR SPEAKER

Mersi.

MINISTER ROSE-MARIE HOAREAU

Mersi Onorab, ler mon pe koz servis lo *strategic priorities* ek *service delivery* servis *delivery* lo *from the DAs office*.

Akoz nou bezwen mont nou standar lafason ki nou delivre servis avek nou bann dimoun dan kominote.

E sa osi i annan son bout ki sa *DA* i bezwen annan en bon rapor avek bann lezot lazans eksetera pou fer sa marse kominote ki pou ede d an son *service delivery*.

Pou *staff* netwayaz mon a les *DG I think* petet eklersi nou ne pti pe lo la.

Hall at Pointe Au Sel ler mon ti vizit landrwa mon ti ganny dir ki par sa *DA* ki ti la ki oparavan i pa ti bann dimoun pa ti le monte dan anler mon pa konnen si i annan en anler Pointe Au Sel. Me ler i ti koze i ti dir mon dimoun pa le monte anler isi pou vin fer aktivite.

Now sa i pa en keksoz ki nou pou zis les zepol tonbe. Si nou fer nou bann - la avek sa nouvo tim ki nou annan an plas, annou fer nou bann aktivite avek ou byensir ou partisipasyon ou motivasyon deryer ek sa *DA* annou fer sa *hall* Pointe Au Sel vibran.

Me selman mon so i dir tou bann Onorab otour latab ki mon'n demann en *survey*, en lenformasyon lo *usage* tou bann Sant Kominoter. Akoz nou bezwen konnen lekel ki lwe sa bann diferan sant keler zot lwe pou nou kapab fer en bon planifikasyon lo ki problemm Minister i vin ek son plan program. Pou nou konnen kan *hall* i lib.

E nou bezwen regarde tousala. Regard son *usage*, eski i pe ganny servi byen, ouswa eski dimoun akoz zot pa vwar nanryen gran keksoz pe arive,

prezan dimoun pe zis re pou fer aktivite la?

Alor mon mesaz se ki annou reget en pe atraver zot, atraver zot *DAs* konman zot kapab maksimiz *usage* zot bann Sant Kominoter. E fer vibre zot distrik.

Mon antretan mon pe fer en *survey* lo bann dimoun ki pe deza servi li konmela. E vwala ki mon annan pou dir. Mersi.

MR SPEAKER

DG ti pou pran en kestyon.

DIRECTOR GENERAL DANIEL ADELINE

Ok lo kote *field workers* w ti annan sa group *field workers* ki in ale an *Zanvye*.

Me ti annan *at least* 3 dimoun par distrik ki la ki anploye avek *Local Government* pou *maintain* fasilite *Local Government* parey balye deur kot *DAs office*, koup zerb, *maintain* en e kot ou *Daycare Centres* avek *centres*.

Ok si Au Cap an se moman i napa annefe i ti devret fer son *DG Committee Affairs* konnen e li i a fer laranzman pou ganny enn ouswa de dimoun lo nivo rezyon, pou ede par semenn pou fer sa bann netwayaz pou lemoman.

Me selman i annan en *survey* ki pe ganny fer, mon

krwar Minis pe fer en *survey* avek *DG Committee Affairs*, pou konnen lekel sa bann dimoun ki deza pe anploye ek *Local Government* ki pe fer sa bann louvraz e ki zot *status* e vwar ki mannyer bann nouvo *recruitment* i kapab ganny fer.

MR SPEAKER

Bezwen klarifikasyon Onorab. Wi.

HON KELLY SAMYNADIN

Yes Mr Chair. Minis i paret mwan ou'n mal konpran mon kestyon kot i konsern sa zafer *hall*.

Mon kestyon ti kan ki renovasyon akoz i annan en bout renovasyon ki ti sipoze ganny fer ki pa'n fini? So ...

MR SPEAKER

Wi *DG*.

DIRECTOR GENERAL DANIEL ADELINE

Bon an pwen Au Cap i lo lalis *major maintenance* enkli son *DA's office*.

MR SPEAKER

Mersi nou a pran en poz la e nou a rezwenn 4er. Mersi.

(BREAK)

MINISTRY OF LOCAL GOVERNMENT AND COMMUNITY DEVELOPMENT
(cont)

MR SPEAKER

Onorab Gill.

HON CHURCHILL GILL

Mersi Mr Chair. Bonn apre midi Minis ek ou delegasyon.

Mon premye kestyon se Baie Ste Anne nou annan en sant Anse Boudin ki *underutilized* e mon pe gete si ou Minister zot in deza pe panse kwa ki pou fer laba? Si non, nou osi ou ti le anvoy en propozisyon kot ou Minister.

Mon dezyenm se i annan bann *backlog* parey ou'n fer sorti dan Bidze, bann larzan ki'n ganny mete pou fini bann travay ki'n konmanse. I annan semen ki servi prive, ti'n ganny lenstriksyon avek *Local Government* pou fer *survey*.

Me selman lenformasyon ki nou, nou'n gannyen avek *surveyor* se zot pa le *release* zot bann dokiman kot Minister pou sa travay kontinyen. Akoz zot pa ankor ganny peye. Sa se en *surveyor* prive lo semen Baie Ste Anne.

Apre mon dernyen nou ti ganny *DRDM* ti vin isi e ler nou ti fer sorti bann problemm dezas

ki nou gannyen. I ti fer nou konpran ki zot, menm si zot vizite tir portre fer rapor, pa zot ki al *attend* sa bann travay. Prezan mon pe gete si dan ou Minister i annan serten bout ki tonm ou Minister ki ler zot, zot in fini fer rapor, rapor i vin kot ou Minister apre bann travay i ganny fer? Akoz nou annan pa mal ki ankor *pending* Baie Ste Anne. Mersi

MR SPEAKER

Mersi Onorab. Minis.

MINISTER ROSE-MARIE HOAREAU

Mersi Onorab pou ou bann kestyon. Annefe Vandredi nou pe mont Praslin avek lekipe pou vin fer *interview DA* avek *office manager*. E nou pe profite osi pou nou al fer en vizit lo sa bann sant. E byensir sa enn la pou Anse Boudin pou tonm lo la ladan.

E avek gran ker silvouple e si ou annan okenn propozisyon ki ou anvi anmenn devan, silvouple fer li akoz se an met lespri ansanm ki nou pou kapab delivre keksoz byen.

Apropo sa *surveyor* prive, mon kapab petet rod en pe lenformasyon lo la. Apre mon a kontakte ou direktman pou mon dir ou ki so *status*, kote sa *file* i ete eksetera. Akoz sa mon

krwar ou okouran. Me selman mon ava sertenman *look it up*.

E *regarding DRDM* mon a prefere les *DG Admin* reponn silvouple. Mersi.

MR SPEAKER

Thank you. DG.

DIRECTOR GENERAL DANIEL ADELINE

Bon Onorab lo kote, bann *cases emergency* si ou pe refer lo bann spesifikman lo sa bann lensidan ki ti arive an Fevriye. Wi. So normalman *well* ankor mon pa le tro mansyonn bann lazans me selman *DRDM* i ti devret kit *the key entity* ki ti devret kordin sa detrwa lensidan ki ti arive lo Praslin sa zour.

Me malerezman nou Minis ki'n kordin sa mon menm nou'n monte Onorab *counterpart* ti ek nou sa zour Onorab Porice ti ansanm, nou'n al vizit tou sa bann landrwa.

E dezyenm vizit ti ganny fer pandan sa vizit ou ti vwar poudir ti napa gran keksoz pou *Local Government*, me lezot lazans par egzant Lanvironnman, *Land Transport*, menm *MHILT* dan kote lenfrastruktir ki ti bezwen entervenir lo sa bann *cases*.

E an se moman en rapor pe finalize. *Once* nou finaliz sa

rapor nou pou soumet ek mon Minis *from there to take up* ek bann lezot lazans.

MR SPEAKER

Yes Onorab follow-up.

HON CHURCHILL GILL

Mersi. Annefe sa zour ler ti ariv sa lensidan byen granmaten mon ti pe pran avyon mon ti *call* Minis pou met dan son latansyon, pou nou ganny lotorizasyon pou nou kapab atak serten keksoz.

E dezyenmman, i annan en sityasyon osi kot bann dimoun dan distrik, ki *attempt* sa bann keksoz an premye lye, zot sipoze annan serten lekipman dan stok.

E an se moman sa bann lekipman in *deplete* i annan ki'n kase, e in demann *refurnish*.

E petet dan sa Bidze eski i annan larzan ki petet pa zis Baie Ste Anne lezot distrik osi kot sa bann *first hand tools* i ganny fer *available* pou sa bann dimoun kapab *attempt* pou bann evantyalite silvouple. Mersi.

MR SPEAKER

Mersi.

MINISTER ROSE-MARIE HOAREAU

Mersi Onorab. Annefe yer menm mon'n fer en *meeting* avek lekip enkli avek Mr Estico ki *oversee* sa bann zafer distrik ek sa bann lekipman avek *PS* avek lekip, pou dir zot mon oule en lodit zisteman sa bann lekipman ki ou pe koz lo la.

Konbyen distrik ki i annan konbyen distrik ki napa, konbyen distrik ki lekipman in vye i bezwen ganny ranplase.

Alor en *complete audit* lo leta sa bann lekipman pe ganny fer la zisteman. Mon'n fini donn direktiv. Mersi.

MR SPEAKER

Mersi Onorab Mondon

HON TERENCE MONDON

Mersi Mr Chairman. Bonn apre midi Minis avek ou delegasyon. Mon premye kestyon i lo biro distrik Takamaka li menm. An se moman an presedan nou annan de e larestan bann travayer ki ti anba *URS*.

Mon anvi konnen ki provizyon dan sa Bidze pou rekritman pou kapab ranforsi biro distrik Takamaka?

Dezyenm i nouvo *Daycare Centre*, Minis in dir nou ki sa proses *tender* in ariv lo son konpilsyon lo son finisyon, avek bokou retar.

E sa i en toudmenm i anmenn en soulazman pou

bokou paran nou dan distrik. Akoz nou ti pe esper sa servis pou en kantite letan.

Eski mon anvi konnen eski lenstitisyon ou swen e devlopman *Petite Enfance* ti ganny konsilte ler zot ti pe planifye sa *daycare*?

E ler nou ti dan Bidze avek zot i enn bann keksoz ki zot anvi zot osi ganny sans donn zot kontribisyon ler pe planifye bann *daycare*.

E konbyen zanfan sa *daycare* pou pran? E sa Kontra li menm i pou dire konbyen letan ?

Mon dernyen kestyon ki'n arive avek sa kontrakter ki pa'n fini sa morso semen dan leo Quatre Bonne? Mersi Mr Chairman.

MR SPEAKER

Mersi Onorab. Minis wi.

MINISTER ROSE-MARIE HOAREAU

Ok mersi Onorab. *Regarding* bann *vacancies* kot biro Takamaka sa i dan prosedir *again* i annan *vacancies* ki byento pou ganny *advertise* si pa'n fini ganny *advertise*. Me selman nou pou fer sir ki distrik Takamaka i annan son *full complement of staff*.

Nouvo *Daycare Centre* mon ava les petet *DG Admin*

reponn lo sa *involve Petite Enfance*. Me selman mon kapab dir ou son *maximum number of maximum* kantite zanfan ki pou pran se 80, 80 zanfan. Mr Adeline ou a pran sa lot bout.

MR SPEAKER

DG.

DIRECTOR GENERAL DANIEL ADELINE

Bon mersi Onorab. *Daycare centre* Takamaka ti ganny inisye an 2018. Byensir son konsepsyon *design* nou'n ganny lasistans *IECD ok* pou *Petite Enfance*.

E tou bann lezot akter avan ki nou anvoy kot *Planning* pou aprouve. Par egzanp ou pou annan *IECD* li menm li ki pe *champion* sa *Daycare Centre*, ou annan Ledikasyon lo son seksyon *Petite Enfance* ankor bann *daycare* ek lakres.

Nou annan Lanvironnman *Environmental Health* bann sanniter, *Fire Brigade*, *Planning Authority* li menm so tou sa bann dimoun i asiz ansanm pou zot bezwen latab nou pas lo sa plan pou vwar si tou keksoz in apre norm pou en *Daycare Centre*.

So avan ler i al kot *Planning* tou sa bann keksoz, tou sa bann *due diligence* in

ganny fer e finalman nou soumet ek *Planning, ok?*

An se moman nou'n fini ganny *occupancy certificate* avek *Planning*, vedir operater i kapab antre *operate* dapre standar.

Lo kote semen *Chas Thomas* wi lo kote semen *Chas Thomas* kontrakter nou'n retir sa kontrakter lo la. *Termination* ti an Septanm lannen pase nou'n tir li si i drwa nou i drwa nou, nou fini *settle* tou son bann tranzaksyon drwa pa drwa.

E *at the point* ki nou ti kapab *tender* an Novanm nou ti pe al *retender* sa proze poum fini sa proze. Nou ti ganny en *freeze* lo bann proze me la nou pe *retender* li aköz dan sa lalis bann proze ki *ongoing*. So nou pe al *tender* sa proze pou fini li. Mersi.

MR SPEAKER

Thank you. Onorab Phillip Arrisol,

HON PHILLIP ARISSOL

Mersi Mr Chair. Bonn apre midi tou dimoun. Minis dan *maintenance* mon vwar i annan proze renovasyon lo Biro Ladministrasyon Distrik Anse Boileau. Eski Minis i kapab dir nou si pou osi annan renovasyon lo sa rekreyonnel

Anse Louis? E osi *fencing* otour sa pti laplenn afen ki bann zenn sa rezyon kapab ganny en landrwa pli ideal pou zot fer zot aktivite?

Aprè Minis vi ki tou lenfrastruktir sportif i tonm anba *National Sports Council* aprezan, eski Minis i kapab dir Lasanble si proze laplenn Montagne Posée sa pti laplenn Montagne Posée ki lo morso later C6731 i reste enn zot bann proze e kan zot espekte kapab konmanse?

Mon konnen nou napa larzan la me selman sa mon de kestyon. Mersi.

MR SPEAKER

Mersi.

MINISTER ROSE-MARIE HOAREAU

Mersi Onorab, mon a les Mr Adeline DG Adeline pran sa larepons.

MR SPEAKER

DG.

DIRECTOR GENERAL DANIEL ADELINE

Ok mersi Onorab. Renovasyon *mini hall* Anse Louis non i pa lo nou lalis renovasyon pou sa lannen, nou pe fer *main DA's office*. Mon krwar ki ou osi ou annan en biro ladan. Nou

ankor pe get pou *clerk* pou nou kapab fer.

So depans i pou lo *main DAs office* avek *Community Centre*.

Mon kontinyen? Lo kote sa pti laplenn anler Montagne Posée lefe ki nou'n transfer tou bann proze ki ti *pending* kot NSC vedir NSC ki pou bezwen enplimant sa proze.

MR SPEAKER

Wi Onorab i annan kestyon ki pa'n reponn wi.

HON PHILLIP ARISSOL

Minis mon pa konnen si ou ti kapab dir nou si zot annan okenn plan pou sa sant rekreasyonnel Anse Louis, ouswa si zot pou *tender* li *out* pou fer en keksoz parey en *daycare* en keksoz?

Konmsi si nou ti kapab ganny en diskisyon konnen egzaktaman ki zot anvi fer avek sa landrwa, koumsa bann dimoun sa rezyon i kapab ganny sa landrwa si zot enterese pou fer en keksoz. Mersi.

MR SPEAKER

Mersi.

MINISTER ROSE-MARIE HOAREAU

Mersi Onorab. Mon krwar ankor enn fwa la, la kot diskisyon ant *MNA*, *DA* sitwayen sa distrik i enportan.

I plis si i annan en fasilite ki kapab ganny servi pou benefis kominote, i enportan ki lo baz distrik enkli ou, enkli *DA*, enkli bann dimoun dan distrik, regarde kwa ki zot pli bezwen pou fer lo sa teren ki ou pe koz lo la.

E nou, nou ava la pou siporte kan Bidze i permet. Me selman i enportan ki zot osi zot en se ladan. E si zot propozisyon i valab, nou ava rod en larzan dan lefitir pou nou kapab sey arive fer li.

Me i enportan ki distrik osi i *get involve* dan kwa ki neser pou zot distrik. Mersi.

MR SPEAKER

Mersi Minis. Onorab Uranie.

HON ROCKY URANIE

Mersi Mr Chair. Bonn apre midi Minis avek ou delegasyon e tou Digwa a lekout.

Annefe Minis mon byen kontan pou vwar ki dan Bidze i annan alokasyon R2milyon pou renovasyon mazer lo Administrasyon Distrik. E sa mon krwar bann dimoun La Digue pe espere pou zot kapab servi sa fasilite.

Mon premye kestyon Minis eski kan ou kapab dir nou kan sa proze pou konmanse?

Mon dezyenm kestyon, eski tou bann pti proze lo nivo distrik, Departman Administrasyon Distrik i bezwen konsilte Lotorite *Planning* pou *approval*?

Mon dezyenm kestyon, eski zot in evalye oubyen konpar bann distrik, pou fer ki i annan en balans an relasyon ek kantite kalite proze ki bann distrik i anmenn devan ki fer ki serten distrik son proze pa akimile? Mersi.

MR SPEAKER

Mersi Onorab. Minis.

MINISTER ROSE-MARIE HOAREAU

Mersi Onorab. Mon a les Mr Adeline petet donn en apepre kan travay pou konmanse lo sant *DA building* *DA* lo La Digue. Mon a les li osi reponn zafer pti proze avek *Planning*.

E lo sa lo ou trwazyenm kestyon ankor i *goes back to MNA* ek *DA*, rod zot priyorite, parske la larzan i limite.

Alor zot bezwen asize gete kwa ki zot priyorite akoz petet zot annan proze ki'n deza pe ganny finanse anba Bidze ki ti'n prevwar dan sa Bidze 2020 ki

pa'n fini. Sa i pou la aköz nou'n met en Bidze pou sa.

Me selman *going forward* pou 2021, asiz avek DA avek zot bann dimoun dan kominote, regarde kwa ki zot vreman pli bezwen. Apre anmezir ki presyon finans i diminyen, nou a kapab fer bann ki pa telman priyorite. Me selman annou met nou priyorite annord. Apre nou, nou a kapab ede.

MR SPEAKER

Mersi. Onorab Bistoquet.

HON ROSIE BISTOQUET

Mersi Mr Chair.

MR SPEAKER

Eskiz mon Onorab, *hold-on* en minit. Wi Onorab Uranie i annan keksoz ki oule eklersi ? *Ok* 4pa ti ankor fini.

DIRECTOR GENERAL DANIEL ADELINE

Wi konmanse renovasyon *Community Centre tentative date* i milye Avril probableman i pou aparet dan NASYON.

MR SPEAKER

Apre ti annan lot pwen ankor pou adrese lo pti proze.

DIRECTOR GENERAL DANIEL ADELINE

Planning ok. Bon dan lefase nou ti annan en *vetting community* kot ti annan en zofisye *planning ki* vin asiz lo nou bann prezantasyon pti proze, kot parler i annan bann proze ki pa neserman nou fer en *physical application* kot *planning*.

Akoz sa zofisye li i pran bann detay e nou zis soumet en *outline application* kot *Planning*.

Me avek nouvo Lotorite *Planning* petet pou annan nouvo fason fer li e *once* nou ganny lenformasyon nou ava donn ou lo la.

MR SPEAKER

Wi Minis.

MINISTER ROSE-MARIE HOAREAU

Mon ti a zis kontan reasir ou ki ler nou pou bezwen lopinyon profesyonnalizm *Planning*, definitivman sa nouvo Komite i pou anmenn sa bann zofisye *Planning on Board*.

E deza sa pe travay koumsa nou'n fer vizit lo La Digue akonpanyen par bann *sorry* lo Praslin akonpanyen par bann zofisye *Planning*.

Alor i annan sa kominikasyon e i annan sa sipor sorti kot sa Minister. Mersi.

MR SPEAKER

Mersi. *Ok* nou a pas lo Onorab Bistoquet.

MR SPEAKER

Bonn apre midi Mr Chair. Bonn apre midi Minis avek ou delegasyon. Bonn apre midi tou bann Onorab.

Minis mon annan mon premye kestyon anba *security enforcement* mon vwar i annan R23milyon 569 alors mon pe regarde pou sa larzan i ganny servi e kote?

Mon lot kestyon i konsern sa ki enn mon bann koleg in leve kot i konsern bonn gouvernans, latransparans enklisivite e mwan mon'n azout konfyans avek.

E sa letan mon pe get dan ou, ou bann stratezi avek ou bann defi. Dan ou stratezi ou ti dir pou sa lannen ou priyorite ou pou devlop program kominoter tou dimoun i ganny enkli ladan.

An menm tan mon vwar ou *training fees* i R248mil e sa bann ou defi i ganny konfirman par ou *outcome indicators* kot mon trouve ou bann *performers indicators P2, number of clients visiting DAs office, 2020* ti annan 2185, 2019 ti annan 1813, e pourtan 2020 nou ti annan *COVID* e dimoun pa ti

sipoze pe sirkile. Savedir *very little* dimoun ki'n akse Administrasyon Distrik.

Letan mon regarde Minis letan mon pe konklir avek sa bann dimoun pe *text* pe dir mwan, in fer ki sa zafer 'ek nou pa ek nou' dan lepase, in fer mwens dimoun akse servis kot Ladministrasyon Distrik kot Ladministrasyon Distrik ki'n ganny politize e menm bann *staff* in pran par dan aktivite politik dan en sel parti.

E in fer lamazorite dimoun perdi konfyans dan Ladministrasyon Distrik.

Ki stratezi sirtou kot i konsern *professional customer care* ou *training* pou ki ou pou devlope, pou sanz en pe *mindset* bann *staff* Ladministrasyon Distrik pou fer sir ki dimoun i akse plis dan sa lofis zot ganny plis akse zot ganny plis servis.

E an menm tan ofer zot konman bann volonter pou donn lanmen travay pou devlop bann program e osi pou kree sa konfyans ki tou dimoun i kapab gannyen dan Ladministrasyon Distrik? Mersi.

MR SPEAKER

Mersi Onorab. *Yes Minister.*

MINISTER ROSE-MARIE HOAREAU

Mersi Onorab pou ou bann kestyon. Apropo *security enforcement* sekirite bann Kontra avek bann *security firms*, ki vey bann diferan *building* ki *building* administrativ *DA's building* ki Sant Kominoter.

Sa pe ganny revwar avek Minister Finans petet dan sa detrwa semenn devan nou la. akoz mon krwar in ganny deza diskite poudir i en keksoz ki bezwen ganny regarde.

Eski nou kontinyen lo lafason ki i ete konmela kot i pe kout Gouvernman en kantite, kantite larzan? Ouswa eski nou revwar lafason ki nou zer sa Bidze e sa servis ki pe ganny donnen?

E mon krwar tandans in fini ganny dir nou pe *move towards* nouvo teknolozi e me selman i pa neserman partou pou parey. Akoz sak *building* i annan son spesifikasyon e nou bezwen regard en melanz keksoz pou ariv lo en konklizyon kwa ki pli bon pou ki distrik. Alor sa i en deba ek en diskisyon ki *ongoing*.

Apropo *transparency*, konfidans eksetera, eksetera. zisteman se sa ki nou pe met priyorite lo la dan Minister. E deza parey mon'n dir nou nou'n

fer plizyer rankont avek bann *DAs*.

Bann *DAs* nou'n koz ouvertman, nou'n koz onnetman. E nou'n fer mwan koman nouvo Minis la dan sa Minister, mon'n fer zot konpran nouvo fason travay.

Pa vedir tou sa ki ti fer avan ti mal. Me selman bann move *practice* sa nou'n koz lo la. nou'n ganny dir fodre arete.

E sa i dan zot lentere bann *DA* pou fer sir ki zot pe travay an konformite avek sa nouvo prensip ki sa Minister i annan, sa nouvo stratezi, sa nouvo fason fer keksoz.

Akoz zot osi zot bezwen *prove* zot lekor. Zot osi zot bezwen delivre. Akoz anba mon direksyon mon krwar tou dimoun dan Minister in konpran pa zis *DA* tou dimoun dan Minister in konpran, ki i annan pou annan *performance appraisal*.

E parey zot in konnen zot bann *DA* i konnen, tou dimoun i konnen, zot pli gran kritik se pou zot sitwayen i dan zot kominote.

Alor zot fer en bon travay san leksepsyon, san fer faver sa enn la akoz mon byen ek li, ouswa *whatever*. Sa zot pou ganny rekonnet si zot travay drwat. Zot pou ganny rekonnet

atraver zot kominote. Akoz se la kot *feedback* i sorti.

Me pou bann ki pou deside petet zot pa anvi sanze e zot pou kontinyen fer parey avan. Nou a kriy zot ankor. Nou a koz ek zot ankor. Nou pou donn zot en dezyenm sans.

Me selman mon krwar tou dimoun i konnen poudir i annan en nouvo fason fer keksoz kot Minister. E mon byen fyer pou dir en bon pe dimoun laplipar dimoun i *onboard* ek sa.

Alor i reste pou nou vwar ki dezyenm letap. E nou pe zis swete ki tou dimoun i *come onboard* e i travay dan sa nouvo lespri.

Ler ou pe koz lo mon Bidze *training*, mwan mon menm mon, mon pou fer en bon pe sa *training* akoz mon kapab fer li. Mon annan sa leksperyans e mon'n fer li dan mon lezot lakonpanyen avan.

Mon annan en *PS* osi ki i annan sa kapabilite *train*. Mon annan en *monitoring evaluation officer* ki li osi i annan sa bagaz *training*, sa leksperyans.

So nou bezwen servi nou *in house resources*, pou nou kapab *train* nou bann dimoun *to a certain degres* sa bann bout ki nou pa kapab fer byensir nou ava rod dimoun deor.

Me selman nou konsyan poudir napa en gran Bidze sa lannen. Akoz sa problemm finansyel ki sa pei i ladan.

Alor nou nou'n pa re pou nou servi nou *in-house resources* nou a fer li pandan ler travay personn pa bezwen pey nou, e nou a fer li pou nou Minister.

Alor sa i en bout ki nou'n fini pran sarz sa. Pa trakase. Mersi.

MR SPEAKER

Mersi, tou pwen in ganny adrese? Tre byen Onorab Romain.

HON GEORGES ROMAIN

Mersi Mr Chair. Bonn apre midi ek *panel*. An vi ki lontan parey nou tou nou konnen mon krwar tou dimoun i okouran ki *DA* ti ganny gete konman en zouti vremen politik dan distrik. Kot en kantite politik ti pase dan Administrasyon Distrik.

Alor mon kestyon pou Minis mon ti a kontan demann Minis, akoz mon konnen Minis in koz for lo la, ki i pa le politik dan Administrasyon Distrik.

Mon pe demann Minis eski i garanti i kapab donn sa Lasanble ki pou napa politik? Ler mon pe dir politik mon pe dir politik pou tou parti, mon pa

dir zis ganny mon kler. Ki pou napa politik dan Administrasyon Distrik? Sa i enn.

Mon dezyenm kestyon an vi ki i annan bann travay ki ganny fer dan distrik. Kot nou vwar bann pti kontrakter fer bann travay Mr Adeline mon krwar i okouran byen sa.

Dan lepase mon krwar DA ki ti annan tou se, lo sa bann travay. MNA byensir pa ti tro kapab dir naryen. La ki mon krwar MNA i en pti pe plis ne pti pe sa pouvwar dan distrik.

Alors avan sa kontrakter i ganny peye mon ti a kontan demann Minis mon krwar Minis in deza mansyonn sa avan. Me selman mon anvi konfirm sa ki sa MNA ansanm avek sa DA osi vwar sa travay, ki avan sa kontrakter i ganny peye ki *at least* de lizye i kapab get sa travay pou fer sir sa travay in byen ganny fer? Sa i mon dezyenm kestyon.

Aprè mon dernyen kestyon Minis i lo sa pti *small project*, sa 200mil ki ou'n donn sak distrik.

Mon anvi konnen ki manner sa larzan vreman ki manner i pou ganny detekte sa bann pti proze ki annan dan distrik lekel ki pou vreman pou gete sa en pti proze ki manner mon kapab dir prioritize

pardon, eski sa i pou fer ansanm avek DA ek MNA, oubyen DA ki pou fer lo li menm?

Aprè zis an pasan mon le remersi DA Ms Jena Dubignon ki ti dan distrik Anse Etoile. Mon'n ganny sans travay en pti pe avek li. E mon le remersi li bokou pou son travay ki in fer dan distrik, e mon swet li bonn sans kot i pe ale.

Osi mon le pas en pti komantr lo ou PS Minis nouvo PS. Mon'n ganny sans enterakte ek li akoz ti annan en dife dan distrik *recently*. E mon'n vwar li in *very proactive*, in fer enterakte vreman vit atraver *email* e pou sa mon le felisit li e mon priye ki a kontinyen fer sa bon travay. Mersi bokou Mr Chair.

MR SPEAKER

Mersi Onorab. *Yes minister.*

MINISTER ROSE-MARIE HOAREAU

Mersi Onorab Romain. Apartir politik dan travay. Onorab mon pa kapab garanti personn mon, akoz imen i imen.

Me selman i annan *guidlines*. I annan *rules and regulations* ki tou DA i devret swiv, pou zot kapab ariv lo sa nouvo standar *service delivery*

ki dan sa nouvo ladministrasyon nou pe rode.

Alor zot pou ganny ankouraze, zot pou *train workshop*, koze, diskite pou zot fer zot louvraz lafason ki i devret ganny fer.

Zot pe ganny ankouraze, pou bliy bann keksoz ki petet zot menm zot prezan zot santi pa ti'n devret demann zot pou fer.

Alor sa i en nouvo konmansman pou mwan konman en nouvo Minis pou zot konman bann dimoun nouvo ki mon pe travay avek. Mon krwar mon'n fer kler *the way forward*, *regarding* politik dan biro, dan lofis nenport land rwa.

En dimoun i *entitle* son lopinyon politik. Me selman sa i reste son keksoz personnel. I pa devret afekte son louvraz. I pa devret afekte son louvraz. Si i santi i pa kapab travay san servi son pozisyon politik, *well* mon krwar i pou bezwen reget son lanplwa.

Again mon pou dir ki bann pti proze dan distrik sa i depan lo zot konman *MNAs* ek zot bann *DAs* asiz, koze, regarde. Bezwen fer konsiltasyon ek zot bann dimoun vin devan ek bann parey ou'n dir ou bezwen fer en priyorite la aköz napa bokou larzan.

So sa i enportan. E annefe dan Departman *Planning* dan departman proze kot Minister i annan en bout dan sa bann demars ki dan bann prosedir, kot avan pey en kontrakter i annan en zofisye ki *alongside* pou verifye sa standar, sa louvraz ki'n ganny delivre.

Mon bezwen osi dir ki sa pa'n arive toultan anba sa *previous* ladministrasyon. E nou vwar nou plito annan ler pe ganny konplent ek sitwayen sa kominote poudir sa semen deza feray pe sorti ladan fek fer de mwan pase eksetera, eksetera.

Nou'n fer *meeting* ek tou bann dimoun proze dan Minister, nou'n fer zot byen konpran tou sa bann dimoun ki travay dan proze pou dir zot proze i zot responsabilite.

Akoz ler ou'n met en sinyatir lo en dokiman i vin ou responsabilite. Alor ou bezwen swiv sa proze depi konmansman ziska lafen.

Alors sa bann problem koumsa sa mon annan gran konfyans poudir nou pou kapab elimin li. E byensir ou annan R200mil fer li travay. Mersi.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Minis bonn apre midi ek ou delegasyon. Minis mon'n ekout tre mon kontan tre a la pros ki ou pe pran pou montre serten enparsyalite dan ou travay.

Premyerman Minis mon remerci mon *DA* ki'n sorti e mon *welcome* nouvo *DA* dan distrik Port Glaud.

Minis bokou lanfaz ou pe mete lo sa travay ansanm *DA* ek *MNA*. Minis baze lo sa mon ti a kontan petet demann ou e osi eklersi nou sa Lasanble sirtou nou bann Manm Elekte, baze lo bann persepsyon ki *MNA* i fors *DA* ouswa *DA* osi *vice versa* lo nivo politik.

Mins eski bann *MNA* dan sa lapros travay i pou kapab pe marse ek son *DA* pe fer vizit, pou lemoman nou pa dan letan konpanyi la, savedir lannen 1 ziska lannen 5 nou pou kapab pe fer li ansanm ek nou *DA*, san ganny vwar poudir nou pe fer politik dan distrik.

Minis dezyenm mon ti a kontan petet ou'n tous lo sa defayans bidzeter, lo konsern pti proze. Eski bann proze ou'n nonmen poudir bann proze ki pou pa ti ankor ganny fer ki ti konmanse pou konplete, me i annan en lot lenstans kot kontrakte li menm li in koz serten retar pou fini proze, ki

nou'n swa ou'n perdi sa larzan akoz lannen in sanze.

Eski sa bann proze osi pou antre ladan pou ganny enplimante bann ki annan *failure of contract*?

Dernyen Minis mon ti a kontan petet demann ou sirtou bann distrik ki i annan en *playground ok*, petet ki ou persepsyon ouswa a lavenir bann *playground* dan distrik akoz i vin en kou atraver *Local Government* pou *maintain* sa bann *playground*?

Eski zot pe mazin met dan serten lanmen serten antrepriz pou ganny bann sipor pou zot kapab *maintain* sa bann *playground*, ki fer ki i reste touzour an bonn eta pou nou bann zanfan servi? Mersi.

MR SPEAKER

Mersi Onorab. Minis wi.

MINISTER ROSE-MARIE HOAREAU

Mersi Onorab. Onorab mwan sa ki mon kapab dir ou *regarding* ou travay avek ou *DA*, zot travay konman 2 profesyonnel. Zot bezwen mars dan distrik ansanm, pou zot kapab vwar zot bann proze ki zot pou anvi fer pou al get zot bann dimoun ki bezwen petet en led eksepsyonnel konpran

bann dimoun ki dan bezwen bann proze priyorite.

So zot de profesyonnel, mon espekte zot kapab *work this out*, dan demars zot travay *for the next 5 years*, pou sa prosen 5an.

Mr Adeline i ava DG Adeline i ava eksplik en pe lo sa zafer bidzeter lo sa pwen bidzeter.

Now lo sityasyon *playground*;- dan mon bann marse mon'n vwar poudir i annan serten *playground* ki vreman i bezwen en kantite latansyon. I annan bann pa telman.

Mon pou pran par egzanzp ankor i vin lo en i vin mon bezwen demande bann dimoun ki ti la avan mwan, akoz zot pa ti get sa bann *playground*? Akoz i annan bann ki vreman pa dan en tre bon leta. Me i annan bann ki ase *ok*, la mon pou donn ou en legzanp *playground* Anse Royale.

Mon'n koz avek Mr Adeline avek DG Adeline nou'n fer *meeting* tou resaman la mon pe dir li ler sa kontrakter pe fer *maintenance* lo *building District Administration*, fer li aranz sa detrwa ban dan sa *playground* Anse Royale. Napa gran zafer ki mal dan *playground* Anse Royale i zis demann *maintenance*.

Alor mon'n dir li demann sa kontrakter, get en pe sa *playground* tou letan i pe fer sa, mon asire i kapab fer sa dan sa *cost* ki pou ganny fer pou *building*.

Akoz penn de ban i annan apre mon konnen mon'n vwar i annan en trou dan enn sa bann *game* ki en pe danzere, fodre nou tir sa *perspex* net otour li olye kit li bout, bout la. Mon'n dir tire, pou zanfan kapab kontinyen servi sa zouzou.

E a pou lemoman Minister desizyon an se ki nou kontinyen get sa bann *playground*. Alor pou annan en plan travay pou enn par enn remet zot dan sa standar kot zot bezwen ete.

Me selman *again* i pou kout larzan e i pou kout plis ki isi nou ti'n fer li pli boner. Me selman ki ou a fer, zot koumsa nou pou bezwen aranz zot. Alor sa i en keksoz ki nou pou kontinyen gete akoz pou zanfan sa pou zanfan distrik. Nou bezwen fer. Mon a kit Mr Adeline pou reponn sa trwazyenm kestyon. Mersi.

MR SPEAKER

Yes DG.

DIRECTOR GENERAL DANIEL ADELINE

Bon Onorab lo kote proze lannen pase, si sa kontrakter in

siny en Kontra savedir i ganny konsidere lo sa *ongoing projects*.

Savedir i pa pou tonm dan ou R200mil. *Ok* mon konpran i annan enn sa kot ou kot i annan en i pa en retar me plito i annan en problem later ki nou pe *sort out*.

So *once* kontrakter in ganny dir arete pou lemoman ziska ler ki nou rezourd sa avek en propriyeter. *Once* sa i rezourd proze pou kontinyen. So son larzan i la li.

MR SPEAKER

Yes Onorab.

HON EGBERT AGLAE

Yes Mr Adeline mersi pou ou larepons i zis en proze plis ki 2an sa. E kontrakter i pa'n agree, Kontra in fini. Me proze pa'n zanmen kontinyen apre. *Ok* sa i enn.

Pou terminen Minis mon ti a kontan petet annou lans en langazman mon kapab dir kot i konsern size *playground*, kot mon konnen la nou dan letan *COVID* sityasyon ekonomik apre aköz i annan en endividi ouswa bann biznes ki menm o nivo distrik, ki pare pou fer serten adopsyon sa bann landrwa;- so petet ouver en lebra ki sa bann dimoun i kapab vini donn en koudmen. Mersi.

MR SPEAKER

Mersi.

MINISTER ROSE-MARIE HOAREAU

Onorab mersi. Sa i en *good news*, bon nouvel pou mwan. E annou travay ansanm lo la, *obviously* ou, ou konn ou bann dimoun dan distrik avek ou *DA*, anmenn sa bann dimoun devan, annou fer en *meeting* kot *Local Government* kot Minister annou koz *on the way forward*. Sa i *very good news* e sa i en legzanp kle *public* ek *private partnership*.

E se sa ki nou pe bezwen pou nou fer distrik bouze, en lide fantastik. Mersi.

MR SPEAKER

Mersi. Onorab Hoareau.

HON JOHN HOAREAU

Mersi Mr Chair. Mr Chair mon premye kestyon i baze lo Bidze *Local Government*, *sub-programme 1.1* anba *office building rent* ki mon pa'n vwar nanryen pou lannen 2020, me mon'n vwar R351mil pou 2021, mon pe demann Minis si zot in fer provizyon pou nouvo biro si i kapab donn enn de detay lo la?

Dezyenmman mon pa vwar *current receipts* anba son Bidze, mon pa konnen si *PS*

Thesee ti kapab eksplik nou akoz?

E an vi ki nou napa *current receipts* konnen poudir i annan bann *daycares* otour Mahé, ki en bann ki zot *rent* i pey en serten pri en bann i pey pli bonmarse, en bann i pey pli ser si zot annan lide standardiz sa bann *rent*?

E osi avek bann ki fini zot Kontra si tou keksoz i kapab ganny fer anba *tender process* avan ki i remet dan lanmen en lot dimoun, oubyen remet li avek menm dimoun?

Trwazyenm kestyon i lo mon konnen Minis ou pe travay dir pou koup depans, lo kote ou Minister e pou zer ou bann Bidze en pe pli byen osi.

Alor mon pe demande sekirite pou bann Biro Ladministrasyon Distrik mon konnen poudir Beau Vallon ti pe pey 47mil par mwan pou sekirite.

Eski ou pe fer serten travay dan sa direksyon pou redwir en pe bann kou e pou zer sa larzan kot i pli byen merite? Mersi.

MR SPEAKER

Mersi Onorab. wi Minis.

MINISTER ROSE-MARIE HOAREAU

Mersi Onorab. Mon a pran sa dernyen kestyon apre mon a les sa de premye bann dimoun Finans la.

Bann wi ler mwan mon'n vin kot Minister, mon'n vwar serten *discrepancy* dan bann pri ki nou pe lwe *daycare*. Mon'n fer, fer en legzersis pou regarde koman sa bann pri in arive sa bann *rental fees* in arive.

I annan *daycares* ki pe lwe R1200 par mwan. I varye depi R1200 ziska 5500.

Alor mon pe fer en legzersis la zisteman pou mwan kapab konpran kwa ki fer sa diferans an pri. Mon'n fer enn bann dimoun dan mon lekip al fer en *thorough audit survey* lo tou sa bann *daycares*. Akoz petet i annan en rezon, petet nou bezwen konn tou lenformasyon avan ou fer en desizyon.

Alor la zisteman sa in fek ganny fer in fek fini ganny fer. E la semenn prosenn lekip antye pe asiz pou travay pou regarde ki mannyer nou kapab reget sa bann *rental daycare* ki mannyer ou kapab fer li vin pli liniform? Ki mannyer ou kapab fer li vin pli *fair*?

Akoz en dimoun pe lwe en *daycare* R1200 i en pti pe drol. E sirtou ler nou'n fer sa legzersis, nou'n osi fer en

legzersis konbyen sa dimoun pe sarze *per* zanfan.

En dimoun i bezwen dan en biznes pou fer profi. Me selman ou osi bezwen pe kapab pey en *rent* ki normal. E pa bliye dan sa R1200 nou osi pey sekirite pou vey sa *building*. Alor i en pti pe drol.

Me selman zis mon pe reasir ou en legzersis pe ganny fer lo la. E nou pou kriy nou pou koz avek sa bann *operators* enn par enn nou pou fer en *meeting* avek zot. I tou zis en kourtwazi pou nou fer en *meeting* avek zot pou nou eksplik zot *once* nou, nou konnen ki nou pe fer pou nou eksplik zot *the way forward*.

Ler en desizyon i ganny pran par lekip an antye dan Minister avek bann diferan rezon ki pou *back up* sa desizyon, sa bann dimoun enn par enn i a ganny kriye.

Nou ava fer *meeting* ek zot, nou ava eksplik zot e seta zot, zot a deside si zot le kontinyen *rent* sa *daycare* ouswa non.

Mon'n osi koz avek mon'n osi fer en bann dimoun legal regard en pe sa bann Kontra ant *Local Government* ek sa bann *daycare operators*. I annan bokou amelyorasyon pou fer dan sa bann Kontra.

Akoz laplenn pa nivo dan sa bann Kontra. Alor sa osi en formalite ki nou pe fer la e tousala i pou vin dan sa *total package* nou tou nou keksoz pou annord avan nou kriy sa bann *operators*.

Antretan zot kontinyen fer zot biznes parey zot pe fer, me selman i annan bann demars ki pe ganny fer pou revwar en pe e pou anmenn sa bann pri ki nou pe lwe anliny. Avek petet menm *market prices*.

I enteresan aköz la nou fek *interview* detrwa aplikan pou bann nouvo *daycares*, e annefe dan *interview* nou'n poz zot sa kestyon sa bann dimoun, aköz nou'n fini dir zot konbyen zanfan pou annan *per daycare*.

E nou'n poz zot sa kestyon. Konbyen zot ti pe anvizaze dan zot *business case*, konbyen zot pe an vizaze pey en *daycare*;- tel parey sa *daycare* nouvo Glacis ouswa Takamaka, ouswa Grand Anse Praslin ouswa Anse Aux Pins. Nou'n demann zot sa bann dimoun kestyon.

E larepons ki ou'n gannyen i tre pozitiv. Alor sa osi i donn nou i pous nou pou nou revwar plis sa bann ki la deza *bearing in mind* poudir byensir zot pa bann *daycare* nef.

Alor sak *daycare* pou ganny pran an konsiderasyon

baze lo son karakteristik respektif. E sa mon konnen mon kapab reasir ou s ape ganny fer. Alor mon a kit larestan avek bann dimoun finans.

MR SPEAKER

Wi FC.

**FINANCIAL CONTROLLER
MARLENE VALENTIN**

Meri Mr Chair. Lo kote *rents* R351 mil i pou *rent of* lofis Minis ki an 2020 nou ti napa en sekretarya Minis. Akoz nou ti pe *operate* anba *DM's office*.

Aparaman sa *rent* i riske *freeze* akoz nou ti pe lwe nou *locate* dan *Ocean Gate House, Ocean Gate House* pou bezwen vin en *building* Gouvernman *in a way*.

Akoz avan sa nou ti pe lwe avek *Pension Fund*, e la prezan nou sipoze pa pou *pey rent*.

Lo kote bann kou sekirite, an se moman *POU* pe fer legzersis lo sa size. Mersi.

MR SPEAKER

Mersi. *DG* ou annan keksoz ou pou azoute, oubyen nou a pase? Nou *move on?* Mersi *ok*. ale Onorab Hoareau wi.

HON JOHN HOAREAU

Zis pou demann *PS Thesee* akoz ki *current receipts* pa pe tonm anba zot Bidze? Mersi.

HON JOHN HOAREAU

Mersi. *FC*. Anr *PS*. *PS Thesee* ki pou reponn.

PS DAMIEN THESEE

Mersi Mr Chair. Nou pe ankor fer en legzersis avek *Local Government* pou get sot bann resi.

Parey ou konnen lontan *previously* tou bann reveni ki ti ganny kolekte avek bann *DAs* bann *Community Centres* pli zou mwen ti pe ganny *bank* dan bann *bank account* sa bann Ladministrasyon Distrik.

Sa voyaz ki nou'n fer nou'n Bidze tou loperasyon sa bann Ladministrasyon Distrik. E tou reveni ki zot ti sipoze anmase i sipoze antre dan *Consolidated Fund* pou annan pli bon zesyon.

So nou napa okenn *estimate* pou lemoman lo sa bann *potential revenue*. So nou pe fer sa legzersis la, e *by mid-year* nou kapab *capture* tou bann aktivite ki zot pe fer e met en prozeksyon dan Bidze *going forward*. Mersi.

MR SPEAKER

Mersi. Wi Minis.

MINISTER ROSE-MARIE HOAREAU

Mersi Onorab mon ti a kontan osi azoute avek sa ki *PS Thesee* in dir, ki lo kote reveni pou sorti dan distrik pou *Local Government and Committee Affairs*.

Ler mon'n vin kot Minister, mon'n vwar i annan apepre menm pou ziska 2019 5an *leading up to 2019*, i annan en kantite dimoun dan distrik ki pe lwe biro dan distrik biro administrasyon *DA's building* i annan en kantite dimoun ki pa'n pey zot *rent*.

E mon'n vwar mon avek en *outstanding amount arrears*, ou pe koz 5an ziska prezan ziska 2019. Plis ki R400 mil. E nou pa pe koz gro *rent* la, nou pe koz bann *rent* ase tre abordab. Me i zis ki sa bann dimoun i annan movez volonte e zot pa'n pey zot *rent*.

E ou en rezon ou en lot zot in *get away with it*. I annan menm dimoun ki ler mon'n vin *take over the Ministry* i pa ti pe pey *rent* pou plis ki 2an e i ankor ti ankor dan biro alez pa pe pey *rent*.

I annan lo Mahé e lo Praslin. Alor la mon pe esper lenformasyon sorti kot bann *DAs* pou 2020.

Pou mwan kapab fer en *whole* pou mon ganny en *overall*

picture konbyen larzan an total ki drwa ziska Desanm 2020. E mon'n fini fer le prosedir lo bann *file* ki mon deza annan dan mon posesyon pou anvoy sa bann *file* kot *AG - Attorney Zeneral* pou li fer le neserer.

Parske en dimoun i bezwen annan en konsyans i pa kapab lwe landrwa dimoun apre pa peye aköz sa larzan i pou sa kominote.

Akoz sa biro ladministrasyon reveni ki pe gannyen i retourn [dan sa kominote. Alor i domaz, me vwala ki mwan mon'n erite. Mersi.

HON JOHN HOAREAU

Mersi Minis, ti en kales kase vreman.

MR SPEAKER

Mersi Minis. Onorab Andre.

HON CLIFFORD ANDRE

Mersi Mr Chair. Mr Chair Minis dan repons bann lezot Manm in dir ki i annan en serten nivo *mismanagement of funds* dan Minister. Mon ti a kontan demann li si dan sa Bidze ki la i annan en pti larzan ki'n met de kote pou nou kapab rod sa bann dimoun, pou fer *mismanagement of funds*, rod en fason pou fer retournen sa morso larzan si nou vwar ki

manner in ganny *mismanage*.
Sa i enn.

Dezyenm lo *community infrastructure Minister* in sorti 74 million in desann 47. Zis vire 47million, eski sa i osi enkli bann *playground* ki'n ganny *handed over to* Minister Lazenés Spor, e an dizan sa eski kekfwá ou kapab diskít avék ou koleg Minis pou zot kapab rebran bann netwayaz ki ti'n ganny previ pou ganny fer, parey lo laplenn Anse Aux Pins prezan i annan bann dimoun pe met portre konmsi pe dir Gouvernman pa pe fer isi pa pe fer laba.

So pou zot kapab fer sa bann netwayaz sa bann laplenn bann dimoun kapab servi.

Trwazyenm *Minister* i annan *building and infrastructure* ti 65 milyon in vin 41 milyon. Ki sa i *entail* menm si i annan bann lesplikasyon ki sa i *entail* e letan nou get Anse Aux Pins dan son detay ki nou nou'n gannyen, i annan bann *consumables* ki R63mil. Kekfwá FC i kapab dir nou ki sa bann keksoz ki ganny konsidere konman *consumables*?

Akoz letan mwan mon pe get detay mon vwar i annan *taxi, transport* bann lezot keksoz konmsi i detaye. Ki kantite i annan telefonn,

ensidswit so mon pe *wonder e cleaning materials* osi i annan ki donn son sonm.

So mon pe *wonder* kwa e sa *daycare* Anse Aux Pins kan pou ganny donner avék en dimoun pou li kapab *run* pou fer biznes. Mon konnen ou dir ou pe get *rent* la pou lemoman eski zot kapab organize pou *at least* aktivite konmanse la ki *COVID* manrmay pe tourn lekol bann paran bezwen al travay mon ti a kontan konn sa detwa sityasyon an relasyon avék Bidze? Mersi.

MR SPEAKER

Mersi Onorab. Minis.

MINISTER ROSE-MARIE HOAREAU

Mersi Onorab. *Regarding mismanagement of funds* sa mon pou kit avék oditer. Akoz mwan mon *oversee the Ministry* mon vwar serten keksoz ,me pou pran aksyon sa i bezwen apre en lodit ki bann keksoz a ganny vwar e fer.

Mon a kit *the infrastructure community infrastructure* pou FC reponn, zis pou dir ou *playgrounds* i pou nou i pou *Local Government*. *Playing fields* ki nou'n donn Minister Spor. E alor e parey ou'n dir la lo trwazyenm pwen ki ou'n dir pou regard en pe sa

laplenn Anse Aux Pins pou ganny sa i tonm menm zafer ki DG Adeline fek dir taler.

Nou pou bezwen al regarde si i pa dan en bon leta. Konmsi si zerb i long *or whatever* si nou, nou kapab donn en koudmen pou zis met li prop pandan ki lot Minister i *take over* sa antre Minister nou kapab organize e kominote *infrastructure* sa mon a kit wi.

MR SPEAKER

Wi *yes FC*.

FINANCIAL CONTROLLER MARLENE VALENTIN

Mersi Onorab pou ou kestyon. Kote *consumables* nou'n *allocate* pou sak distrik, son Bidze spesifik, sa i varye. Parey mon ti'n dir pli boner. I annan bann kominote *activities* ki pou ganny fer. Nou espekte ganny fer lo kote distrik e i annan son morso *consumables* ki pou antre ladan.

Me par lo la ankor distrik i annan son aktivite pou li son *administrative cost* pou li menm ki bezwen fer. Par egzanp si bezwen donn en pe dite son bann *staff*, sa osi i tonm anba *consumables*.

So i pou loperasyon distrik *itself* e osi bann aktivite ki distrik i organize.

MR SPEAKER

Yes Onorab si ou bezwen klarifikasyon.

HON CLIFFORD ANDRE

Mersi Mr Chair. Mr Chair mon krwar i annan en pti sityasyon Minis in dir nou la ki i en pti pe konfizan letan nou'n dir *playing field* avek *playground*. Mon krwar i annan *issue* Anse Aux Pins an referans avek *playground*.

So pou nou pa ganny sa konsep kekfwa mal apre dimoun ava krwar akoz *playground* aparaman *playground* Gouvernman i bezwen *handover* sa later avek son propriyeter. *So it's private property*.

Sanmenm sa ki sa *playground* pa pe ganny *maintain* parey i ti ete avan. Wi sa en lot zafer. Mon dakor avek sa kekfwa i pa ti en *playground* me selman ti ganny konsidere konman en *playground* bor lanmer apre Kordgard. So i pa pou Gouvernman, i pou lafanmir Albert ki Gouvernman in bezwen rann zot apre ki ti annan en negosyasyon.

So playing field i pou Gouvernman. So antretenir sa *playing field* i enportan. Me mon krwar bokou dimoun enkli mon bann koleg lot kote i krwar konmsi *playground* pou mwan,

e mon pa pe antretenir sa *playground* be mon bezwen fer zot konpran pou zot konnen ki sa *playground* pa ni pou Gouvernman. I pou en prive, me selman nou pe sey negosye.

Mon ti a kontan kekfwa sa mon bann koleg lot kote i donn nou en koudmen pou nou kapab vwar en landrwa ki nou kapab – (ekoute ou)

MR SPEAKER

Onorab koze *please*.

HON CLIFFORD ANDRE

(Malelve) Wi pou nou kapab fer nou bann zanfan zouir e ganny sirtou la zot in en kantite letan la anndan ler zot sorti zot a kapab al zwe en pti pe. Mersi.

MR SPEAKER

Mersi. Minis.

MINISTER ROSE-MARIE HOAREAU

Onorab mersi pou sa klarifikasyon.

MR SPEAKER

Onorab Vidot ou kapab aret soz mersi.

MINISTER ROSE-MARIE HOAREAU

Mersi pou sa klarifikasyon *regarding playground* Anse Aux Pins. *Again* si i konplike ki en

zafer later prive *playground* bann lekipman zwe i lo la. sa mon krwar nou fer li en *meeting*, en diskisyon en lot fason aköz nou pa kapab pran en desizyon la lo en keksoz ki pa kler lekel ki fer lekel bout. Alor annou met li la nou a kapab diskite pli tar. Mersi.

MR SPEAKER

Mersi, mersi nou a kapab *move on* Onorab Ghislain. Onorab Ghislain si napa kestyon, Onorab Loze alor wi.

HON JOHAN LOZE

Mersi Mr Speaker. *Minister* ou pe aport sa ki ou'n dekrir koman *positive change, within your Ministry*.

Ou pe aport en vag sanzman konplet dan loperasyon. Dan fason, e in komans avek ou bann rotasyon, nou pa vreman konnen kot pou al *culminate*.

Petet en kestyon la se. *At which point* ki ou santi ki sa bann sanzman inisyal ki ou pe fer la, i ava *stabilize* e ou loperasyon i ava *attain* en 100poursan *delivery of community services*?

Akoz i normal dan komansman *change* pou annan brouyman, so a ki pwen ki ou krwar pou annan en *settling*. E

ou ava komans vwar fri ou bann zefor lo nivo la kominote?

Minis parey ou'n dir ou pe aport sanzman pozitiv. Mon santi i annan serten dimoun pe sey pri ou dann bann vye largiman arkaik, bann largiman lepase.

I annan ki'n pas zot letan fer politik dan lopital. Pe rod ou politik dan *DA's Office*. Sa ki'n vol *DA's* pe sey dir ou ki manner pou al fer ou louvraz. Selman li i pa ankor, nobou rann *DA* son larzan.

Tousala sakenn i fer zot politik Minis. Selman mon pa santi ki ou devret pri dan sa bann keksoz, akoz bann politik dinozor letan mon pe ekout ou koze. I pa vreman lapant travay ki mwan vwar ou pe anmennen.

Mon lot pwen Minis, se ou'n tous lo sa bann *complicated procurement procedures* ki anmar ou, anpay ou, bann *batch procurement*.

Minis sa bann keksoz la, *they were brought about* par bann presyon, solisitasyon. (Aret malelve Onorab Andre) Parti *SNP over years and years* ki zot in *campaign*, pou *bring about* sa bann keksoz.

MR SPEAKER

Eskiz mwan. Aret en pti kou silvouple.

HON JOHAN LOZE

Yes sir?

MR SPEAKER

Mon pa apresye bann komanter *across the room*. E si en Manm pe koze les li koze silvouple. E si en Manm i pe koze, si ou ganny en dimoun ki lev en lavwa en kote kontinyen koze ou, *ok*.

Alor Onorab Loze termin avek ou pwen, e nou a konnen kot nou pe ale. Mersi.

HON JOHAN LOZE

Wi, mon a zwenn ou deor Onorab Andre.

Mr Speaker mwan ki mon anvi dir Minis. Sa bann keksoz in ganny *brought about*, in ganny met an plas an rezilta presyon direk Parti *SNP*.

En kanpanny ki zot in anmennen *over years*. Ozordi nou annan sa bann Lalwa tel ki *Procurement*. Mon vwar ki zot pe nwir ou *delivery*.

E mon kontan konnen ki ou Gouvernman, zot menm zot pa ou neserman ki'n fer sa, *come about*.

Be zot pou bezwen rod en fason pou rezourd sa e zot pou trouve en fason pou fer li. Mersi Mr Speaker.

MR SPEAKER

Mersi Onorab. Minis, wi.

MINISTER ROSE-MARIE HOAREAU

Mersi Onorab pour ou bann kestyon. *Regarding* kan mon pou vwar fri mon bann zefor dan sa *change* ki pe arive?

MR SPEAKER

Be! *Hold* on en pti kou. Onorab. Minis, aret en pti moman silvouple. Onorab Pillay ki manner, en Manm i kapab demann en kestyon, apre leve sorti.

Eski, non annou pa rod en gro leksplikasyon. Eski ou kapab *take up* sa avek li silvouple? Wi.

HON SEBASTIEN PILLAY

Mr Speaker mon pa konnen. So mon *WHIP* i ava *find out* ki'n arive? Mersi.

MR SPEAKER

Ok. Tre byen. Minis dan sa ka, ou a donn ou kestyon, ou repons avek lasal. E fotespere lezot Manm i a benefisyé. Mersi. Minis.

MINISTER ROSE-MARIE HOAREAU

Mon ti ganny demann en kestyon par Onorab Loze *as to* kan mon pou vwar, kan mon krwar mon pou vwar rezilta sa

bann keksoz ki mon pe met an plas?

Larepons i senp, larepons se ki, nou pou vwar bann rezilta baze lo *goodwill* sa bann dimoun ki pe travay avek mwan.

Mwan mon pa kapab donn en dat egzakt, ouswa en mwan egzakt akouz tou sa ki nou pe fer i *involve* imen, i *involve* bann dimoun, bann gran adilt ki i tou depan lo zot.

Dan ki lespri zot pe pran sa bann sanzman. Mwan mon pe ekspekte ki zot pou pran sa sanzman dan en fason tre pozitiv. Ki nou kapab nou tou bouz devan. E ki nou kapab vwar bann fri, sa bann lagrenn ki nou'n semen tre vit.

Dan en, en sityasyon kot dimoun i on *Board*, dimoun i pare pou pran sa, sa sanzman a ker, petet *by the time* tou keksoz in tonm an plas. Petet 3 mwan, 4mwan.

Akoz tousala i vin avek bann keksoz ki bezwen tonm an plas. Keksoz ki bezwen, nou pe rebran en nouvo souf la. I pa fasil akouz ou pe dir en bann dimoun ki ti abitye travay dan en fason, ki prezan nou bezwen travay dan en lot fason ki pli profesyonnel.

Alor i tou depan lo *goodwill* sa bann dimoun otour, mwan. I tou depan lo *goodwill*

sa bann dimoun dan distrik, e dan Minister kot *secretariat*.

Me selman, pa tro krwar poudir mwan mon pou zis asiz esper zot kan zot, zot pou'n pare. Nou tou nou annan en *target*, nou tou nou annan en bi pou delivre.

Alor si nou vwar keksoz pe *drag* sa bann dimoun ki pe *drag* i a ganny kriye, koze, eksplike. Ki si sa ki mal? Akoz ou pa *onboard*? Ki pe arive? Kwa ki anpes ou delivre? Konversasyon, kominikasyon i kle.

Alor mwan lala mon *way forward*, mon ekspekte dan 3mwan, 4mwan tou keksoz in *settle*. Tou sa bann lodit ki nou pe fer lo bann *bills* ki pa'n peye. Bann landrwa ki nou pa konnen akoz i dan sa Leta, eksetera, eksetera.

Alor, nou ava met li koman nou *target* pou nou bouz devan. Mersi Mr Chair.

MR SPEAKER

Mersi. Onorab Loze. Mon bezwen adres ou, ou'n demann en kestyon Minis apre ou'n leve ou'n sorti. Sa i en mank kourtswazi. Ou pa kapab demann en dimoun en kestyon apre, apre ler i pe reponn ou. Ou leve ou vir ledou ou ale.

Alor mon ti a kontan ou demann en leskiz Minis silvouple?

HON JOHAN LOZE

Mon eskize, Minis.

MR SPEAKER

Mersi. *Ok*. Nou a. Minis mon demann ou pou aksepte son leskiz. Nou a kontinyen avek-

MINISTER ROSE-MARIE HOAREAU

Apology accepted. Mersi.

MR SPEAKER

Avek Onorab Naidu.

HON SATHYA NAIDU

Bonn apre midi Mr Chair. Bonn apre midi Minis ek ou delegasyon. Lo size rotasyon bann *DA* si i annan en distrik ki pe al benefisyé plis sa se St Louis.

Alors pou sa, mon dir mersi. Lo kote alokasyon 2.4milyon an sa ki konsern konstriksyon bann lofis pou bann *MNA*. Mon le konnen si Saint Louis i pou benefisyé anba sa proze? Wi, ou non?

E lo kote Sant Kominoter. Wi pou sa lannen i annan plizyer Sant Kominoter ki pe al resevwar en pe larzan pou fer bann travay *maintenance*. E

mon swe se ki lannen prosenn Saint Louis i ava benefisyé.

E lo size *India Grant* eski zot in *secure* en lot *batch* ouswa porsyon 35milyon. Wi ou non?

E mon swe se ki si i deza, i annan en group distrik ki'n benefisyé anba *India Grant* i pou annan plis posibilite pou bann lezot distrik ki pa ankò benefisyé ganny priyorite. Mersi.

MR SPEAKER

Mersi Onorab. Minis.

MINISTER ROSE-MARIE HOAREAU

Mersi Onorab. Les mwan pran *India Grant* apre sa de premye mon a kit avek *DG Adeline. India Grant* i annan zisteman la, ler nou ti rankontre avek Mr Malbrook *from The Desk Officer from Foreign Affairs*, ki responsab pou sa bann larzan *India Grant*, ki zere, anfen ki ede, ki *manage*. I ti'n dir nou koumsa poudir zot pe fer le nesese pou bann, pou *The High Commissioner. The Indian High Commissioner* al vizit bann proze ki'n ganny fer ek larzan *India Grant*.

Nou annan en lalis, ki nou kapab sirkil ek zot pou apre sa sesyon. Nou kapab fer zot gannyen by *email*. Ki distrik ki'n benefisyé.

E, e mwan mon byen ankouraze ek sa zafer *India Grant* akòz si nou *prove* poudir nou pe servi sa larzan byen. Zot pou *trust* nou pou donn nou ankò pou nou kontinyen.

E lo size *India Grant* i annan de legzanp ki mon kapab donn ou. I annan en distrik kot en proze pou fer en semen ti pou kout R400mil. E sa travay anefé avek sa nouvo lekip ki la ki nou pe fer get byen tou keksoz.

Sa travay anefé ariv zis R200mil. Prezan sa semen, ti annan en lot bout pou kontinyen, ki ti pou bezwen al rod en lot larzan.

Prezan nou'n demann, nou'n eksplik Mr Malbrook, akòz i pou li pou fer li ki nou pou pran, nou pou *still* sa 400mil ki ti ganny *allocate* la.

Me nou pou fer, en nou pou kontiny sa semen pou fer anefé de travay ek larzan en travay. E sa nou'n, si i menm proze nou'n ganny dir napa problem kontinyen.

Me en lot legzanp mon kapab dir ou ki mannyer nou pe sey fer mannyer pou nou *manage* sa larzan byen. Akòz nou annan en rann kont pou nou rankont avek *The Indian High Commissioner*.

Ti annan en proze ki ler mwan mon'n vin kot Minister,

mon'n vwar poudir *India Grant* pe ganny servi pour en proze personnel.

E ler mon'n arive, mon'n, mon'n fer mon *homework* lo sa proze e mon'n donn en lenstriksyon ki nou pou arete. *No matter* ki distans sa proze in arive. Nou bezwen arete, akoz mwan mon pa pou kapab get sa msye dan son lizye, dan en *cocktail* ouswa kot mon pou rankontre li dan en miting pou mwan konnen poudir nou pa'n servi sa larzan pou la kominote.

Alor *India Grant* parey larzan Gouvernman, parey *tax payers money*, i bezwen ganny byen zere.

I bezwen ganny zere avek transparans e nou bezwen toultan rod meyer pri, pou meyer travay. Se sa mon prensip, prensip sa lekip ek sa nouvo sanzman ki pe pase dan Minister. Mersi.

MR SPEAKER

Mersi. *DG* i annan pwen pou adrese.

DIRECTOR GENERAL DANIEL ADELINE

Mersi pou kestyon Onorab. Lo kote *MNAs Office* sa 2.5 milyon i enkli tou bann louvraz ki nou pe fer lo lofis. Lo bann lofis, ki pou *allocate* zot. Vedir enkli bann *maintenance, partitioning*

ki nou pe fer, enkli bann nouvo ki nou bezwen fer avek ek bann *DA's Offices*.

Lo kote *maintenance Saint Louis community center*, wi i pa lo plan sa lannen. Me parey Minis in koze nouvo fason fer nou pou annan en *maintenance plan*.

Probableman en *five-year plan* ki nou fer pou nou konnen tou le lannen ki kantite nou kapab fer dan sak distrik. Mersi.

MR SPEAKER

Wi. Minis ou oule azout keksoz.

MINISTER ROSE-MARIE HOAREAU

Zis pou mwan ranforsi sa ki *DG Adeline* in dir. Sa i en lot keksoz ki mon'n met an plas ler mon'n vini. Nou pa pou esper en *air condition* kase, en *DA* ouswa anvoy 30 *email* poudir repar sa *air condition*, nou pou fer prezan en *maintenance plan*.

Ler sa renovasyon in fini avek sa Bidze ki'n ganny *allocate* sa renovasyon lo tou sa *buildings* in ganny fer, nou pou met en *maintenance schedule* an plas.

Keksoz pou ganny revwar, pou ganny *maintained* ki ler ou fer li koumsa la, i pa kout ou ositan larzan ki nou

vwar nou pe bezwen depanse la prezan.

Alors sa en keksoz ki mwan mon'n entrodwir avek lekkip ler mon'n vin kot Minister. Mersi.

MR SPEAKER

Mersi. Onorab Adelaide.

HON SATHYA NAIDU

Mr Speaker. Zis en leklersisman.

MR SPEAKER

Wi.

HON SATHYA NAIDU

Vi ki Minis in *point out* ki in annan en proze kot larzan in ganny mal zere. Mon ti oule zis konnen lekel? Ki sa proze, silvouple?

MR SPEAKER

Minis ou le adres sa?

MINISTER ROSE-MARIE HOAREAU

Mr Naidu mon a prefere pa dir sa lo televizyon. Mersi.

MR SPEAKER

Mersi. Onorab Adelaide.

HON FRANCOIS ADELAIDE

Mersi Mr Chair. Bonswar ankor en kou Minis. Minis zis pou an parlan sa ki Onorab Romain in

dir. Pou felisit ou *PS*, byensir *être* en garson Baie Lazare *éesperons* ki Minis ou donn li tou sipor.

E si mon tande zot fer li martir mon vin get li. Mersi.

Mon premye pwen Minis pandan sa 4an sirtou bann *small community*, bann proze kominoter in tarde. Rezon pou sa se aköz dan ou departman i annan tro bokou prosedir ki fer, avan ler i al kot sepa kot *Tender Board*, ouswa i al kot *Procurement*.

E eski ou'n adres sa pti bout kot ou, pou ki ler proze i vin kot ou *as fast* ki kapab sorti, i sorti sa proze i ale? E sa distrik i benefisyé.

Mon dezyenm pti kestyon Minis, petet avek sa nouvo lapros. Ki striktir permanan mon pe trouve dan distrik la?

Par egzanp isi nou a war Speaker, Manm Lasanble, Clerk. Dan distrik petet mon pou vwar *MNA*, *DA*, *office manager* e nou annan ankor bann lezot dimoun ki pou permanan la, apart bann ki pou vini parey *social worker*. *Ok?*

Apré mon trwazyenm pti kestyon Minis. Mon eksite ler mon'n tann ou prezant ou program.

E mwan mon konpran, mwan mon konnen poudir mannyer nou apel sa!

Program, *Program manager* ki dan distrik, ki ede fer distrik bouze. An menm tan ki Minis Lafanmir i dir nou poudir zot annan, kot *SNYC*, zot osi zot annan bann...

Ki mannyer zot pou sinerzi ansanm pou ki, dan distrik nou kapab annan sa bann personnel akoz pa tou distrik parey, e byensir si ou annan sa *program manager* kot mwan nou kapab fer en program selon nou distrik e nou kapab benefisye.

So, ki mannyer ou pou aranz sa, akoz la mon tande zot in desann anvil? So eski zot pou tourn *back* dan distrik? Mersi.

MR SPEAKER

Mersi Onorab. Wi Minis.

MINISTER ROSE-MARIE HOAREAU

Mersi Onorab pou ou bann kestyon. *Procurement review*, sa i en legzersis mon pa pou koz bokou lo la. Me selman zis mon poudir i annan en plan ki Finans, Minister Finans i asiz ansanm avek lezot Minister byensir.

E sakenn i donn son lide, en pou annan, en, en diskisyon lo petet pou revwar en pe bann prosedir *procurement*. Pou fer li osi efikas ou menm pli efikas

avek mwens, mwens konplikasyon, mwens ale vini.

Alor sa i en keksoz ki an diskisyon mon pa pou fer en komantr lo la. Komant en *official*. Mon pa pou fer en *official declaration* lo la.

Me selman ki mon kapab dir ou se ki en keksoz ki pou ganny rediskite, revwar i pa vedir ki tou keksoz pou sanze.

Me petet i ava annan keksoz ki ava fer, fasilite bann prosedir bouz en pti pe pli vit. Avek, selman nou pa pou les komant, bann *loopholes* pou bann mal *practice* pase.

Me selman, nou dan 2021 la, serten keksoz petet ki ti ganny fer avek en lespri dan en lot lannen pase. Detrwa lannen pase i bezwen petet ganny remet lo latab ankor, revwar.

Ler ou'n koz lo *program officers* dan distrik. Lide anmenn sa bann *program officers* dan *secretariat* se ki pou zot annan en *synergie* ant kanmarad, pou zot kapab *shared best practices*.

I pa vedir ki sa bann dimoun i kloute la kot *secretariat*, zot louvraz *c'est que, design* program fer li vibran, fer li vivan. Apre zot pou bezwen al dan bann distrik, pou fer li marse avek korporasyon DA e MNA osi *why not?*

Zour ou, ou anvi ki ou *program officer*, en *program officer* ki ou abitye avek, ki abitye fer keksoz byen dan ou distrik i mont en kou dan distrik. I vin koz ek ou, in vin fer *meeting* ouswa ou pas kot Minister. Napa problem pou sa, kominikasyon ki kle. I pa landrwa kot ou asiz.

Alor annou travay ansanm anmenn lide *forward*. E *by all means* sa bann *program officers* zot anvi, zot anvi met tou sa ki zot konnen an pratik. E zot pou ganny sipor Minister e sipor *DA* dan distrik osi pou fer li vin en realite. Mersi.

MR SPEAKER

Wi i annan pwen ki pa'n kouver Onorab?

HON FRANCOIS ADELAIDE

Yes, Minis petet en dernyen pwen *at least*, zis pou mwan konpran en pti gin striktir distrik. Ki, mon ladministrasyon distrik, par egzant pou annan mwan koman *MNA*, pou annan mon *DA*. Pou annan mon *office manager and* apre lekel ki pou permanan ankor kot Ladministrasyon Distrik?

Mon konnen pou annan bann ki petet si pou vini parey lontan ti annan *social worker, housing officer*.

So mon anvi konnen apepre ki pou annan kot mwan? Pou mwan kapab annan sa *oversight*, pou mwan konnen poudir sa i devret la e. Mersi.

MINISTER ROSE-MARIE HOAREAU

Onorab i annan normalman trwa dimoun. Dan en tim dan distrik. Ou *DA*, ou *office manager* avek en *office*, avek en sekreter.

Apre i annan osi en *works supervisor*. Sa kat dimoun prensipal dan en distrik.

Nou'n osi vin avek en, en fason fer ki, en *work supervisor* i kapab avek sa zafer pri lavi, problem finans ki nou ladan konmela. Nou'n osi komans gete kote en *work supervisor* i kapab kouver petet de distrik, akoz i kapab donn son tim travay.

En zour i konnen demen zot pe vin fer sa, lot zour i kapab *move* dan en distrik, dan mon pa pou anvoy li, i pa pou al dan en distrik lwen. En *work supervisor*, i kabab zer petet de distrik dan bor kanmarad.

Akoz nou bezwen mazin Bidze, kontrent bidzeter. So si petet en zour i pa la se akoz i pe fer en travay dan en lot distrik, e sa zis pou *work supervisor*. *Thank you*.

MR SPEAKER

Mersi Minis. Onorab Michel Roucou.

HON MICHEL ROUCOU

Mersi Mr Chair. Minis bonn apre midi. *Panel* osi tou. Minis avan mon demann mon kestyon mon osi tou, mon le zwenn mon bann larestan koleg pou mwan dir ek madanm Jency Volcere, mersi bokou.

Pou sa travay ki'n fer dan nou distrik Mont Fleuri. In vreman profesyonnel akoz in en *DA* ki i pa'n get politik, menm malgre ki'n ganny problem akoz ki in anpes li ganny trennen dan bann plizyer tantasyon politik. Ki'n ganny souvandfwa, in war li pe ganny *threatened* ki i pou ganny pouse son travay.

E mon oule swet nouvo *DA* ki pe vini byenveni, madanm Kiwale. Be selman mon le dir li, li osi ler i vini met sa bar o. E kit politik Les Mamelles vin Mont Fleuri, nou a travay pou tou dimoun. Mersi.

Minis mon premye kestyon, dir nou an zeneral en pti pe lo kote sa zafer, bann pti, bann pti devlopman dan distrik la en. Bann pti proze, akoz mon anv i ki zabitan Mont Fleuri i ganny en konpran byen, akoz.

Dapre mon ganny en konpran pou nepli annan sa bann zafer kot pou fer en pti mars peron kot madanm entel, pou fer en pti soz zis pou msye entel.

Sa zafer koup pye dibwa, mon anv i ki zabitan Mont Fleuri i ganny en konpran byen, ki demen zot pa war zot anger avek *DA*, lo kote sa zafer pou vin koup pye dibwa lo later prive. Mon anv i ou koz en pti pe lo la an gro.

Mon dezyenm kestyon, Minis dapre mon konpran en konpran i annan en larzan ki, bann tim sport dan ki, ki anrezistre avek distrik i gannyen.

E mon'n ganny enformen poudir sa larzan, ti ganny donner deryen fwa Desanm. Zot ti ganny zis lanmwatye, mon anv i konnen ki mannyer sa i ganny donner? Si i arive demen bomaten en tim i anrezistre avek distrik Mont Fleuri, si otomatikman i osi tou i ganny sa larzan? Sa i mon dezyenm pwen.

Mon trwazyenm kestyon Minis ki mon deryen kestyon. Nou annan bann *field workers* ki travay kot distrik, kot biro distrik. I annan en bon pe letan zot in sey lager, pou ganny revwar zot lapey, zot ganny zot zis 4900. Minis sey gete ki

manner ou kapab, ou kapab sey rod en fason sey re-aranz sa.

Akoz zot in seye dan lepase, mon pa ti ankor vin *MNA*. Be selman mon konn enn de zot ki mon bann zabitan, mon bann, bann dimoun ki'n la dan distrik zot in koz lo la avek nou.

Gete si ou pa kapab sey revwar sa, mon konnen poudir nou dan en problem larzan la, selman sey get Minis sa i *unfair*. I pa normal, 4900 ki zot pou gannyen avek. Minis gete ki ou kapab fer lo la? Mersi.

MR SPEAKER

Mersi. Minis.

MINISTER ROSE-MARIE HOAREAU

Mersi Onorab. Premye bout ou keston *regarding* bann keksoz ki ganny fer lo later prive, bann *tree cutting* eksetera, eksetera.

Mon pou redir ankor, sak ka i annan son merit. Alor, nou pa pou kapab pran, en lapros zeneral.

Me selman sa ki mon kapab dir, se bann dimoun ki bezwen led, finansyerman ki ou vwar, zot pa pou kapab fer par egzant koup en pye dibwa dan bor zot lakaz, ki pou fer pli gro *damage* apre ler sa lakaz i kraze.

Bann dimoun ki bezwen sa led, pou kontinyen gannyen, me selman zot bezwen vin fer li avek en konsyans. Ki ou koman *MNA*, ou *DA* ki pe mars ek ou zot pou vwar, zot pou konnen zot bann dimoun dan distrik. Lekel ki vreman, i bezwen sa led.

Akoz ki arive se ki dan lepase, i annan labi. I annan labi kot dimoun ki ti a kapab byen koup zot pye dibwa se Gouvernman Lokal ki'n koupe pou zot.

Alor i pa aköz sa in arive ki mon pou pini, ki Minister pou pini tou dimoun. Alor zot tou la o tour sa lata, rod zot bann dimoun ki zot konnen i bezwen sa led. Anmenn sa *case* devan e nou ava ede.

Me selman annou aret abiz lo larzan *Local Government* pou fer faver, dimoun ki kapab koup zot pye dibwa zot menm.

E aköz sa mon pa pour koman dir, inosan pa pou peye pou koupab. Zot se a zot, *bring* zot *case forward* kot zot vwar i merite.

Regarding zafer bann *sport registration*, bann tim eksetera. Mon a les *FC* reponn. *And regarding the salary of field workers*, sa i pirman en keksoz sorti finans, mon prezimen petet *FC* ouswa *PS* i a kapab reponn. Mersi.

MR SPEAKER

Wi FC.

**FINANCIAL CONTROLLER
MARLENE VALENTIN**

Mersi ou Onorab pou ou kestyon. *Regarding bann field workers*, an se moman zot pe ganny zot R5382. Zot komans travay 7er ziske midi.

E lo kote *sports*, i annan en provizyon ankor ki nou'n fer sa lannen parey toulezan, kot i annan en alokasyon pou bann *sports* ki, bann *sports club* ki anrezistre avek distrik.

Sa bann alokasyon i baze lo sak distrik i diferan, akoz dan sak distrik i annan diferan kantite tim ki zot anrezistre avek zot. E bann alokasyon i baze lo ki, si zot dan premye divizyon, dezyenm divizyon, trwazyenm divizyon koumsa. Mersi.

MR SPEAKER

Wi leklersisman. Fer li vit Onorab.

HON MICHEL ROUCOU

Mersi *Minister*. Mersi madam. Dir mwan, i annan en keksoz mon pa pe ganny en konpran. Sa alokasyon pou spor la mon'n ganny dir avek manrmay spor, ki zot in ganny zis lanmwatye depi Desanm, zot pa ankor

gannyen sa lot bout. Eski i annan en lot bout ki zot sipoze gannyen ki zot pa ankor gannyen?

Aprè dezyenmman Minis, savedir ou pe dir mwan poudir, se ki la ler nou pou, nou, nou dan distrik nou annan bann - *picture* nou al en landrwa nou vwar poudir en dimoun i dir nou poudir i annan en pye dibwa ki pe menas son lakaz.

Eski i pou ganny gete lo son merit si sa dimoun. Ki bann formalite, eski sa dimoun pou bezwen anmenn son *payslip* pou gete? Ouswa si, ki konmsi eksplik nou en pti pe akoz mon pa anvi demen kot mon zis fer en dimoun desann.

MR SPEAKER

Mersi.

**MINISTER ROSE-MARIE
HOAREAU**

Onorab mon a dir ou. I annan en serten formalite ki bezwen ganny fer byensir, *ok?* E sa i pou bezwen ou *input*, e *input* ou *DA* osi. Si ler zot konn zot bann dimoun dan distrik zot konnen lekel bann ki pli bezwen led lasistans, finansyel.

I annan par egzanp, mon annan en *file* ki lo mon latap pou le moman, mon pou zis dir ou akoz sa i depan lo zot. I depan lo *assessment* bann

dimoun ki sorti kot Minister osi, zot bezwen vin gete, sa pye dibwa. Eski vremen i pe fer en danze pou sa lakaz?

I pou bezwen, pa pou bezwen, sa dimoun pa pou bezwen montre son *payslip*. I annan serten keksoz, serten kestyon ki pou ganny demande e si fodre demande, ou pou vwar ou menm ou sa bann dimoun koman zot pe viv.

Akoz mon dir ou i annan en prosedir, akoz la lo mon latab *at the moment* mon annan en *file* kot ler bann dimoun, Minister ti al vizit en serten fanmir pou fer, pou regarde akoz zot ti'n demann en lasistans.

E sa fanmir, ti'n ... Mon kontan bann kalite fanmir zot ti'n pare pou zot ed zot lekor, zot ti'n pare pou zot aste serten materyo, zot ti'n pare pou zot kontribye e zot ti'n dir i annan, serten keksoz ki ti bezwen ganny fer, e ti kler dan bann portre kantmenm mon'n erit sa *file*, me mon pe akont ou zistwar atraver portre.

E rekomandasyon ti ganny fer pa pou refer sa lakaz, me pou ed sa bann dimoun *renovate* li parey sa bann dimoun ti'n demande.

Me malerezman, nou pa'n laba, dan sa lepok la. Sa pa'n pran, pa'n ganny pran an

konsiderasyon. Lakaz in ganny *fully* mon, mon, *fully redone* ou kapab dir. E mon kontan pou sa fanmir zot in benefisye en zoli keksoz.

Me selman, i montre ou poudir rekomandasyon pa'n ganny pran an konsiderasyon. E menm mon annan en lot *file*, tou lede fanmir en sa avek en lot ankor, kot sa dimoun in dir. Mwan mon en mason, mon kapab mon'n fini aste mon blok. Mon'n fini aste sa, mon kapab fer sa. Mon bezwen zis en larzan pou ed mwan met tousala ansanm.

Be nou pa'n fer sa nou, Minister *Local Government*, anba lot direk, *previous administration* in fer en nouvo lakaz pou sa bann dimoun. E ler ou gete tousala zis avan eleksyon Oktob.

So, la nou ki nou pe sey fer, nou pe sey met en lord. En dimoun ki merite byensir i pou ganny ede. I annan serten formalite. Ler ou war en dimoun i pare pou li ed son lekor, annou ankouraz li.

Si i pe in mank li en pti bout, nou ava donn li pou li kapab met sa bann bout ansanm. Akoz ler en dimoun i pare pou ed son lekor in montre bonn volante, i montre i pa pe zis vin demande, li osi i le met en bout son kouraz ladan.

E koumsa ki nou dan sa lespri travay ki nou bezwen kontinyen ed dimoun. E *again*, baze lo merit. Mersi.

MR SPEAKER

Mersi. *PS* i annan en pti pwen pou eklersi avan nou *move-on*. Wi.

PS DAMIEN THESEE

Mersi Mr Chair. Lo sa *issue tree cutting*. Sa in touzour enn konsern kot nou, akoz ler sa bann peyman i vin kot nou apre. Nou'n touzour *raise* kestyon ki port *delay* ennler avek *processing* peyman. *On average* ennler nou vwar pe pey apepre *over* R5milyon zis dan koup pye dibwa tou le lannen.

So in annan en tandans pou dimoun pa pran son responsabilite. Si i annan en pye dibwa ki dir pe port danze lo son lakaz la, i pa gete si i kapab koupe li menm li. I zis pe vin kot Gouvernman pou peye.

E mon krwar sa en pratik ki nou bezwen dekouraze. Nou bezwen pran nou responsabilite kot nou. Nou pa kapab les pye dibwa grandi, apre vin kot Gouvernman pou koupe, akoz sa i port en tre gran fardo lo Bidze.

So parey Minis in dir si sa ki vilnerab, nou ava konpran. Akoz bokou fwa menm dir bann

leskiz ki vini, dimoun i aze. Me selman sa dimoun aze i napa zanfan.

Akoz bokou fwa nou vwar sa zanfan, sa dimoun aze ler i *passed away* la. I annan dimoun ki vini pou *claim* lakaz, solman tou kou nou servi sa leskiz dimoun aze, vilnerab. So, nou bezwen sansibiliz dimoun pou pran son responsabilite akoz nou pa pou kapab kontinyen tou le lannen pe met R5milyon dan koup pye dibwa. Mersi.

MR SPEAKER

Nou a *move-on*. Onorab Lemiel.

HON SYLVANNE LEMIEL

Mersi Mr Chair. Bonn apre midi Minis avek ou delegasyon. I annan en keksoz petet en komanter avan ki. Mon al lo mon kestyon direk, Minis i en pratik *as a past DA* dan bann letan ki mon ti *DA* i ti en pratik ki ti ganny fer kot ou ti apel sa *self-help*.

Sa ki ou, ou pe dir la. Kot en dimoun i santi i annan en bout semen pou li fer kot li, i dir mwan, mon a grate ed mwan avek en pe materyo.

Savedir ler mon pe ekout ou. Eski nou pe retourn ankor dan sa laliny lo merit, parey ou'n dir?

Eski akoz mon'n ganny en konpran sa ti arete akoz sa bann zafer *Procurement, Local Government* napa drwa al aste materyo pou donn dimoun.

Akoz sa in arive dan letan dezas, 2an pase. Kot i annan en fanmir dan mon distrik, i ti dir poudir donn li son blok, son lapousyey ros, en pe siman. Li i a met en pe, *Local Government* ed li ek en pe i a fer. Me sa pa'n zanmen ganny fer *ok*. In annan lezot keksoz ki'n arive, nou pa pou al ladan.

So, savedir ler mon pe regarde dan ou reform ki ou pe vin avek Minis. savedir ou ti le fer en fason, ou pe mazin re entrodwir *self-help*? Petet en pti leksplikasyon lo al apre.

Akoz mwan ler mon pe ekout ou mon krwar sa i en, bon keksoz. I en bon keksoz akoz si nou *manage* li byen kot nou pe responsabiliz dimoun pou li pran son responsabilite. E sirtou la dan moman letan ki nou napa, napa larzan, ou santi ou le met en bout mwan mon ed ou a en bout *it's something good* ki nou merite promote. Lo nivo kominote, *ok*?

Mon kestyon prezan. Mon pa santi ki nou'n ganny ase detay. Mon konpran ler i dir *community infrastructure*. *Ok*?

Mon ti a kontan Mr Adeline ou donn nou en pe plis

detay sa R3milyon pou sa lannen ki'n ganny donner la. Ki bann kalite lenfrastruktir, eski nouvo enfrastruktir ki zot pou konstri or lenfrastruktir ki la, ki zot pe al *maintain*? *Ok*? Sa i enn.

Anse Royale mon kontan sa lannen i annan en sanzman dan fason fer Bidze *Local Government*. Mon vwar ki tou distrik, premye fwa nou ganny sa, zanmen nou'n gannyen Bidze sak ladministrasyon distrik. Sa lannen nou'n vwar Anse Royale 354 or R356milyon i pe gannyen. Nou *accountant* in enform nou ki anba diferan, parey i annan in ganny *allowance* ki dir pou serten program.

Mon vwar R91mil pou Anse Royale anba "*other uses of goods and services*" *ok* eski li osi i pe al an term en pe pou program? Dan sa R75mil par distrik ki Minis in dir, zot pe al donn *Community Life Program*, Minis mwan mon konnen *Community Life Program* ti vremen, vremen aktiv.

Mon pe koz ou 2009 an desandan, sa ou ti a dir program. Me pli ale ou vwar poudir i deteryore. Ozordi i annan distrik napa ni menm en group trwazyenm-az. I annan distrik napa ni menm en group *NRA*.

Me mwan mon ti a kontan konnen ou pe donn R75mil par distrik, wi ou pe kolabor avek lezot Minister parey ou'n dir avek Minis Zialor.

Mwan mon pe, mon pe zis, mon pe zis mazine eski Minister in travay, in fer *a sort of a SWOT analysis*, lo *Community Life Program* li menm dan tou distrik. Pou nou vwar en pti pe son leta ki manner i ete, nou annan ase volonter pou partisipe, kwa ki nou pe fer pou ankouraz volonter pou re vini parey zot ti vini lontan pou nou travay, pou benefis nou kominote, pou nou fer nou kominote vibran.

Akoz se sa *purpose of Community Life* se pou fer ou kominote vin vibran. Anmenn aktivite, anmenn lavi dan ou distrik. So kwa ki nou pe fer mon pe mazine, pou nou kapab re anmenn sa ankor dan bann distrik?

R1.5milyon Minis in nonmen *major maintenance* lo Anse Royale. Mon konnen i annan plis ki 3an, ti annan kouvèrtir pou mete lo Anse Royale. I pa'n zanmen ganny fer li. Ek sa R1.5 milyon mon vwar 1.2 dan Bidze me selman Minis in nonm 1.5, *ok*.

Dan sa 1.5 mon ti a kontan ganny lenformasyon

detaye ki sa bann *maintenance* pe vin ganny fer.

Dan ladministrasyon distrik Anse Royale sa i pou *purpose* bann dimoun ki pe ekoute osi, ki vin la kot ladministrasyon distrik ki konnen.

Aprè i enportan, ki nou letan nou lo nivo distrik - akoz mwan ariv sa ek mwan dan lepase. Mon'n demann kopi *scope of work* kot mon ti ganny dir mon pa, mon pa kapab gannnen en kopi en *scope of work*.

Pa lo kote Minister anba, be selman ler mon'n an kontak avek mon DA i ti dir napa, mon pa pou kapab ganny en kopi *scope of work*. Parkont mon krwar i enportan si nou pe *monitor* en louvraz pou ed zot lo kote Minister, i enportan nou ganny en kopi *scope of work*.

Nou pa dir met pri avek nou. Donn nou en kopi sa *scope* pou nou konnen ki travay ki ou'n ganny dir fer si ou'n dir fer trwa mars peron in fer de. Nou a dir be nou pa pou aprouve in fer de. Lo *scope* i mark trwa, ou konpran. I vin en ed pou nou osi. Nou pe ed zot dan nou marse, nou pe gete. So, mersi Minis.

MR SPEAKER

Mersi Onorab. Minis wi.

MINISTER ROSE-MARIE HOAREAU

Thank you. Mersi Onorab pou ou bann keston. Mon tou a fe dakor ek ou akoz ler mon koz ek bann *staff*, sirtou bann ki, ki'n la bokou plis ki mwan.

Ou koz avek DG Benstrong par egzanp ki ansarz *Community Affairs*. Ou koz ek bann *program officers* zot menm, ou koz avek Mr Frichot li menm. Bann dimoun ki'n la, ki'n vwar sa bann keksoz koman in deroule e zot tou zot dir ou. Wi egzakteman parey ou'n dir. Mon pa konnen petet 5an, 6an sela, menm plis, ti annan sa lespri sa lespri kominoter program ti aktiv eksetera.

Me pou en rezon ou en lot avan ki mwan mon'n vin kot Minister, en keksoz in arive ki *staff* in demotive, *staff* in ganny eparpiye dan distrik san okenn sipervizyon, san okenn motivasyon, sa okenn sipor, konmsi donn zot sa koudmen pou zot kapab fer zot louvraz.

Se pourkwa prezan, la zisteman mwan pase, mon'n dir anmenn sa bann *program officers* lo baz *secretariat*. Annou travay ek zot, akoz se zot ki konnen akoz sak distrik i diferan. Nou pa kapab fer en sel program pou tou distrik. E sa

bann *program officers* se zot ki konnen avek zot DA, kwa ki marse dan bann *respective districts*. Konpran?

Alors se sa lespri ki prezan mwan mon pe sey relev sa, sa *vibrancy* dan anmenn program dan distrik. Mon pe sey donn lenportans e valer sa bann *program officers* pou zot kapab reviv, refer, remet an plas sa bann keksoz ki zot ti deza fer avan. So sa i en keksoz ki dan nou plan *going forward*. *Again*, i pou pran en pe letan akoz i ti'n mor mon bezwen reviv li.

Regarding bann zafer *volunteers* ek tousala, *again* sa i en keksoz ki bann DAs ler nou ti koze. Nou ti dir zot avek zot bann MNA, zot ki pou kapab idantifye bann dimoun potansyel volonter.

Akoz volontarya i en keksoz tre enportan dan en distrik e mon krwar tousala la i pou vin ansanm, akoz enn bann, enn bann, bann benefis sa DA *rotation* la, se ki sa bann DA dan sa nouvo distrik i pou en loportinite pou zot. Pou zot al rod sa bann dimoun al rod dimoun ki pou vin donn zot lanmen fer marse sa distrik.

E sa ti en par dan sa *handing over process*. Zot ti bezwen al pas enn ou de zournen dan distrik kanmarad.

Konmsi ou par egzanp si ou'n Anse Royale ou *host* mwan pou en zour, ou anmenn mwan, ou entrodwir mwan avek dizon si ou annan en klinik ou entrodwir mwan avek sa ners ansarz.

Si ou annan en Kordgard, ou entrodwi mwan ek sa Sef Lapolis dan sa distrik. Si ou annan bann bon *sponsors*, ou entrodwir mwan ek sa bann *sponsors*.

So dan sa *exchange of rotations of DAs* la. Ti annan bann, bann bout kot zot ti *host* kanmarad dan zot distrik respektif avan ki zot sanze. Pou entrodwir zot, avek bann dimoun kle dan distrik. E volonter i enn sa bann dimoun kle.

Regarding scope of work mon pa pou kapab pran en pozisyon ofisyel la. Mon pa konnen si Mr Adeline i pou kapab reponn. Me selman i pa anpes mwan al vwar, akoz sa ti ganny dir, si i en keksoz legal, si i en keksoz formalite. Les mwan silvouple al re verifye sa.

E mon a fer ou konnen larepons e ki mannyer *going forward* si i pou posibil, ouswa *still* i pou reste en keksoz ki en dokiman konfidansyel.

Mon pa kapab pronons mwan lo la, me mon ava fer en pe *homework* ladan. Eskiz

mwan si mon'n dir 1.5milyon pou *roof maintenance*, FC in fek konfirman i 1.2milyon pou *roof maintenance*.

E ankor enn fwa, mon bezwen *apologize* ki tou sa lannen sa pa'n ganny fer. Me koman ou vwar, koman mon'n vin la kot Minister mon'n fer sir ki sa i en priyorite anba sa nouvo ladministrasyon. Mon krwar mon'n reponn tou. Mr Adeline ou a pran lot bout.

DIRECTOR GENERAL DANIEL ADELINE

Onorab. Ou pe koz lo bann zafer lenfrastruktir sa *maintenance*?

HON SYLVANNE LEMIEL
(Off- Mic)

DIRECTOR GENERAL DANIEL ADELINE

Ok. Bon annefe sa, in annan de vot ki nou fer *maintenance* anba la. I annan sa, in annan *minor maintenance* avek *major maintenance*. Sa ki ou pe koz lo la i *minor maintenance*. I pa sa bann *major maintenance* ki nou pe al fer en pe partou kot bann *DA's Offices*.

Sa plito bann *occurrence* ki arive tou le zour. Kabinen bloke, *lock* i kase, bann pti *maintenance* ki ou anvoy en kontrakter i ale i la fer. So sa i ganny fer anba sa 3milyon.

Tandis ki larestan, sa lot *major maintenance* li i bann ki nou pou parey kot ou *community center* kot nou pe al kouver. *Ok.*

MR SPEAKER

Mersi. Wi, *FC* i bezwen azoute.

**FINANCIAL CONTROLLER
MARLENE VALENTIN**

Onorab *regarding* alokasyon anba, *over good “uses of goods and services”*. Sa R91mil, ladan i annan R54mil, ki pou ou alokasyon *sports*. Bann *sports club*, apre larestan se pou bann *Community Life Programs*, ki distrik pou organize. Mersi.

MR SPEAKER

Mersi. Wi leklersisman Onorab?

HON SYLVANNE LEMIEL

Mr Chair mon ti'n demann *DG* pou li donn mwan sa lenformasyon detaye ki bann renovasyon pe al annan lo ladministrasyon distrik Anse Royale.

Apre *just to add on*, wi Minis i byen ou'n pran legzanp Anse Royale sa *playground*. *Just to remind DG*, i annan en *notice board* osi ki mon krwar i *outstanding*. *Add on*, avek sa ki Minis in dir fer. Mersi.

MR SPEAKER

DG ou annan sa lenformasyon lo, *maintenance* Anse Royale? Kekfwa ou a.

**MINISTER ROSE-MARIE
HOAREAU**

Ok. Onorab i paret ki *DG* avek li la, i napa sa bann detay ki ou pe rode. Me selman sa i fasil. Nou kapab fer ou gannyen e si bann dimoun dan kominote Anse Royale i osi konsernen, i anvi, zot anvi konnen zot osi. Nou ava kit en kopi avek *DA* ki nenport dimoun ki enterese i a kapab vin regarde. Sa i pa en problem.

MR SPEAKER

Mersi. Wi.

**DIRECTOR GENERAL DANIEL
ADELINE**

Mr Chairman zis permet mwan pou eksplik *DA*. Nouvo fason fer se ki, avan ler ki nou al *tender* sa dokiman. Avan ler ki nou anvoy lo *Evaluation Committee* pou aprouv pou *tender*, nou pou bezwen vin diskit ek Lotorite Distrik ki nou pe al fer egzaktaman.

So en pe parey mon'n dir avek *MNA* Bel Ombre poudir ler son *DA's Office* pou'n fini *design* pou vin kot li i menm parey ek *MNA* Cascade, ler nou pou'n finaliz son *DA's Offices* nou pou prezant ek li si i annan okenn

deryen lamannman pou fer, nou fer avan ler nou anvoy kot *Planning for approval*. *Ok?*

MR SPEAKER

Mersi. Onorab Monthy.

HON PHILIP MONTHY

Mersi Mr Chair e bonn apre midi Minis ek ou delegasyon. Donk mon a fer mon premye kestyon. Zisteman maye lo sa ki *DG* fek dir lo Biro *MNA* Cascade. Akoz mon konnen mon tonm dan sa group ki kontrakter, i ankor pe negosye ek kontrakter donk.

Mon anvi zis en pti *timeline* apepre. Kan ki mon biro pou pare pou mwan *move*? Akoz mon bann zabitan plizyer zot i anvi vin vwar mwan e mon napa en biro pou lemoman.

Biro ki mon ti pe lwe pandan letan kanpany mon'n rann e la bann zabitan ki pe ekoute zot a konnen poudir pou lemoman mon napa en biro.

Mon pa ankor *move* dan ladministrasyon distrik. Donk mon ti a kontan konnen kan apepre ki biro pou pare? Ki mon pou kapab *move in*, pou mwan kapab komans resevwar mon bann zabitan? *Ok* sa i mon premye kestyon.

Dezyenm kestyon touzour lo Cascade. Minis sorti 27milyon pou ariv 10milyon

pou Sant Sosyal Cascade. I annan en gran *gap ok*? Mon ti a kontan en pe leksplikasyon lo sa, lo sa sityasyon.

Kwa ki fer ki sa proze ti pe al kout R27milyon ki aprezan la nou pe vwar i pe kout 10milyon. Si i annan larzan ki ti'n deza ganny *disburse* pou sa proze, oubyen non?

Si i annan okenn plan ki ti'n ganny fer, eski larzan in ganny depanse pou fer sa plan pou sa proze 27milyon? Sa larzan kot sorti?

E akoz in pran tou sa letan pou sa Sant Sosyal Cascade ganny konstrir *ok*?

E zis pou terminen, ki mon ti devret fer lo komansman, mon a remersye *DA* sortan. Ms Biong ki pe ale, e mon a akey nouvo *DA* ki pe vini. E mon pou profite osi poudir tou zabitan Cascade, ki sa zafer politik dan Biro ladministrasyon distrik la, i en zistwar ansyen sa, pou napa ankor. *Ok*. Mersi.

MR SPEAKER

Mersi Onorab.

MINISTER ROSE-MARIE HOAREAU

Mersi Onorab. Mr Adeline i ava pran sa de kestyon ki konsern biro avek *disbursement* sa 27milyon. Ler mon get dan *file*,

i paret i annan 6an, 5an a 6an ki i annan, ti annan en *ongoing*, ki mon kapab dir? Konversasyon ant sa *MNA* sa lepok avek *Local Government*. E donn *Local Government*, sa letan *previously* en kredi lo sa *file* akoz zot in refize fer en *building* 27milyon.

E akoz ti en *building* grandyoz. Ti en *building*, pa ti pou zis en Sant Kominoter, plan i dan *file*. Nenport dimoun ki anvi vin vwar i kapab vin vwar. Me nou avek 7milyon e nou vwar poudir kanmenm nou dan en sityasyon finansyel, difisil zabitan Cascade esper pros 6an pou ganny en Sant Kominoter.

E mwan mon napa okenn lespri grandyoz. Mwan mon en dimoun byen *practical*. Nou ava fer en Sant Kominoter ki pou deservi la kominote. Ki pou ase gran ki pou *practical*, ki pou anmenn, fotespere bokou lazwa pou bann dimoun Cascade. E nou pou fer li ek 7milyon.

E dan sa 7milyon i annan en konponan *India Grant*. *The whole of it*. Ok, aparaman *the whole of it is being sponsored by India Grant*. Alor lala, en proze kot *India Grant* pe ganny met an valer. So mon krwar ler ou pou ganny loportinite pou ou vwar *the plan*, akoz tousala pou ganny diskite ek zot, i enportan.

Ou a vwar ki fasilite pou annan dan sa *community center*. E mwan mon'n regard li an bref, e mon krwar i kouver tou zot nesesite. Alor finalman mon byen fyer, ki anba sa Gouvernman, anba sa administrasyon sa proze pou demare.

Apropo si larzan in ganny *disburse*, petet menm pou fer plan ou *whatever* pou sa *building* 27milyon grandyoz ki ti pou annan. Sa mon pa konnen, mon pa konnen. Petet mon pa konnen, akoz mon pa konnen si finans i annan sa *figure* la ek zot. Ti napa, konbyen? Pour kwa?

Ok, Mr Adeline i a pran sa kestyon i kapab dir zot an ofisyelman. ale Mr Adeline. Mersi.

MR SPEAKER

DG. Wi.

DIRECTOR GENERAL DANIEL ADELINE

Bon pou Sant Kominoter Cascade mon krwar Minis eksplik tou, zis. Wi nou'n fer peyman lo la. Nou'n fer pey, nou'n pey sa *architect* ki ti *design* sa *previous community center* ki annan en *architect* prive ti ganny *assign by* Cascade.

E nou'n bezwen pey li 175mil pou sa *building* ki ti kout R27milyon. Sa plan, *sorry*. Ki'n kout 27, ki ti pou kout R27milyon.

Lo kote ou biro, dapre Kontra ki kontrakter, in sinyen nou ekspekte ganny li premye semenn. Premye semenn Avril, savedir ou biro pou pare *by* premye semenn Avril, *hopefully*. Mersi.

MR SPEAKER

Ok. Mersi. Wi Onorab.

HON PHILIP MONTHY

Pti *follow up*, rapidman Mr Speaker. Mon pa konnen si i normal pou nou non sa *architect* ki'n fer sa plan. Non, *ok. Ok* ou.

MR SPEAKER

Ok. Mersi nou a pas lo Onorab Richard Labrosse.

HON RICHARD LABROSSE

Bonn apre midi. Mersi Mr Speaker pou donn mwan laparol. Dabor bonn apre midi Minis ek ou delegasyon. Bonn apre midi mon bann koleg. Tou dimoun ki a lekout. Espesyalman zabitan Plaisance.

Dabor mon osi avan mon komanse Minis mon ti a kontan remersye mon *DA* ki mon'n

ganny sans travay pou en pti pe letan ansanm depi mon eleksyon ziska la.

In montre en bon pe lenerzi dan son travay e mon osi mon'n kapab ganny en konpran bann difikilte ki ti pe gannyen e defi avek sa ansyen Gouvernman kantmenm zot pa oule nou dir.

Mr Speaker, Minis nou le pa koz le pase me nou bezwen koz lo lepase pou nou konn larealite, laklerte pou nou bouz devan. Kanmenm bokou, pa kontan.

Mon premye kestyon pou ou Minis i konsernan sa bann proze. I popiler li sa bann proze dan letan Eleksyon i apel Pti Payot.

La mon ti a kontan konnen anba ou Minister dan Plaisance si ou annan lenformasyon ek ou la, kantite mon bann zabitan ki'n ganny, ki'n ganny asiste anba la?

E mon'n osi paran avek serten zabitan ki i annan bann Minister an se moman, pe met en pe presyon lo zot pou zot vin rann larzan Pti Payot.

Me sa ki zot in ganny fer mwan ganny en konpran, se ki sa ti en kado ki zot ti ganny dir zot pou gannyen dan letan Eleksyon. So, la kekfwa ou ava donn mwan aköz mon pe vwar dan ou program *PSIP*, napa

okenn finans pou sa lannen lo la.

E osi Minis mon'n remarke osi lo bann Bidze administrater distrik ki annan en pti pe depans an plis lo bann zafer elektrisite.

So la mon pe gete dan sa nouvo letap, ki nou pe antre ladan ler nou pe koz lenerzi soler, si ou Minister ki son lide lo sa?

E mon dernyen kestyon, i pa en kestyon i en pti *statement*. Mon'n vreman apresye ou *statement* ki ou'n fer ler ou'n fer ou lentrodiksyon, kot ou dir ki anba sa nouvo Gouvernman nou pe al ver en nouvo souf.

So la mon a kapab dir ou ki nou dan Plaisance nou pou donn ou tou nou sipor lo sa. Parske nou, se sa ki nou ti vote dan dernyen Eleksyon se sanzman. Mersi Mr Speaker.

MINISTER ROSE-MARIE HOAREAU

Mersi Onorab. *Regarding* Pti Payot sa i en keksoz ki'n pas avan mon letan, avan ki mwan mon'n vin kot Minister. Mon pou les Mr Adeline petet eksplik en pti pe plis lo sa zafer Pti Payot.

Me selman en keksoz ki mon'n remarke ler mon'n pas dan serten sa bann *file* Pti

Payot. Se ki, menm si lentansyon ti bon deryer sa kalite panse, me ladministrasyon avan pa'n pran, pa'n fer sa bann dimoun pran okenn sans responsabilite vizavi ganny en keksoz parey en bout lakaz ouswa en lakaz.

En lakaz kantmenm i pti, pou nanryen. E ler parey mwan, mwan mon ti etonnen ler mon ti vwar sa reportaz lo sa lakaz Bel Ombre kot en ros ti tonm lo la. En gro *boulder* ti tonm lo la, e i aparet ki sa en, en proze Pti Payot.

Sa bann dimoun in *move* dan lakaz, nou pa'n zanmen dir zot, i nesese ki ou asir sa lakaz. En pti kontribisyon lasirans i *save* ou in *the long run* si en keksoz i arive avek sa lakaz ki ou'n ganny pou nanryen.

Nou ti bezwen *educate* nou bann dimoun osi ler nou pe fer bann keksoz koumsa. Apre ki arive, pa ni menm lan. En ros i degrengole i tonm lo lakaz, i kraz lakaz. E Gouvernman Lokal, ankor ki anmas sa lour pou al tir ros, pou al fer renovasyon lo menm lakaz.

So sa i en tipik legzanp kot nou'n koz ler en dimoun i le i bezwen ed son lekor. Alor Pti Payot mon pa konnen ki ti son lentansyon deryer. Me selman, petet i annan dimoun ki'n merite. Me selman avek sa kado

pa'n vin okenn sans responsabilite ek *ownership* poudir vwala, e i regretab.

Serten *file* in pase, pou *elderly* fer en bout lakaz pou *elderly*. Apre ou al vwar poudir napa *elderly*. E la ankor kot ti napa *monitoring of what was going on*. So, mon pa pou al tro lontan lo sa Pti Payot senpleman poudir i pa pou, napa larzan pou fer Pti Payot ankor. I pa dan Bidze, me selman i regretab ki sa bann ki'n ganny donnen pa'n ganny donn avek en sans responsabilite osi.

Regarding solar energy, koman nou konnen sa i en keksoz ki si ou pou fer ou bezwen fer li byen. I pou kout en bon pe larzan, pou revwar sa, i en bon fason get devan. I en bon sistenm *save* elektrisite.

Me selman dan sa Bidze la, nou pa pe vwar nou pe kapab fer li sa lannen. Me i pa vedir ki i pa en keksoz ki, en zour ler Bidze i permet nou ava revwar.

Me selman pou la, i pa en priyorite aköz larzan pa permet. Mon pa konnen si i annan keksoz ki Mr Adeline i le azoute.

DIRECTOR GENERAL DANIEL ADELINE

Wi. Zis en klarifikasyon lo sa Pti Payot. Annefe son, son vre tit i

en program sa. Son tit sete *Eradication of Pti Payot*. Pa konstrir Pti Payot, me *eradicate* Pti Payot.

Annefe en pe parey Minis in dir. *Well* son *purpose*, *purpose* sete pou, pou bann vye dimoun. Ou konnen lontan ti annan bann vye pti lakaz, tol rouye eksetera. E se tir sa bann dimoun dan sa bann vye lakaz, ater i ankor later, met karpet lo la eksetera. Fer li vin en *proper*, donn li en kabinen *flush* ensidswit, elektrik dan sa, dan sa pti lakaz.

Normalman i en *one bedroom* li. E parey Minis in dir, be petet *purpose along the way* in sanze, ki fer ki, *well* ler distrik i anvoye , i anvoy bann diferan kalite dimoun ki benefisye anba sa program. Me selman son *purpose* sete pou *eradicate* bann vye, vye lakaz.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Mr Chairman koman mon pe pran laparol, Onorab Georges i lev lanmen. So, mon prezimen i pou reponn *everything* ki mon pou dir.

Mr Chairman, mon krwar en keksoz enportan ki pe arive

ozordi se ki nou pe diskite en Bidze pou en Minister ki ekstrememan enportan.

Akoz se li ki si ou le vin sa moter, sa leker e sa Lazans ki *deal* avek bann keksoz lo en pwennvi lo nivo kominoter. Ki afekte dimoun e kot bann MNAs zot menm zot enterakte.

E Minis *rightly so*, in koz lo son nouvo ladministrasyon. Me nou ti napa en Departman Kominoter lontan. E in pran bokou letan pou nou etabli li. En kantite keksoz ki'n fer anba Departman Kominoter in komans dan en fason e apre nou'n benzwen sanze e avek sanzman se sa ki'n anmenn en kantite legzizans lo sa bann program.

Minis ou pou vwar ou menm ki ozordi koman Departman Kominoter pou koup en pye dibwa, lakantite letour anba *procurement* ki ou bezwen fer. Lakantite pas atraver plizyer landrwa e i annan MNA la anndan i kapab ateste, lo tou lede kote latab i vremen difisil.

E ou pou vwar poudir ou pou ganny menm konplent ki ou pou gannyen lot kote, ki ou pou gannyen isi. Ki a fer ou demann ou lekor, be nou ki ti dan Gouvernman aköz i pa ti koumsa?

So, i pa'n zanmen en lentansyon pou annan en labi. Me kot problem in vini, se ki in annan bann *bottleneck* ki'n ganny kree natirelman aköz in annan bann legzizans ki'n ganny mete.

Politisyen a lafen dizour ti servi menm langaz ki ou ti pe servi Minis pou dir ki Gouvernman pe servi resours leta pou satisfere son gen politik.

E *overtime* Gouvernman in bezwen adapte, sanze. Nou'n entrodwi bann mezir par egzant pou ler en proze i terminen, Minister Finans i bezwen *sign-off* lo peyman malgre ki tou zofisyè pou'n fini *sign-off* avan ki sa proze i ganny peye.

Avan ki sa kontrakter i ganny peye. E sanmenm kot ou'n tande, par egzant Onorab Esparon ti anmenn en Mosyon dan Lasanble, ki en kantite bann kontrakter pa ti ankore ganny zot peyman.

So, in annan tout en seri sanzman ki'n arive otour sa bann program. Me sa bann program ti nesese li. Par egzant eradikasyon Pti Payot.

I ti vin a en moman, si ou regard son bann dernyen bout lenplimantasyon *around* Avril, 2009. Kot ti annan serten landrwa ki ti ankore pe fer e sa se letan mon vwar kot ti fer

Community Centre Takamaka, Glacis. Avek *Daycare Centre* Au Cap ek Point Larue, ti *around* sa letan, ou pou realize poudir ti annan bann vye dimoun ki ti pe reste dan bann kondisyon enpitwayab e ti neseser pou annan sa bann program.

E sa bann program in marse akoz nou'n ede tir sa bann dimoun. Be prezan *going forward*, ki sa bann dimoun zot menm zot in fer pou zot lekor, zot bann desandans pou zot kontinyen *improve* zot kondisyon.

Se la probableman kot mon bezwen admet nou pa'n kapab fer sa ki ti devret ganny fer. Sa responsabilite petet nou pa'n enkilke ase. Me selman ti neseser pou nou fer sa bann program e nou'n fer en kantite keksoz. Ozordi nou annan sanzman Gouvernman, nou ava pran sa rol pou nou *monitor* krwar ki pe pase.

Mon pe fer sa tir tour lorizon pou Minis, pou ede ou konpran ki i pou annan en kantite keksoz oubyen lobstak ki pou vin dan semen lenplimantasyon.

Ki swa sa ki *MNA* lo mon kote latab i demann ou ouswa *MNA* lo lot kote latab. E ki pou neseser, pou ki si nou anvi en Departman *Local Government*

ki marse, ki kapab delivre. Ki nou tir sa bann *bottleneck*.

So, premye kestyon ki mon demann ou an relasyon ek sa Minis. Se striktirelman ou bezwen annan en sistenm ki lye avek Minister Finans. Ki kalite konversasyon ou'n gannyen ziska la avek Minister Finans vizavi, *let's say* par egzanp *MNA* Anse Royale apre ki in diskrit avek son Lotorite Distrik. I *identify* ki i annan en keksoz ki bezwen ganny rezourd dan distrik, ki i anvoy kot ou Minister. Ki pas atraver sa enn komite, i pas atraver sa enn komite, i al kot Minister Finans, Mr Adeline i konn tre byen ki mon pe koz lo la. *PS* Thesee i konn tre byen ki mon pe koz lo la.

Ki kalite *interface* ki pe ganny etabli pou fer ki le Onorab Lemiel i zwenn son *constituent* e dir ek li poudir sa problem pe al ganny adrese dan tel dele letan, i kapab ganny adrese dan sa dele letan? Sa i mon premye kestyon pou ou Minis.

Mon dezyenm kestyon *Minister*, i vin lo ... Nou konnen ou annan difikilte avek resours. E nou'n vwar ki Minister Finans in sanz sa konponan kot i *corporate social responsibility tax*.

Mon ti kontan konnen Minis, enn bann eleman ki ti pou ed ou Minis. Se ki si ou annan bann dimoun, mon okenn *COVID* i pa fer li fasil. Me si ou annan dan bann distrik, bann aktivite biznes oubyen bann antrepriz ki pare pou vin ed ou Minister, ki mannyer zot pou fer li e dan ki fason zot pou fer li. Par egzanp si zot oule fer li moneterman.

Eski Minister Finans in ofer ou en solisyon kot ou kapab vin en si ou le en resipyan sa ki sa bann dimoun pou kapab ofer ou? Akoz avan sa, sa *tax* ti ganny peye *somewhere*, la i pa pey sa *tax*, nou pe dir li depan lo son bonn volonte. Sa i mon dezyenm kestyon.

E si ou le, mon trwazyenm kestyon *Minister* i al lo kote ou departman. Mon kontan tande ki lamazorite ou dimoun pe gard zot lanplwa dan ou departman, e ki ou pe fer ou mye pou fer sir ki dimoun i ganny deplwaye e zot travay. E mon montre mon lapresyasyon pou sa.

So, an relasyon avek devlopman, sirtou dan domenn proze, eski ou Minister pe sey angaze pou kapab, par egzanp *institutional memory* ki Mr Adeline i annan, ou pou perdi si Mr Adeline i ale.

Me ki mannyer ou a kapab asire ki ou a kapab ganny sa memwar enstitisyonnel ki enportan pou ou departman fonksyonnen akoz se sa memwar enstitisyonnel ki kapab eksplik ou petet bann *pitfall*. Parfwa retourn serten pratik kot tro *involve*.

(Mon konnen mon pou ganny problemm avek larestan dimoun isi) tro *involve MNA*, en antite politik dan bann desizyon distrik i retir pouvwar dan ou lanmen pou ou vin arbitrer apre. Mersi Mr Chairman.

MINISTER ROSE-MARIE HOAREAU

Mersi Onorab. Zis pou tous en pti pwen lo Pti Payot. Mon byen apresye ou leksplikasyon e sa mon'n vwar osi en pti pe dan bann *file*. E vreman son bi prensipal orizinal ti en bon keksoz. Me selman *again* se labi ki'n anmenn li, ki'n fer li ganny sa *move* repitasyon sa program Pti Payot.

Ler Mr Adeline in eksplike ki bann dimoun in ganny tire dan bann landrwa kot ti annan later ater, separ *carpet* lo later, eksetera. E in ganny donn en *one bedroom or two bedroom house*. Sa i en bon keksoz e i ti ganny fer dan en lepok kot finans ti annan.

Me selman ankor son lobzektif orizinal in ganny kouver avek en bann move *malpractice* ki'n apse, ki'n donn sa, sa Pti Payot *project* en move repitasyon.

Dan lespri *procurement, tender*, konversasyon avek finans. *Timeframe*, parey ou'n dir si en *MNA* avek son *DA* i fer demars pou en serten proze. Lo nou kote Minister, sa sanzman ki nou'n fer lo bann komite ki evalye sa bann proze in sanze.

Ler mwan mon ti vin kot *Minister*, mon ti asiz koman en *observer* dan 2 komite ki ti *meet* menm zour. E tou lede komite ti annan pou fer avek *finalizing of projects. Approving of projects.*

E mon ti realize poudir tou lede komite pe fer menm travay. Alors mon ti demann en kestyon. Ki diferans ant zot la ek sa bann laba dan sa lot lasanm? E zot ti dir mwan nou, nou al pou nou koriz fot sa bann premye. Zot anvoy *file* kot nou, nou gete, nou koriz. Apre nou retourn anvoy kot zot.

Alors en bon pe sa dele ti dan Minister li menm. Alor la avek sa nouvo fason travay nou annan en komite kot i annan 5 dimoun. Avan ti annan 15, la nou annan 5.

E keksoz i ganny fer, bann dimoun konsernen i ganny sans pou met zot bann

pwennvi. En bann dimoun kle ki asiz lo sa bann komite e nou vwar deza ki keksoz i bouz pli vit. E i pou annan mwens retar lo kote finans osi akoz ler *file* i sorti kot nou i sorti annord.

Finans pa bezwen fer retournen pou dir sa i mal, sa i byen, *whatever*. Ler nou *file* i sorti kot nou konmela, tou keksoz i kler, tou keksoz in ganny *sign-off*. E i fer bout finans osi pli fasil pou zot kapab dir nou *carry on with the next stage*.

Ou annan toutafe rezon, *shortage of resources* finansyel. I annan en gran lenpak lo kante keksoz ki nou kapab fer sa lannen. E *COVID* osi pa pe ede e i enportan sa *private public partnership* e mon krwar ou pwen i valab, tre valab e mon kontan ou'n *bring it up*.

Akoz sa i pou donn mwan en pwen pou mwan kapab al *discus* avek Minister Finans pou regarde koman nou kapab fer sa marse. Sa zafer *private partnership*, si en dimoun i oule adopte en landrwa, i oule *maintain* en landrwa ouswa i oule kontribye en lakonpanyen prive, en endividyel prive.

That's a very good point ki mon ava koz avek *Minister for Finance, as well as* son lekip,

bann *PS*. Pou regarde si nou kapab met sa an pratik.

Institutional memory mon annan 2 la obor mwan e zot pa pe al okenn par. Zot pou travay tre pros ek mwan. E mon *FC* li osi i la apepre konbyen lannen? *FC* osi i la 3an e i annan en bon *background* lo sa ki'n pase avan.

Nou travay tre pros ansanm e avek son kontribisyon osi ki mon'n kapab met serten *checks and balances* an plas pou anpes bann labi ek bann *mismanagement of funds*.

Alors mwan mon santi ki poudir avek mon lekip si nou tou nou kontinyen travay lafason ki nou pe fer li, mon krwar Minister i ava kapab *move forward*. Me mon byen apresye ou komanter. Mersi.

MR SPEAKER

Mersi.

HON BERNARD GEORGES

Mersi Mr Chair. Mr Chair parey zot konnen isi dan sa Lasanble, mwan mon pa pran laparol ler mon napa naryen pou dir. Mon pran laparol ler mon annan en keksoz pou koze.

(APPLAUSE)

HON BERNARD GEORGES

Mr Chair, mon krwar i enportan pou mwan apre midi lo *behalf* nou *Caucus*. Sertennman. Me mon ti a kontan kapab fer li lo nivo nou Lasanble annantye me mon rekonnnet ki mon bezwen fer li lo lapar nou *Caucus*.

Napa en latab *league* pou bann Minis ki'n vin devan nou. Zot tou zot, in aport zot kontribisyon e sakenn i annan son fason fer. Me si mon pran laparol ozordi apre ki Minis Hoareau in koze, se aköz son Minister i sa enn ki tous nou koman Manm Lasanble pli pros.

Akoz i pe koz avek nou lo nivo nou distrik e lo nivo bann dimoun ki'n elekte nou. E mon ti a kontan pran sa lokazyon ozordi, pou dir ki mannyer mon'n apresye lafason ki Minis in koz avek nou apre midi.

Akoz in montre nou, in ouver en lafnet, non-selman lo bann labi lepase. Lo bann move pratik. Les mwan servi sa mo plito ki labi. Lo bann move pratik lepase e lo lafason ki sa nouvo ladministrasyon i pou kapab travay e anvi travay,

E mon krwar nouvo sa atraver tou bann Minis ki'n vin isi e li in montre nou sa lenerzi ki ou kapab vin avek e pran en keksoz e fer li vin bokou pli byen ki i ti ete. E lo la Minis ti dir dan son lentrodiksyon ki

swivan parol nou Prezidan, son manda se esey fer plis avek mwens.

E mon krwar ki sa se en mesaz Minis ki i byen pou fer pase e nou bezwen kontinyelman gard sa antet.

E ou osi ou'n montre nou atraver ou dernyen lentervansyon ki ou'n fek fer la, kot ou'n dir ki ou bann dimoun avek ou lo *panel* pa pe al okenn par. Ou montre nou ki manner ler en ladministrasyon i sanze, i kapab avek bon direksyon ou kapab fer bann ansyen travayer travay avek en nouvo latitud. E sa mon krwar se en keksoz ki nou bezwen aplodi.

(APPLAUSE)

HON BERNARD GEORGES

E nou pa pe koz zis bann keksoz fizik la, parey pti payot. Nou pe koz osi en filozofi, en *mindset* ki'n sanze e ki bezwen sanz epou anmenn nou pei pli devan.

Alors avek sa detrwa parol Minis, mon ti a kontan remerisi ou e lo lapar tou lezot ou bann koleg ki'n pas devan dan Lasanble e ki pou vin ankor, ale dir zot ki nou byen apresye sa fason travayer e nou ti akoz servi sa koman en legzanp pou

sa ladministrasyon *going forward*. Mersi Mr Chair.

MR SPEAKER

Mersi. Nou a pas lo vot. Nou a pas lo vot pou *Minister Local Government and Community Development* ki lo paz 318 ziska 384 pou en total R124 milyon 738 mil. Manm ki an faver lev lanmen silvouple. Mersi. Tou Manm in vote.

Vot pou *Ministry of Local Government and Community Development* lo pa 378 ziska 384 pou en total R124milyon 738mil in ganny 34 vot pour, 0 vot kont e 0 abstansyon. Mon krwar sa i Minister ki'n ganny plis vot ziska konmela. So, Minis ou'n ganny sipor nou bann *MNA*.

(APPLAUSE)

MR SPEAKER

E avek sa mon dir Bidze pou sa Minister in aprouve, nou a re pas dan Lasanble pou nou *adjourn*.

Mersi bokou tou *MNA*. Mersi bokou bann zofisye e mon swet zot tou bonn sware. Nou a re zwenn demen bomaten 9er. Mersi.

(ADJOURNMENT)